

近代中國史料叢刊第六十六輯
沈雲龍主編

民國軍事近紀

丁文江編

文海出版社
有限公司印行

國民軍事近紀

丁文江著

民國軍事近紀上編目次

頁數

第一章 緒論·····	一
(一) 北洋派之歷史·····	一
(二) 奉軍之崛起·····	一四
(三) 十一年奉直之戰·····	一九
第二章 直魯豫三特別區及東三省(其一)·····	二五
(一) 十三年戰爭以前之軍隊·····	二五
(二) 開戰時兩軍之計畫·····	四一
(三) 戰爭之結果·····	五二
第三章 直魯豫三特別區及東三省(其二)·····	六三

(四)大戰後之餘波·····	六三
(五)大戰後奉軍與國民軍之實力·····	七三
第四章 陝西山西甘肅新疆·····	一二〇
(一)陝西·····	一三〇
(二)山西·····	一四七
(三)甘肅·····	一五一
(四)新疆·····	一五六
第五章 江蘇浙江·····	一六〇
(一)十三年戰爭以前之軍隊·····	一六〇
(二)十三年江浙之戰·····	一六九
(三)戰事之收束·····	一七四

(四) 戰事之重開·····	一八五
(五) 戰後蘇浙之駐軍·····	一九二
第六章 湖北安徽江西·····	二〇二
(一) 湖北·····	二〇三
(二) 安徽·····	二一一
(三) 江西·····	二一八
第七章 福建·····	二二六

民國軍事近紀上篇

第一章 緒論

(一) 北洋派之歷史

中國之有新軍，始於北洋。前清光緒十年（一八八四），李鴻章督直，從戈登言，設武備學堂於天津，延德員爲教授，段祺瑞馮國璋王士珍等均肄業於其中；然有新教育而無新軍隊，學生卒業，僅入營爲教習，無指揮軍隊之權也。甲午之役，湘淮軍潰敗，始議練新軍。於是胡燏棻奉命練兵，成定武軍十營於天津。光緒二十一年冬，以袁世凱統之，增募爲七千人，號新建軍，駐兵於天津南

之小站。以武備學堂畢業生爲軍官，兵制悉仿德人。是爲北洋派軍隊之原始。光緒二十五年，榮祿爲直督，練武衛軍；以聶士成馬玉崑董福祥袁世凱爲前後左右四軍，自將中軍。是年袁巡撫山東率其軍入魯，故拳匪之亂，聶士成死難，董福祥遣戍，馬玉崑浮沈于間署，惟袁之勢力日增。光緒二十七年，袁被任爲直隸總督，北洋大臣，小站兵始大。二十八年，奏定北洋營制餉章，先練常備兵二鎮。是年九月，左鎮先成（後爲北洋之第二鎮）。二十九年冬，京師設練兵處，以慶王奕劻總之，而袁世凱實與其事；選旗丁爲京旗常備兵（後爲北洋之第一鎮）。三十年，日俄戰事起，北洋防務急，乃成北洋常備右鎮（後爲北洋之第四鎮），並改編武衛自強軍爲第三鎮。三十一年，以第二鎮之一部，及武衛右軍之先鋒隊，擴充爲第五鎮，以第三鎮之一部，及武衛自強軍餘部，擴充爲第六鎮；舉行秋操于河間，北洋陸軍之聲譽，遂佈滿于世。于是忌袁者建議，併練兵處于陸軍

部，以鐵良爲尙書，劃北洋之一，三，五，六鎮歸陸軍部，以鳳山爲督練大臣。此光緒三十二年事也。

是年徐世昌爲東三省總督，調新成立之第一混成協（由第三鎮之第五協改編）赴奉。三十三年，復由二四兩鎮抽撥六營爲第二混成協，調駐奉天。同時第三鎮亦分防吉省。宣統元年，以混成第一協及獨立兩標爲二十師。于是北洋派之勢力遂自西而東。

當光緒三十二年之設陸軍部也，定全國軍額爲三十六鎮；分責各省督撫，限期成立。光緒三十三年，北洋六鎮外，湖北南京各成一鎮。宣統元年，成九鎮，六混成協。二年，成十二鎮，十九混成協。三年，成十六鎮，十六混成協。在直魯豫東三省者，共八鎮，二混成協。除禁衛軍，吉林之二十三鎮，及黑龍江之混成協外，皆袁世凱之舊部也。

袁世凱于三十三年與張之洞同入軍機，已不直接管軍符。及醇王暨國，罷袁世凱，以載濤督練陸軍，倡練禁衛軍。宣統二年，罷鐵良，以蔭昌代爲陸軍部尚書，另設軍諮府，以載濤爲大臣。于是中央軍權，握于親貴，而外省督撫，多延日本留學生，任督練公所事，或就本省原有之陸軍學生，俾以兵權；北洋將帥益鬱鬱不得志。及武昌事起，除北洋及禁衛軍外，新軍皆離中央而獨立。蔭昌率二四兩鎮南下，徘徊于孝感信陽間。二四兩鎮者，原爲袁之常備軍左右鎮，六鎮中與袁最親。袁雖蟄居彭德，而與其舊部聲息常相通。蔭昌知袁不出，則將士不用命，乃奏請以袁督師，以馮國璋將第一軍，段祺瑞將第二軍，遂克漢口。及袁爲內閣總理，與民軍議和，卒賴段祺瑞等前敵將領之電，迫清廷退位，而自爲總統焉。

先是第六鎮統制吳祿貞獨立于石家莊，第二十鎮統制張紹曾擁兵于灤州，第

二協協統藍天蔚謀變于奉天。未幾，藍以失敗去奉，吳被刺死，張亦解兵柄，北洋派軍權，遂復統一。張吳藍均畢業于日本士官學校，故自是袁世凱不復用留學生；惟就北洋舊部，選拔將校，增練陸軍。民國二年，二次革命時，北軍爲袁用者，禁衛軍及北洋六師，二十師，直隸第一混成旅，中央第二混成旅之外，尙有拱衛軍五路，成立于宣統三年九月，初駐河南，旋調駐京師，守衛公府，及新成立之第七師（師長雷震春）。于是以何宗蓮率第一師駐察哈爾，以王占元之第二師及褚恩榮第二混成旅鎮武漢，曹錕之第三師及范國璋之二十師駐岳州，靳雲鵬之第五師及新成立之四十七旅駐山東；以李純率第六師及第二師之一部攻江西，以馮國璋率禁衛軍，雷震春之第七師，劉詢之直隸第一混成旅（後改稱中央第五混成旅），及第五師之第十旅與第二十師之七十九團攻南京，以第四師之一部守上海，旋派第四師之十四團赴福建。于是上自湖北，下至浙閩，均爲袁世凱軍隊

駐防地：北洋勢力遂侵入東南。

當第二次革命事急時，軍隊多南下，乃增募補充旅，駐山東，補第五師十旅之缺；另募第一路備補營駐北苑，第二路備補營駐保定。旋以補充旅爲第十旅，改原第十旅爲中央第一混成旅，以施從濱爲旅長，駐鎮江。另成第三混成旅，張敬堯爲旅長，駐河南；第九混成旅，丁效蘭爲旅長，駐江西。三年冬，改第七師爲十五十六兩混成旅，以賈德耀馮玉祥爲旅長，駐陝西。另擴充第三混成旅爲第七師，以張敬堯爲師長。拱衛軍前路爲第八師，李長泰爲師長，分駐馬廠北京。河南第一師爲第九師，張錫元爲師長（旋改爲河南第一第二旅）。第三師之第五旅爲第十師，盧永祥爲師長，駐上海。二十師之三十九旅爲第四混成旅，伍祥楨爲旅長。備補營第一路爲第七混成旅，唐天喜爲旅長。第二路爲第八混成旅，徐占鳳爲旅長。而駐福建之十四團，駐湖北之第二師補充旅，亦先後改編爲第十師。

六混成旅。是爲北洋軍隊大擴充之第一次。

時袁世凱陰謀稱帝，慮北洋將校之不用命也，乃藉口北洋軍隊暮氣，另組織樞範圍于北京，選各師旅將校之優秀者爲心腹。四年冬，成十一十二兩師，張永成陳光遠爲師長。添募第三混成旅，駐江西。裁減山西之十三十四混成旅爲團，另以李炳之爲十三混成旅長。五年，帝制事起，以第七師，第十六混成旅入川，繼之以第三師。分第十師之第十九旅赴福建；一團沈于海，團至閩改編爲第十混成旅。復添募近畿第一第二兩旅，及第一第二兩混成團。終袁之世，中央有拱衛禁衛二軍，十三師（一至十二，二十），十七混成旅（一至十六混成旅及山東之四十七旅）；除黎天才之第九師，王麒麟之第十一混成旅，黃國梁之第十二混成旅外，皆北洋派之勢力也；而姜桂題之毅軍，倪嗣冲之安武軍，張勳之定武軍，非新軍編制者，尚不在其列焉。

洪憲失敗，黎元洪繼任爲總統，段祺瑞爲國務總理兼陸軍總長。五年八月，改拱衛軍爲第十三師，以李進才爲師長。六年春，段祺瑞主張對德宣戰，黎元洪不可，府院日衝突。六月，各省督軍集天津，宣告獨立。黎元洪從張勳請，解散國會。七月一日，張勳復辟，段率第八師第十六混成旅討之。七月十二日，入京師。馮國璋代黎爲總統。擴充第五混成旅爲第十五師，以劉詢爲師長。近畿第二旅爲第四混成旅，以張錫元爲旅長。九月，改拱衛軍爲第十六師，以王廷楨爲師長。先是，唐繼堯于八月十一日通電護法，段祺瑞主用兵。九月，以傅良佐爲湖南督軍，率第八第二十師入湘，吳光新率第十三混成旅入川。是月十八日，零陵鎮守使劉建藩獨立，二十一日，程璧光率海軍赴粵，大局益紛亂。北洋派分爲二系：馮國璋主和，直隸督軍曹錕，湖北督軍王占元，江蘇督軍李純，江西督軍陳光遠附之，李純首通電要求停戰；段祺瑞主戰：安徽督軍倪嗣冲，浙江督軍楊善

德，松滙護軍使盧永祥，福建督軍李厚基附之。山東督軍張懷芝，河南督軍趙倜，則首鼠觀變。十月，北軍攻湘失利，傅良佐出走，第八師師長王汝賢，二十師師長范國璋通電言和，曹錕王占元李純陳光遠響應之，段祺瑞辭職。然第九師黎天才，湖北第一師石星川等獨立于荆襄，湘軍再攻岳州，北洋派軍人復合作，于十二月三日會議于天津，一致主戰。是月十六日，以曹錕爲第一軍司令，張懷芝爲第二軍司令，率師由鄂贛入湘。十二月，以段祺瑞督辦參戰事務，改駐湖北之第九師爲十七十八混成旅，以張聯陞趙榮華爲旅長，另以模範團爲第九師，以魏宗瀚爲師長；魏亦段之親信也。

七年一月，以曹錕爲兩湖宣撫使，張敬堯爲攻岳前敵司令，張懷芝爲湘贛檢閱使，率師南下。二月，徐樹錚說奉督張作霖截留自日本所購軍械于秦皇島。張自爲奉軍總司令，以徐樹錚爲副司令，派兵入關。馮國璋不得已，復任段祺瑞爲

國務總理，大舉南征。時各省督軍，紛紛增兵。六年，直隸已有五混成旅（旅長王承斌、閻相文、蕭耀南、曹錕、商德全）；是年七月，復添募三補充旅，一衛隊旅，以葛樹屏、董政國、彭壽莘、孫岳為旅長。山東已有新軍一師，及各路巡防改編之五旅（成立於六年十月），是年復添募二補充旅。河南已有第九師改編之第一第二旅，復以備補兵六營為宏威軍第一路。湖北原有第三（三年七月成立）第四（六年十二月成立）兩混成旅，是年九月，復添募第一第二兩混成旅。福建原有一旅，是年五月，改為第一師。九月，擴充中央十四混成旅為第二師，又增募一混成旅，四團。其屬于中央者：第六混成旅改編為十八師，王懋賞為師長，仍駐湖北（七年一月）；近畿第一旅改編為二十混成旅，吳長植為旅長，駐山東（七年六月）；改湖北省防軍為二十一混成旅，孫傳芳為旅長，奉軍補充旅為二十四混成旅，王永泉為旅長（七年十二月），移駐福建，復由第四師分成第六混成旅，何豐林為

旅長，駐上海。軍隊既多，內容複雜，非復民國五年以前之整齊劃一矣。

徐樹錚患北洋將校之不用命，且與段系將校曲同豐等不和，故藉奉天力以練新軍；初成步兵三旅，砲兵一旅。參戰處成立，即劃為參戰軍。其後第一旅改編為二十四混成旅，赴福建，而日本借款，陸續交付，段用曲同豐等練兵三師。徐部乃改稱西北邊防軍，合計四旅：以第一第四旅駐洛陽，第三旅駐宣化，第二旅駐鄭房。參戰軍亦于八年改稱邊防軍：第一師師長曲同豐，第三師師長陳文運駐近畿；第二師師長馬良駐山東。以上三師四旅，軍械均來自日本；西北軍羅致青年軍官，訓練尤精，然段祺瑞因是乃益還北洋將校之志。

方七年奉北軍之攻湖南也，吳佩孚率第三師于三月克岳州。段祺瑞乃任張敬堯為湘督。四月，北軍克衡山，而未幾第二軍大潰于萍鄉，幾不成軍，戰事遂停頓。五月，曹錕回天津。六月，張懷芝回濟南，山東第一師解散。八月，吳佩孚

率第三師旅長張學龍、張福來及直隸混成旅旅長王承斌、閻相文、蕭耀南等通電主和。十月，徐世昌繼馮國璋爲總統，以王士珍代段祺瑞爲國務總理，令前敵將領停戰。八年春，南北代表議和于上海，後雖破裂，而南征之議遂罷。是年六月，以徐樹錚爲西北邊防軍總司令。十一月，徐率西北軍第三旅褚其祥部赴庫倫。八月，浙江督軍楊善德卒，以盧永祥代之，仍兼松滬護軍使。九年五月，吳佩孚率第三師及直隸三混成旅北歸。六月，南軍進攻長沙，張敬堯逃。段祺瑞憤甚，曹錕、吳佩孚亦進兵近郊。七月六日，段下勳員令，組織定國軍：以邊防軍第一師，第三師，中央十五師，出蘆溝橋；以西北軍第二旅攻天津，邊防軍第二師由山東攻德州。七月十日開戰，即所謂直皖之戰是也。戰三日，西路十五師先潰降，邊防軍第一師繼之，曲同豐被俘。東路則直隸第四混成旅曹錕爲西北軍所敗，第五混成旅蔣德全爲馬良所敗，賴奉軍來援，且西路皖軍潰敗，天津得全。

七月十九日，徐世昌下令停戰。段祺瑞辭邊防督辦職，徐樹錚走日本使館，戰事告終。

九年八月，以曹錕爲直魯豫巡閱使，吳佩孚爲巡閱副使。時邊防軍第一第三師潰散，第二師裁併爲山東第七混成旅，西北軍第一第二第四旅遣散，第三旅成庫倫，次年敗潰；李奎元之十一師，劉詢之十五師，李炳之之十三混成旅（屬吳光新），先後裁撤。改任陸錦爲第九師，閻相文爲二十師師長。擴充直隸第一混成旅爲二十三師，王承斌爲師長，第二混成旅爲二十五師，蕭耀南爲師長，第四混成旅爲二十六師，曹錕爲師長，中央十六混成旅爲十一師，馮玉祥爲師長，補充第一旅爲十二混成旅，葛樹屏爲旅長，補充第二旅爲十三混成旅，董政國爲旅長，補充第三旅爲十四混成旅，彭壽莘爲旅長，衛隊旅爲十五混成旅，孫岳爲旅長。合第三師共爲七師五旅，皆曹錕吳佩孚之部屬，所謂直軍之嫡系也。

時北洋將領資格與曹錕等者，爲王占元李純田中玉趙倜陳光遠盧永祥李厚基。趙田陳皆無大志，盧李蟄居一隅，李純於九月十日自殺；齊燮元代督蘇，資望太淺，僅附曹以自存。惟王占元居天下之中，擁重兵，與曹相拮抗。十年八月，湖北兵變，湘軍攻岳州，川軍攻宜昌，王占元出走。中央乃以吳佩孚爲兩湖巡閱使，蕭耀南爲督軍，率二十四師，二十五師援鄂，旋退川湘之兵。於是吳佩孚坐鎮洛陽，派閻相文馮玉祥吳新田率第二十，第十一，第七三師入陝，絕後顧憂。計自民國五年至十年，六年之間，曹錕以師長崛起中原，戰勝攻取，擁衆十萬，皆吳佩孚之力也。

(二) 奉軍之崛起

光緒三十二年，徐世昌爲東三省總督，奉天始有新軍；然終前清之世，吉林有二十三鎮，黑龍江有混成一協，而在奉天之新軍，則爲二十師與第二混成協，

皆北洋六鎮所分，初無所謂奉軍也。奉省舊軍，原有中，前，左，右，後，副左，副右，副後八路，計步兵四十餘營。至光緒三十四年，始改爲中，前，左，右，後五路，歸巡防營務處節制。當辛亥革命時，張作霖爲中前兩路統領，馮德麟爲左路統領，吳俊陞爲後路統領，馬龍潭爲右路統領。奉督趙爾巽第二混成協不可恃，調張作霖入省，賴其力以制新軍，張始與聞省政。民國元年九月，改巡防中前兩路爲二十四鎮，十月，改稱二十七師，張作霖爲師長；同時右路巡防亦改編爲二十八師，馮德麟爲師長；吳俊陞被任爲騎兵第二旅旅長，分防奉黑。袁世凱以張錫鑾爲奉天督軍，兼節制吉黑軍隊。錫鑾於張作霖馮德麟均有舊恩，故終其任奉天無事。時吉黑兩省新軍，亦有增加。吉林原有二十三鎮，元年十月，改稱二十三師。二年一月，改編巡防營爲吉林混成旅。四年七月，改二十三師爲第二第三兩混成旅，添設吉林鎮守使，以第一旅旅長裴其勳兼任。九月，添

設延輝寧阿兩鎮守使，以第二旅旅長高士儻，第三旅旅長徐世揚兼任。黑龍江原有一混成協，元年，改稱爲旅。三年七月，就原有軍隊巡防營改編爲黑龍江暫編第一師，許蘭洲爲師長；又騎兵第四旅（時中央已有騎兵三旅），英順爲旅長。是爲袁世凱時代東三省之新軍。

四年，袁世凱謀稱帝，乃以段芝貴爲奉督，代張錫鑾。五年春，洪憲事發，西南抗命，張作霖遂逐段芝貴。袁不得已，任張爲奉督，以馮德麟幫辦軍務。五年八月，吉林添設第四混成旅，十月，設扶農鎮守使，以第四旅旅長兼任。時孟恩遠爲吉林督軍，畢桂芳爲黑龍江督軍，三省實各自爲政。六年六月，黑龍江第一師師長許蘭洲迫督軍畢桂芳離任，旅長巴英額英順通電攻許。七月，中央以鮑貴卿爲黑龍江督軍，許旋去黑。鮑貴卿改編軍隊爲第一第二兩混成旅，李慶祿張明九爲旅長；第一第二兩騎兵旅，袁慶恩張奎武爲旅長。同時，以騎兵第二旅與

奉天後路巡防合編爲二十九師，吳俊陞爲師長。十月，以田中玉爲吉林督軍，代孟恩遠，而吉林軍官電留孟。中央不得已許之。十一月，以汲金純代馮德麟爲二十八師師長。張作霖亦讓二十七師師長於孫烈臣。鮑汲吳孫均與張作霖親，孟恩遠以抗命故，亦聯奉以自保。張作霖之勢力乃漸及於吉黑兩省焉。七年二月，張作霖從徐樹錚言，截留自日本所購軍械於秦皇島，派兵入關。始擴充三混成旅，以梁朝棟鄭殿陞蔡平本爲旅長，旋添設第四第五兩混成旅，以王學臣劉香九爲旅長；另成暫編第一師，以張景惠爲師長。初段祺瑞銳意攻湖南，奉軍沿津浦路南，然卒以吳佩孚等通電停戰，未加入戰爭。七年五月，中日陸軍共同防敵軍事協定簽字於東京，擬出兵西比利亞。吉黑兩省遂乘機增兵。七年四月，吉林成第一混成旅，十月，成暫編第一師，高士儻爲師長。是年三月，黑龍江添設中央十九混成旅，鮑貴卿兼旅長（後改張煥相），保護中東鐵路。九月，以張作霖爲東

三省巡閱使。八年夏，中日兵衝突於吉林之二道溝。中央從張作霖請，以鮑貴卿代孟恩遠爲吉林督軍，而以孫烈臣督黑。吉林第一師師長高士儼抗命，鮑貴卿奉天援，逐之去，裁併第一師爲第六混成旅，郭瀛洲爲旅長。於是三省軍政權盡入張手；吉黑長官，均其腹心；凡官吏之任免，軍隊之調遣，非張同意，中央不復能過問矣。

九年夏，直皖之戰，直隸第四混成旅曹錕敗於西北軍，第五混成旅商德全敗於馬良，賴入關之奉軍來援，遂轉敗爲勝。戰事告終，奉軍復增設第六第七兩混成旅，以鮑德山李景林爲旅長。初徐樹錚之結奉天以擁段也，楊宇霆實爲之介紹。旋徐以專擅爲張作霖所惡，楊亦辭職去。至是張復用楊爲總參議，爲籌畫練兵事。十年五月，以張作霖爲蒙疆經略使，謀征蒙。東三省乃復增兵：計奉天添設第八第九第十三混成旅，以郭松齡牛永輔趙恩臻爲旅長；復改右路巡防爲十一

混成旅，以湯玉麟爲旅長。吉林增設第七混成旅，以李桂林爲旅長。黑龍江增設第三第四兩混成旅，以巴英額張海鵬爲旅長。自九年九月，張景惠被任爲察哈爾都統，卽率奉天第一師駐南苑，同時奉人鄒芬代王廷楨爲十六師師長駐西苑，陳錫武爲察哈爾騎兵旅旅長，駐多倫，第五混成旅齊恩銘駐京北，第六混成旅鮑德山駐廊房，第七混成旅李景林駐天津附近，設奉天司令部於京。至十年九月以汲金純爲熱河都統，率二十八師赴承德。於是奉天奄有東三省，兩特別區，擁衆五師（廿七，廿八，廿九，十六，及第一），二十三混成旅（奉天第一至十一，中央第十九，吉林第一至第七，黑龍江第一至第四），三騎兵旅（黑龍江二，察哈爾一），與北洋軍隊儼然如敵國焉。

（三）十一年奉直之戰

自直皖戰爭，直奉已成相持之勢。至十年冬，靳雲鵬辭職，梁士詒以奉天援

代之爲國務總理，形勢日趨嚴重。十一年春，吳佩孚以中日山東交涉事通電攻梁士詒，梁走天津。四月十日，奉天開始運兵入關，是月二十八日，良鄉白洋橋兩路同時接觸，是爲奉直第一次之戰爭。

開戰之初，奉軍共分五梯隊兩路：張景惠之第一師，鄭芬之十六師，與鄭殿璽之第二混成旅，牛永輔之第九混成旅，由長辛店沿京漢路南下，張景惠爲梯隊長；張作相之二十七師，齊恩銘之第五混成旅，鮑德山之第六混成旅，由落垡廳房渡永定河攻固安永清，張作相爲梯隊長；以上兩梯隊爲西路，張作相爲司令。張學良之第三混成旅，蔡平本之第四混成旅，郭松齡之第八混成旅，由楊柳青運兵信安鎮攻霸縣，張學良爲梯隊長；李景林之第七混成旅，闕朝璽之第一混成旅，由津浦路攻馬廠，李景林爲梯隊長；許蘭洲另率黑龍江騎兵二旅由青縣西取保定；以上爲東路，張作霖自爲司令。預定以張景惠李景林兩梯隊爲守，其他各

梯隊爲攻。直隸方面共分三路：西路以吳佩孚爲司令，率董政國之第十三混成旅，孫岳之第十五混成旅，與補充第三團，攻長辛店；以張錫元之第四混成旅爲援。中路以王承斌爲司令，率二十三師之四十六旅，與葛樹屏之十二混成旅守固安永清；分二十三師之四十五旅，及第三師之第六旅（旅長楊清臣）由霸縣攻信安。東路以彭壽莘爲司令，率十四混成旅，二十六師之一旅，由大城攻白洋橋，另以在德州之二十六師第五十二旅，及第九師第十三師之一團，據興濟鎮守青縣，而以二十四師之四十八旅爲援。時馮玉祥率十一師，胡景翼之陝軍第一師，田維勤之陝軍第一混成旅，曹士英之陝軍第二混成旅自陝西至河南。吳佩孚乃以十一師之二十二旅，陝軍，及第三師之第五旅，靳雲鶚之第八混成旅留守河南，監視趙倜；分十一師之二十二旅北上援長辛店焉。

未開戰之前，曹錕之二十六師一旅在馬廠，一旅在德州。及奉軍進兵，曹錕

棄馬廠，退南運河西岸。直至四月十九日，保定決意主戰，始拆青縣以北之鐵路，扼守白洋橋以拒奉軍。時許蘭洲率黑龍江騎兵攻青縣無功，二十八日，李景林乃由馬廠進兵攻白洋橋。曹錕率兵四營退大城，適彭壽莘之十四混成旅來援，吳佩孚亦同時至，促直軍反攻，遂奪回白洋橋。復分兵一團從子牙河上流渡河而東，與青縣方面相聯絡。戰數日，奉軍不利。張作霖以張九卿李桂林率吉林兩混成旅來援，未加入而西路敗退，張九卿李桂林被俘於軍糧城，李景林率七百餘人繞道退灤州。

信安鎮方面，爲奉軍之精銳；開戰之初，戰事頗烈，旋亦爲直軍所敗。五月三日，奉軍反攻，直軍第六旅傷亡頗衆，信安鎮復安。次日東路敗耗至，張學良率兵退灤州。

西路方面，奉軍原應取守勢，而張景惠等初貪功，於二十九日過良鄉，攻直

軍，旋退守長辛店。三十日，吳佩孚率三十五兩混成旅進攻，五月一日，收退。適第十一師之二十一旅自保定來援，軍勢復振。乃分兵沿西山繞道大灰廠，出長辛店後。四月四日晨，直軍復進攻。是日張作相之梯隊爲王承斌所敗，鮑德山不戰潰；全軍渡河退落堡，張作霖親赴落堡，促之反攻，而軍無復鬥志。四日夜，直軍第四混成旅加入戰爭，張景惠敗退蘆溝橋。五日，吳佩孚佔豐台，奉軍大潰，不復成軍。

方奉直軍之相持於信安也，第三師第六旅爲奉軍所挫，遂有吳佩孚戰死之謠。消息至河南，趙倜於五月六日起兵攻馮玉祥靳雲鶚，擾直方後路。旋爲馮靳及陝軍所圍，趙棄開封走，馮玉祥入城，槍斃河南第二師師長賈德全。於是河南之第一第二師均被解散，馮繼爲豫督，於十一師之外，擴充其補充旅爲第七第八第二十五三混成旅。而吳佩孚以賈德全無死罪，頗不直馮之所爲。吳馮之破裂，

蓋自是始也。

張作霖既敗，集殘軍於灤州。以李景林任左翼，張學良任右翼，扼守灤河。然其時奉軍新敗，有衆不過二萬；荷直軍追擊之，全軍可擒也。而直將帥多不欲復戰；張錫元被任爲察哈爾都統，率第四混成旅去張家口；十一師之二十一旅回河南援馮玉祥；二十四師之四十八旅回岳州；吳佩孚亦謂奉天將有內變，不必再用兵，委其軍於王承斌而自赴保定。前敵將領彭壽莘楊清臣董政國孫岳等資望相埒，各不相下。王承斌威望出吳下，號令常不行。鐵路運輸規則爲軍人所破壞，交通阻滯，軍行遲緩。張作霖乃得從容去灤州，並補充軍備，扼守山海關。直至七月，直軍始進攻，而奉軍戰甚力，急切不可敗，雙方死傷七八千。王承斌乃與奉軍和，以山海關爲界，雙方退兵。識者早知二次戰爭之不可逃矣。

論者嘗謂袁世凱原藉新軍之力，得膺大位。乃疑留學生不爲己用，擯斥不遣

餘力，其失策一也。既任用北洋將校矣，乃一面擴充張勳倪嗣冲姜桂題之舊軍，一面以陳光遠練模範圍，以表別於北洋，使段祺瑞等不復爲用，其失策二也。段祺瑞者，北洋派領袖，袁世凱當國時，反對舊式軍隊之中堅也。及爲總理，乃反恃倪嗣冲等爲爪牙，繼復練邊防軍以制北洋，結張作霖以抗直系，其失敗遂與袁一轍。張作霖崛起東北，自成一軍，然所用師長皆其舊交，旅長亦新舊參半，十一年之戰，卒僨事於二十七師第一師及黑龍江之騎兵。果新舊之不容容歟？抑亦公私之不可混也。以北洋奉天兩派之軍隊，其影響及於全國，故詳述其歷史於首。然後就事實之詳略，地理之遠近，分列合敘，次及各省焉。

第二章 直魯豫三特別區及東三省（其一）

（一）十三年戰爭以前之軍隊

(甲)直軍

十一年奉直戰事告終，以王承斌爲直督，改編十四旅爲十五師，而別以時全勝爲十四混成旅旅長，曹錕之衛隊爲十六混成旅，以曹士傑爲旅長；自是在直隸之兵，遂增一師二旅。河南因趙倜發難失敗，寶德全爲馮玉祥所殺，原有之河南第二師及步兵第一第二旅，均遭遣散，然馮玉祥繼趙爲豫督，陸續擴充其十一師爲一師三旅，胡景翼之陝軍改編爲一師二旅，靳雲鶚之第八混成旅改編爲第十四師。其後馮玉祥改任爲陸軍檢閱使，率軍移駐京師，張福來之二十四師代之駐豫；河南舊有各軍，亦改編爲三混成旅三混成團。老洋人叛亂，鎮嵩軍第二路張治公改編爲陝軍第二師，移駐豫西。河南駐軍，較十一年，蓋增兩倍。至於三特別區：則馬鴻逵部改編爲第五混成旅，鄭金聲改編爲綏遠第一混成旅，第四混成旅張錫元移駐察哈爾；第十三師移駐朝陽凌源；原在熱河之第四路巡防營遊擊

隊，亦均有增加。惟山東非直派嫡系，軍隊變動較稀，然亦擴充一混成團，以梁世昌爲團長。綜計直魯豫三省三特別區，十一年春，除奉軍四萬餘人外，駐兵不過十五萬人；至十三年夏間，乃增至二十五萬餘人。

十三年初，吳佩孚提議督軍關員不兼師長。二月二十九日，以王維城代王承斌爲第二十三師師長，三月十一日，以董政國代陸錦爲第九師師長，三月二十一日，以楊濟臣代張福來爲第二十四師師長，五月九日，以孫宗先代鄭士琦爲第五師師長。除孫原爲第五師旅長，其任命出於鄭士琦之薦任外，新任師長，皆吳佩孚之親信也。

久藏天津之意國軍械，亦於十三年春以三百餘萬元售於直軍。計有步槍四萬枝，槍彈五千萬，七生的五砲三十六尊，砲彈五萬枚，機關槍六架；然其中有槍枝子彈多朽壞有不堪用者，故數目雖多，而實力無幾也。

十三年直奉戰爭，直系軍隊，全來自直魯豫三省與三特別區。茲將開戰以前各軍之分佈，列表如左。

直隸

軍	隊長	官防	地	備	考
中央第十一師	馮玉祥	北京			
中央第七混成旅	張之江	北京		屬馮玉祥。	
第八混成旅	李鳴鐘	北京		屬馮玉祥。	
第二十五混成旅	宋哲元	北京		屬馮玉祥。 以上約三萬五千人。	
中央第九師	董政國	北京		六千人。	
第二十三師	王維斌	廊房 滄州		一萬人。	

第二十六師	曹瑛	馬廠德州	八千人。
第十五師	彭壽幸	灤州	一萬人。
中央第十二混成旅	葛樹屏	保定	四千人。
第十三混成旅	馮玉榮	蘆台	四千人。
第十四混成旅	時全勝	涿州	三千人。
第十五混成旅	孫岳	大名	四千人。
第十六混成旅	曹士傑	保定	原爲衛隊旅，三千人。
陝軍暫編第一師	胡景翼	順德彰德	一部分在豫，一萬餘人。
中央第一混成團	程希聖	灤州	
第二混成團	張維良	北京	共三千人。

河南

中央第三師	吳佩孚	洛陽	一萬餘人。
第二十四師	楊清臣	新鄉衛輝鄭州	一萬餘人。
第十四師	靳雲鶚	鄭州	一萬人。
第二十師	閻治堂	潼關	八千人。
陝軍暫編第二師	張治公	豫西	原屬鎮嵩軍第二路，八千人。
陝軍第二混成旅	曹士英	禹縣	屬胡景翼，四千人。
中央第二十六混成旅	田維勤	汝州	原屬胡景翼，四千人。
河南第一混成旅	李治雲	泌陽	豫北鎮守使，舊為奉軍先鋒隊。一部駐唐縣桐柏，二千五百人。

第二混成旅	林起鵬	豫南	曾與湘岳之戰，三千人。
第三混成旅	馬燦林	開封至歸德	二千餘人。
第一混成團	丁香玲	陝州	豫西鎮守使(毅軍改編)， 一千餘人。
第二混成團	馬志敏	南陽	豫南鎮守使(毅軍改編)， 一千餘人。
第三混成團	郭振才	歸德	援蘇，一千餘人。
第四混成團	李鳴盛	開封尉氏	一千餘人。

山東

中央第五師	孫宗先	濟南辛莊	七千人。
第一混成旅	潘鴻鈞	濟甯	二千餘人。

步兵第一團	任居建	高密坊子	一千二百
第一混成團	梁世昌	曲阜	一千二百
第四十七混成旅	施從濱	濟南膠東	三千餘
第七混成旅	胡翌儒	津浦北段	四千人
第六混成旅	張培榮	兗州	三千人
第五混成旅	李森	臨沂	二千餘
第四混成旅	張建功	東昌	二千餘
第三混成旅	徐鴻賓	曹州	二千餘
山東第二混成旅	張懷斌	烟台	二千二百
第二十四混成旅	吳長植	濟甯	二千餘

熱河

中央第十三師	王懷慶	朝陽凌源	八千餘人。
直隸第四路巡防隊	龔漢治	朝陽	約二千餘人。兼朝陽鎮守使。
毅軍 翼長兼統領 翼長	米振標 張殿如	承德圍場 赤峯林西	共約七千人。
熱河第一混成旅	張林	朝陽	約二千人。
熱河遊緝隊	張連同	開魯綏東	約二千人。
熱河巡防營	唐統領 李統領	平泉 豐甯	約千餘人。

察哈爾

中央第四混成旅	張金標	張家口	約四千人。
---------	-----	-----	-------

察哈爾第一混成旅	魏福陞	張家口	三千人。
騎兵第一旅	喬建才	豐鎮	千餘人。
騎兵第二旅	丁長發	多倫	千餘人。

綏遠

中央第五混成旅	馬鴻逵	綏遠	三千人。
綏遠第一混成旅	鄭金聲	包頭	三千人。
第一混成團	倪陰福		千餘人。
第二混成團	劉子誠		千餘人。
暫編步兵營	李西峯		

補充營第一營	蘇玉生	西路匪改編。共千餘人。
第二營	趙有祿	同上。

以上共計約二十五萬人。

此外尚有直魯豫三省之游擊隊，巡防營，至少有二萬人；因多分防各縣，且編制不同，未經戰陣，故不在統計之列。

(乙) 奉軍

十一年奉直之戰，奉天原有三師，九混成旅，吉林八混成旅，黑龍江一師，四混成旅，二騎兵旅；此外尚有在熱河之二十八師，察哈爾之騎兵旅，共計為五師二十四旅，約十餘萬人。戰敗之後，第一師與十六師為直軍繳械，在熱河之二十八師，僅有一旅回奉（後編為第四旅），第六與第九混成旅因戰敗遺散（第六

混成旅鮑德山槍斃。於是張作霖改編東三省各軍爲二十五混成旅，五騎兵旅；旋增爲二十七混成旅。舊有各師，惟張作相之二十七師，吳俊陞之二十九師尙存。又以李景林有功，陞之爲第一師師長。然各師所屬各旅，卽在二十七混成旅五騎兵旅之中，蓋仍以旅爲單位也。旅之編制，原以三團爲標準，而未克完全實行，故各旅之內容不同，實力亦異；如張學良之第二旅，有步兵三團，騎砲兵各一團；名雖旅而實則師矣。十三年春，孫烈臣卒，張作相繼之督吉林，張學良改任爲二十七師師長；吉黑各旅，亦多易人。奉天原有之兵工廠，僅能造步槍槍彈，產額爲數亦微。戰後大加擴充，預定計畫，一年能出砲二百尊，砲彈二十萬，槍彈六千萬，無煙藥百餘噸。又延英國人石屯 (Sutton) 專造迫擊砲，分配各旅。購新式布利凱 (Breguet) 飛機四十餘架。至十三年開戰時止，兵工廠雖尙未完工，而製造槍彈能力，與直軍相等，飛機實力，則在直軍之上。茲就開

戰以前各軍之分佈，列表如左。

奉天

軍	隊	長官	防地	備	考
第二十七師		張學良	錦州		
第五混成旅		于芷山	錦州	屬二十七師，步兵兩團。	
第十九混成旅		高維嶽	錦州	屬二十七師，步兵兩團，騎砲各一團。	
暫編第一師		李景林	北鎮		
第二十三混成旅		李爽澄	北鎮	步兵二團，	屬第一師，外騎
第二十四混成旅		邢上廉	北鎮	步兵二團，	砲各一團。
第一混成旅		闕朝楨	鄭家屯	洮遼鎮守使，步兵三團。	

第二混成旅	郭松齡	瀋陽	步兵三團，騎砲各一團。
第三混成旅	張宗昌	海龍	步兵三團，炸彈隊一隊。
第四混成旅	裴春生	興城	步兵兩團。
第六混成旅	宋九齡	開原遼陽	步兵四團。
第七混成旅	湯玉麟	鳳凰	東邊鎮守使，步兵三團。
第十二混成旅	趙恩臻	新民	步兵三團。
第十四混成旅	楊德生	彰武	步兵兩團，騎兵一團。
第十六混成旅	齊恩銘	綏中	步兵二團。
第二十五混成旅	蔡平本	梨樹	步兵二團，騎兵一團。
第二十七混成旅	溫玉瓚	瀋陽營口	步兵二團。

騎兵第一旅	穆春	通遼	
騎兵第三旅	蘇錫麟	瀋陽	
第一遊擊隊統領	張海鵬		
第二遊擊隊統領	程海峰		

吉林

第八混成旅	丁超	長春	吉長鎮守使，步兵二團，騎兵一團。
第九混成旅	陳玉崑	依蘭	依蘭鎮守使，步兵二團，騎兵一團。
第十混成旅	于琛激	吉林	步兵二團。
第十三混成旅	吉興	局子街	延吉鎮守使，步兵三團。

第十八混成旅	張煥相	哈爾濱	濱江鎮守使，步兵二團
第二十混成旅	楊遇春	農安伊通	步兵一團，騎兵一團
第二十一混成旅	李振聲	寧古塔	步兵二團，騎兵一團。
第二十六混成旅	李桂林	雙城	步兵二團，騎兵一團。

黑龍江

第二十九師	吳俊陞	龍江	
第十五混成旅	萬福麟	滿州里	屬二十九師，步兵二團，外砲兵一團；
騎兵第五旅	梁忠甲	海倫	屬二十九師，三團。
第十一混成旅	巴英額	黑河	黑河鎮守使，步兵一團，騎兵一團。

第十七混成旅	張明九	海拉爾	呼倫貝爾鎮守使，步兵二團，騎兵一團。
第二十二混成旅	石青山	綏芬河	綏海鎮守使，步兵二團，騎兵一團。
騎兵第四旅	李冠英	安達	安泰鎮守使。
騎兵第二旅	彭金山	泰來	

以上計步兵六十團，每團有迫擊砲一連，機關槍一連，共約十二萬餘人；騎兵二十四團，約二萬餘人；砲兵四團，五千餘人；各旅之騎砲輜重營炸彈隊等，合計約二萬五千餘人；外騎兵游擊隊二隊；合計約十七萬人。

(二) 開戰時兩軍之計畫

(甲) 直軍

戰事初開時，直軍共組三軍 第一軍自灤州向山海關。第二軍分兩路：一由

冷口經凌源向朝陽，一由承德平泉向凌源，亦以朝陽爲目的。第三軍分由喜峰古北兩口向赤峰開魯。其後又增編第四軍，一部分加入山海關，一獨立騎兵隊，由察哈爾援赤峰。茲就當日情形列表如左。

第一軍

總司令彭壽辛兼一路司令 第十五師師長

馮玉榮 一路副司令 第十三混成旅旅長

副司令王維斌兼二路司令 第二十三師師長

葛樹屏 二路副司令 第十二混成旅旅長

副司令董政國兼三路司令 第九師師長

時全勝 三路副司令 第十四混成旅旅長

此外曾編第一混成旅程希聖，及第二混成旅張維良部，後亦屬此軍，共計約

四萬餘人。

第二軍

總司令王懷慶

第十三師師長

副司令米振標

毅軍統領

前敵總指揮劉富有

第十三師二十六旅旅長

副指揮龔漢治

朝陽鎮守使兼四路巡防營統領

以上共約二萬二三千人。旋朝陽失守，劉富有、龔漢治逃潰，乃以陶經武、張林爲總副指揮。陶爲二十五旅旅長，原駐凌源，張林爲熱河混成旅旅長，原駐朝陽。

第三軍

總司令馮玉祥

第十一師師長

第一路司令張之江 第七混成旅旅長

第二路司令李鳴鐘 第九混成旅旅長

以上除第十一師第七第九兩混成旅外，尚有宋哲元之二十五混成旅，共約二萬五千人。

第四軍

總司令曹錕 第二十六師師長

副司令殷本浩 副榆鎮守使

副司令曹士傑 第十六混成旅旅長

曹錕爲曹錕之弟，曹士傑爲曹錕姪，所隸軍隊共約萬人。

獨立騎兵隊

總司令張殿如 開赤護軍使兼毅軍翼長

前敵總指揮譚慶林

口北鎮守使

副指揮丁長發

察東鎮守使，兼察哈爾第二騎兵旅旅長

副指揮馬鴻遠

第五混成旅旅長

張殿如原爲林西鎮守使。戰事起後，始改任爲開赤護軍使。其所屬有張連同之游擊隊二千餘人，及開魯赤峰之毅軍，計共約一萬餘人。

以上四軍，一獨立騎兵隊，共約十萬人。此外尚有孫岳之十五混成旅，由保定調戍北京，不在上列各軍之列。

援軍

總司令

張福來

督理河南軍務

第一路司令

曹錕

第二十六師師長

第二路司令

胡景翼

陝軍第一師師長

第三路司令

張席珍

第三師第六旅旅長

副司令

曹上英

陝軍第二混成旅旅長

第四路司令

楊清臣

第二十四師師長

副司令

林起鵬

河南第二混成旅旅長

第五路司令

靳雲鵬

第十四師師長

副司令

田維勤

第二十六混成旅旅長

第六路司令

閻治堂

第二十師師長

第七路司令

張治公

陝軍第二師師長

第八路司令

李治雲

豫北鎮守使兼河南第一混成旅旅長

第九路司令

潘鴻鈞

第一混成旅旅長

副司令

吳長植

第二十混成旅旅長

第十路司令

譚慶林

口北鎮守使

副司令

張金標

第四混成旅旅長

以上十路，除第一第十兩路已改任爲第四軍與獨立騎兵外，皆原在河南山東兩省，計六師六混成旅，共約七萬餘人（各路之行動詳見下篇）。

（乙）奉軍

開戰之始，奉軍共組織爲六軍。第一第三軍在山海關，第二軍由錦州攻朝陽，第六軍由開魯攻赤峰，第四第五兩軍原爲援軍。其組織之初，各師旅之分配，略如下表。

第一軍

軍長姜登選

興綏駐軍統監

副軍長韓麟春

前任兵工廠督辦

第四旅

裴春生

原駐興城

第十二旅

趙恩臻

原駐新民

第十六旅

齊恩銘

原駐綏中

第十九旅

高維嶽

原駐錦州（第五旅之十七團暫歸其節制。）

以上共計三萬人。

第二軍

軍長李景林

第一師師長

副軍長張宗昌

第三混成旅

第三旅

張宗昌

原駐海龍

第二十三旅

李爽澄

原駐北鎮

第二十四旅

邢士廉

原駐北鎮

屬第一師

第二十五旅

蔡平本

原駐黎樹

以上原不過二萬餘人，而張宗昌另組有別動，督戰，敢死各隊，其中有俄國人數千，日本高麗人數百，連第三旅約萬五千人。蔡平本旅臨時亦有增加。故二軍共計約三萬餘人。

第三軍

軍長張學良

第二十七師師長

副軍長郭松齡

第二混成旅旅長

第二旅

郭松齡

原駐瀋陽

第六旅

宋九齡

原駐開原遼陽

第二十七旅

溫玉瓚

原駐瀋陽營口

共約二萬七八千人。

第一第三兩軍，皆在山海關，故合爲三聯軍，臨時略變更編制，以第二十七師及第二旅之騎兵團，合編爲騎兵旅，以原任第五旅旅長于芷山爲旅長，歸二三聯軍指揮。第二十七旅之五十七團留營口海防，而以四十一團歸齊恩銘節制。溫王瓚代宋九齡爲第六旅旅長，宋九齡又代郭松齡爲第二旅旅長，郭則專任副軍長。故一三軍合計約六萬人。

第四軍

軍長張作相

吉林督軍

副軍長汲金純

前熱河都統二十八師師長

第八旅

丁超

原駐長春

第十旅

于琛激

原駐吉林

第二十六旅

李桂林

原駐雙城

第十四旅

楊德生

原駐彰武

第二十七團

崔鳴山

原屬第五旅，張作相督吉時，攜之赴吉林。

以上約一萬數千人。（除楊旅崔團爲奉天軍隊外，餘皆來自吉林，各旅人數較少，且有缺額。）

第五軍

軍長吳俊陞

黑龍江督軍兼二十九師師長

第十七旅

張明九

原駐海拉爾，騎兵一團，改屬六軍。

第一旅

關朝璽

原駐鄭家屯

此外尚有獨立騎兵砲兵各一營，三補充隊，合計約一萬餘人。

第六軍

軍長許蘭洲

副軍長吳光新

騎兵第一旅

穆春

原駐通遼

騎兵第二旅

蘇錫麟

原駐瀋陽

騎兵第五旅

梁忠甲

原駐龍江

吉林騎兵游擊隊

趙

原駐吉林農安

第十七旅之騎兵團

以上約八九十人。

此外尚有二十七旅之五十七團駐營口，湯玉麟之第七旅駐安東一帶，擔任海防。奉天騎兵兩游擊隊駐洮遼一帶。

(三) 戰爭之結果

當江浙戰事初起時，論者皆謂奉天將發難，以爲浙聲援，而北京政府因張九

卿鮑貴卿之使命，漫不設備。迨九月十一日，奉天戒嚴，十三日，京奉交通斷絕，直系始倉皇議攻守。故朝陽於九月十六日開戰，吳佩孚於十七日始抵北京；三軍將佐十八日始見任命。二十二日奉軍已克朝陽，而二軍軍長王懷慶尙未出冷口。其他如軍服軍餉皆於臨時倉卒籌措，故朝陽凌源相繼失守，士氣先餒；運輸紊亂，棉衣不備，士常苦寒。吳佩孚因坐待四二公債之成功，至十月十一日始赴榆關，而九門天險已於九月七日入奉軍之手。其後一敗塗地，不可收拾，推其原因，雖由於馮玉祥胡景翼之倒戈，而將驕士惰，輕敵無備，固亦有致敗之道也。

戰事初起，實在朝陽之東。奉軍第二軍分三路攻朝陽：張宗昌率第三旅，由通裕鐵路經大窩溝北上；李景林率二十三旅李爽澄部，由錦朝支路向北票；二十四旅邢士廉部，由北鎮攻阜新，亦以北票爲目的。在朝陽直軍爲十三師之二十六旅，熱河之第一混成旅，及展漢治之四路巡防營，合計不過七千人；而二十六旅

旅長劉富有，時在京，初不欲回防，爲王懷慶所迫，始倉卒去。龔漢治以李彥壽援，得任爲朝陽鎮守使，庸懦不能治軍，故九月九日，錦朝支路不通，人人皆知有戰事，而龔部分散各隘口，未嘗集中，九月十四日，李爽據山九關台門攻朝陽寺，龔部之先鋒隊二營潰散。十五日，奉軍抵大凌河岸之大板村，距北票僅三十里。熱河混成旅旅長張林，率駐北票之馮團防大凌河北岸。次日，張部糾團自朝陽來，加入戰爭。十七日，直軍敗退，十九日，奉軍抵北票。次日，邢士廉旅自阜新來會。二十一日，奉直軍戰于興龍溝，直軍復敗。計大凌河北票與龍溝之戰，直軍僅有張林之一旅，劉富有部之機關槍連，及龔漢治部之二營而已。二十一日，張林尙在朝陽之東，劉富有與漢治已棄城西走。張不得已，亦退凌源。二十二日，奉軍入朝陽。

時奉軍第六軍許蘭洲、吳光新自綏東開魯攻建平、赤峰，張宗昌由大寧溝擊潰。

漢治部，長驅直攻凌源，二十五旅蔡平本亦自錦朝路抵朝陽。李景林乃以李爽壇旅向建平赤峰援第六軍，自率邢士廉蔡平本向凌源。時直軍十三師之二十五旅，熱河之第一湯成旅，及龔漢治部巡防營之殘部守凌源，王懷慶率直軍第九師第十四混成旅來援。張宗昌乘防軍不備，於九月三十日克凌源，直軍退守茶棚三十五家子。十月三日，奉軍克建平。六日，許蘭洲得李爽壇援，克赤峰，直軍張殿如張運同等敗走。同日，張宗昌敗董政國於茶棚，直軍退守冷口桃林口。時胡景翼部已由喜峰口抵平泉。胡與馮玉祥均通於奉；相約以平泉為緩衝地，故奉軍不復西進，而以吳光新率穆春蘇錫麟兩旅南下，組織二六聯軍，與張宗昌合攻冷口。然李景林恐馮胡不可恃，不敢遽深入。且直軍譚慶林丁長發自察哈爾援赤峰，許蘭洲勢孤不能敵，十月十四日，直軍復入赤峰。於是二六聯軍，改攻為守，頓兵於凌源。

山海關方面，奉軍初以第一軍之第四第十六旅扼守萬家屯，掩護集中。開戰後，以二六兩旅攻山海關之正面，以第四旅攻九門，十六旅攻黃土嶺。另以十七團編爲支隊攻城子峪，于芷山之騎兵旅，在支隊之右，掩護全軍之右翼，十九旅則在第三軍之後，第十二旅在第一軍之後爲聲援。直軍則以十五師及程希聖之暫編第一混成旅守山海關，掩護集中。開戰後，以十三混成旅守九門黃土嶺，以十二混成旅守城子峪義院口，二十三師守界嶺口栗路沟等處，第十四混成旅第九師出冷口，加入二軍。陝軍第二師張治公及二十六師曹錕部，在北戴河昌黎爲第一軍後援；第二十師駐遷安灤縣之間，爲第二軍後援。蓋山海關開戰不十日，而奉軍已入凌源，隨時可以南下，直軍不得不分第一軍之兵，分防山海關西北各隘口，並助王懷慶攻凌源。故十月初旬，奉軍在山海關戰線者約有兵四萬餘人，直軍僅有十五師，暫編第一混成旅，第十三，第十二混成旅，人數不過二萬餘。開

戰之初，奉軍之二六兩旅攻山海關，死傷頗衆，而第十五師堅守各險要，急切不能下。十月六日，奉軍之十六旅沿邊牆西南行，直達黃土嶺口之長城，直軍十三混成旅之旅部在焉，而初無備，遂爲所乘。各軍之命令文具盡爲奉軍所得，由是虛實皆爲敵所知。

十三混成旅旅長馮玉榮者，陸錦時代第九師之十八旅旅長也。十三年春，吳佩孚欲以董政國代陸錦，陸初不可，最後則以馮玉榮代董政國爲十三旅旅長爲條件。曹錕許之，馮遂被任命，而十三旅各團長多不服，不肯用命。黃土嶺口失守之次日，奉軍第四旅攻入九門，馮下令退却，奔入柳江，旋服毒死。直軍調陝軍第二師由石門寨攻柳江，以二十六師助十五師守角山三道關二郎廟等處。時奉軍之高支隊攻入城子峪口，直軍之十二旅與主軍隔絕，直軍乃增調二十四師十四師及第三師爲第一軍後援；吳佩孚亦於十月十一日去秦皇島，親任指揮。初，直軍

於天津烟台截留商船數十隻，集中塘沽，擬以十四師由海道登陸，攻奉軍後路。至是因鐵路擁塞，運輸遲滯，乃以二十四師第三師之一部隨十四師由海道赴秦皇島。奉軍得日本人牒報，亦調在朝陽第五軍關朝疆之第一旅與東邊鎮守使湯玉麟之第七旅赴錦興一帶任海防。吳佩孚至秦皇島之次日，乘海圻赴葫蘆島營口視察海岸，計畫登陸。而奉軍之第四旅攻沙河寨，十二旅復加入第四第十六旅之中，急攻石門寨，陝軍第二師漸不支。十月十四日，奉軍入石門寨，彭壽莘欲以在秦皇島舟中各師赴援，而總司令他出，各師不聽命，戰線幾潰。幸吳佩孚回，取鎗由海道攻奉之議，以海運各師在秦皇島登陸，助第一軍反攻。而十月十五十六日，奉軍入三道關，佔二郎廟，下柳江，據黑山窰，增調第四軍之四旅入九門爲後援。兩軍戰線，已由西北東南，一變而爲東北西南。其後吳佩孚率第三第十四師反攻奉軍，十二旅幾不支，而第四軍之第十旅于琛激部適至，陣地復固，卒不

能克。其後兩軍相持十日，直軍以十五師及二十六師之一部守山海關及角山寺；第三師第五旅之一部，暫編第一混成旅，第二十六師之大部攻二郎廟；二十六混成旅與十五師之一部攻茶棚；第三師第六旅，十四師之一部攻黑山營柳江；二十四師，十四師之一部在秦皇島爲後援。奉軍則以第三軍之二六旅十九旅爲左翼，攻山海關三道關；第一軍之第四，第十二，第十六旅守沙河柳江黑山營；第四軍任右翼之後援；于芷山之騎兵旅在義園口外，防二十三師侵入。至十月二十六日，直軍又增有河南第三混成旅林起鵬部，與在山東之中央二十混成旅吳長植部之第一團，河南第一混成旅李治雲部之騎砲兵各一營；奉天亦僅留第三軍之兩團及關朝嶽之二團守山海關，以湯玉麟之第七旅爲後援；盡調第一，第三，第四三軍，自黑山營猛攻。計奉軍全部約七萬人，直軍全部約九萬餘人。蓋第一軍原有十一萬餘人，死傷者以萬計。而陝軍第二師，十三混成旅共萬人，均以戰敗退還。

州休養；二十三師，十四混成旅，第九師，第二十師，共三萬餘人，在義園界嶺冷口助第二軍分防，名雖屬第一軍，實不在山海關前線也。

馮玉祥爲第三軍軍長，其職務應由承德進兵，中路虛則進攻凌源朝陽，東北急則分援赤峰開魯，蓋與奉天之第六軍相對峙也。其所屬軍隊，除馮玉祥之二萬五千人外，以胡景翼之陝軍第一師爲援軍，由喜峰口直達平泉。而胡景翼事前與奉天有密約，馮亦由段祺瑞通奉。胡與奉軍謀以平泉爲緩衝地。馮則九月二十三日始出京，頓兵于古北口灤平一帶，日派人索餉械，始終不肯出兵東下。初猶觀望，及石門寨爲奉軍所克，馮遂決意回京，派人告奉天以行期。於是奉天之二六聯軍張宗昌吳光新部，攻冷口，進窺灤州；第四軍之丁超旅，與第二軍之蔡平本旅，由界嶺口進攻昌黎。馮則率軍秘密入京。十月二十二日夜，馮軍抵京師，時留守者爲孫岳之第十五混成旅，孫先與同謀。至是乃與馮玉祥胡景翼組織國民三

軍，迫曹錕通電停戰，免吳佩孚總司令職，令王承斌收縮軍隊。

時直系軍隊盡數在灤州以東，惟曹士傑之十六混成旅一團在保定，一團在豐台。馮玉祥初與胡景翼約，陝軍由喜峰口直趨灤州。發難後，胡軍謂軍械不備，由通州回京師，然後由京奉鐵路趨天津至豐台，繳十六混成旅之械。吳佩孚聞變，逼電魯豫蘇浙湖北各省聚援，留張福來於山海關，代行總司令職權，自率二十六師及暫編第一旅之小部共八百人，於二十七日晨抵天津，派兵守楊村。京中不知虛實，畏吳威名，不敢進攻，僅迫曹辭職，以黃郛代理國務總理，組織攝政內閣。二十八日，駐山東之中央第一混成旅潘鴻鈞來援，與吳部同守楊村。而奉天之二六聯軍，先期攻冷口。直軍之第九師十四混成旅及王懷慶十三師之殘部，聞胡景翼通敵，將由喜峰口趨灤州，無復鬥志，全部潰散，董政國僅以身免，二十師亦不戰而退。於是吳光新張宗昌合攻灤州。駐灤州之陝軍第二師，十三混成

旅，望風西逃，陝軍第二混成旅曹士英部爲張所俘。奉軍之在山海關者，乘勢猛攻，郭松齡率兩營由海陽鎮直趨秦皇島。三十日，直軍大潰。郭軍入秦皇島，俘虜二萬人。越二日，奉軍入山海關，俘直軍六千。灤州以西，遂入奉軍之手。時吳尙困守天津待援。十一月一日，第三師之兩營由河南抵津，張福來亦率殘部六千人由海道自秦皇島抵塘沽。然山西督軍閻錫山派兵二旅由正太路東下，據京漢鐵路，拒豫鄂援軍北上；孫岳入保定，俘曹士傑。山東督軍鄭士琦始助吳，繼因吳調陳調元自徐州北上，陝軍第二師張治公部由灤州退塘沽，輾轉至馬廠，懼其南下，且聞山海關軍潰，吳事不可爲，乃於山東南北邊界毀津浦路，宣布中立，拒他軍入境。十一月二日，馮玉祥部張之江攻楊村，俘潘鴻鈞。三日晨三時，吳佩孚去津，由塘沽登舟。奉軍先後克唐山蘆台，由塘沽入津。張作霖馮玉祥等擁段祺瑞入京爲臨時執政，直省遂不復有戰事焉。

第三章 直魯豫二特別區及東三省(其二)

(四)大戰後之餘波

(甲)河南

奉直之戰，河南出兵最多；雖各師旅均有兵留守，省長李濟臣招兵增防，然內容實空虛。當十月終旬，北京政變之初，河南本省軍隊，大概如左：

軍	隊長	官防地	備	考
第三師六旅旅長	張席珍	洛陽	留守兵二營。	
第二十四師十七旅旅長	王爲蔚	京漢北段	留守兵四營。	
第十四師二十七旅旅長	陳文釗	鄭州	留守兵二營。	

豫北鎮守使河南第一混成旅	李治雲	葉縣襄城	步兵三營。
河南第三混成旅	馬燦林	彰德	援蘇新回。
豫西鎮守使河南第一混成團	丁香玲	豫西	
豫南鎮守使河南第二混成團	馬志敏	南陽	
代理豫東鎮守使河南第三混成團	郭振才	彰德	援蘇新回。
河南第四混成團	李有才	河北	原李鳴盛部，李援蘇陣亡。
河南第五混成團	吳文鎧	彰德	新編。
河南省防第一團	牛本林	開封	
第二十六混成旅騎兵團	紀元林	汝南商城	留守兵一營。
湖北第一師	寇英傑	彰德鄭州	原湖北第二混成旅。

湖北第一混成旅

孫建業 許州

及吳佩孚抵天津，調豫軍赴援，而山西閻錫山派兵二旅扼守石家莊，豫軍不能北上。十一月一日，第三師留守之二營自洛陽經徐州抵津，爲吳衛隊，第三十五師愨玉琨部自陝西潼關進駐洛陽。十一月十八日，吳佩孚由海道經漢口抵河南。先是，攝政內閣任胡景翼爲河南軍務督理，孫岳爲省長，而胡孫以索餉械未之任。胡軍與豫軍相持於順德彰德之間，故吳得安然抵豫。除河南原有軍隊外，隨吳回豫者尙有第三第二十四第十四等師及十三混成旅田玉崑之殘部五六千人。乃以王爲蔣代二十四師師長，陳文釗代十四師師長，馬燦林擴充爲河南第二師師長，吳文鎧爲河南第二旅旅長，丁炳芹爲河南補充旅旅長，率兵扼守彰河，拒胡景翼南下。時在陝西之胡景翼部馮毓東攻劉鎮華，愨玉琨自洛陽回師援陝，張治

公部亦自馬廠步行來會，洛陽遂仍爲吳有。

十一月二十四日，胡景翼自順德進兵，同時孫岳派何遂由大名攻開封，閻錫山派潞澤駐軍攻懷慶衛輝，吳軍扼守彰德道口清化，與胡軍相持。十二月，劉鎮華部中央三十五師愍玉琨，及陝軍第二師張治功反戈攻洛陽。二日，吳佩孚走雞公山。三日，張福來李濟臣去開封，鄂軍寇英傑師孫建業旅退駐馬店武勝關，在前敵豫軍，無復鬪志。四日，胡景翼佔彰德，愍玉琨亦進據鄭州，收沒豫軍槍械，並拆毀黃河橋之一部，拒胡軍渡河。旋孫岳部何遂于十二月九日自下游渡河入開封，執政政府復不直愍之所爲，愍乃于十二月十日率軍回洛，讓胡軍渡河。

至于河南原有各軍，除鄂軍之一師一旅退駐武勝關外，王爲蔚部之二十四師由歸德竄入蘇境，欲歸徐州陳調元，旋奉軍南下，復回豫降胡。馬燦林之第三混成旅由彰德經鄭州開封至周家口，大掠而潰，一部分降于胡軍。鄭州陳文釗之十

四師，及汝州田維勤之二十六旅殘部，及各鎮守使不在戰線之兵，均降于胡。其餘新招之兵，非降于胡，即投于鄂，豫局粗定。

當愨玉珉之叛吳也，自以爲功高，應督豫，旋僅被任爲陝甘豫剿匪副司令，頗怨望，乃據豫西，廣招土匪，以擴充軍隊；初以王振爲第一補充旅，李有才爲第二補充旅，張崇勳爲第三補充旅，繼復以孫魁元袁英馬文德詹老末等爲旅長，分佈河洛一道。其中惟張崇勳部爲吳佩孚學兵改編，餘皆豫西南陽之舊匪也。而胡景翼兵多，苦無所得餉，多就食於州縣，以愨割據豫西，且圖佔南陽，頗厭嫉之。十四年一月，胡部曹士英旅王祥生團爲禹縣民團所擊，王旋率兵屠縣城，殺戮甚慘。愨以之爲口實，攻擊國民二軍，而胡亦疑禹縣民團受愨指使，雙方益猜忌，識者早知其不能相容矣。

十四年二月二十三日，胡愨部開始衝突於禹縣登封間之白沙。時鎮嵩軍之在

河南者，爲愍玉珉之三十五師，駐臨海路西段，張治功之第二師，駐臨汝魯山寶豐，趙樹勛之第八混成旅在郟縣，馬河清之第一混成旅在鞏縣，愍部之王振在登封，李有才在偃師，張崇勳在孟津，孫魁元在密縣，袁英在汝山，馬文德詹老末在南陽。胡景翼率第一師及楊瑞軒李鴻嘉旅攻滎陽，以鄧瑜蔭世傑旅攻禹縣，李雲龍攻密縣，樊鍾秀攻郟縣，約會師偃師，斷愍後路。陝軍第二師張治功原與愍同列，不樂爲之下，且以其部將與愍部仇殺，不直愍。戰事起，軍隊多未集中，遂爲胡軍所乘。愍令李有才自偃師援登封，李中途叛變，王振遂與主軍隔絕。偃師危急，愍自滎陽汜水退鞏縣，故二十八日胡師有攻克洛陽之宣傳，然是時愍以馬河清旅赴迴郭鎮，守偃師，張治功亦回師來援，洛陽初未嘗失守也。

二月二十五日，劉鎮華離西安，出潼關，以陝事付吳新田。初劉與吳約，率鎮嵩軍全部出關，由吳部填防。至是吳以兵少不足以制胡景翼部之在渭北者，留

劉鎮華部第四混成旅賈濟川守省北，第七混成旅鄧全發守二華。劉自率第二混成旅嚴際明及衛隊二團出關，令鎮嵩軍第一師柴雲陞爲後援。二十七日，胡憨部戰於鞏縣，憨部團長李清標受重傷，憨欲棄洛陽西退，爲劉所阻，乃退守黑石關，劉令嚴際明助之。三月初，胡景翼入鞏縣，進迫黑石關。先是，孫岳奉段政府命，于二月二十四日赴河南，任調停，孫至豫，約胡憨先退兵，然後會於假師，胡憨不聽。孫部張馬兩團遂加入戰爭。三月四日，戰於黑石關。胡景翼被創，賴李鴻森來援得免。時憨以嚴際明旅任左翼，袁英任右翼，自居中路。五日，嚴際明部叛變，毀後防鐵道，憨師遂潰。三月七日，胡景翼入假師，八日，岳維峻部入洛陽，劉憨敗走澗池。未幾，柴雲陞師之武紹周旅來援，劉令張治功自洛南攻澗池，張不奉命，而自動攻洛陽，與樊鍾秀葉荃部戰於伊陽，葉樊初敗挫，然劉鎮華先於十七日戰於澗池，袁英部先潰，全軍西走。劉在陝州，誤聞槍聲，倉卒

渡河走運城。鎮嵩軍無復主將，遂大潰，散入洛南，與張治功部合。輾轉至龍駒寨入陝。三月十八日，胡軍佔觀音堂，二十一日，入陝州。豫事復定。

(乙) 山東

山東軍隊加入山海關戰爭者，僅有中央第二十混成旅吳長植之第一團。十月二十七日，吳佩孚自秦皇島抵天津，電調第五師及中央第一混成旅潘鴻鈞赴援。時鄭士琦受段祺瑞命，攻吳後路，然畏吳威名，不敢遽發。以潘會與孫宗先爭第五師師長，不可信，乃命潘援吳，而藉口保衛省城，留第五師不遣。十月三十日，秦皇島直軍大潰。鄭意始決，于十一月一日拆毀津浦鐵路，阻吳軍南下，與徐州援軍北上。及奉軍抵津，張宗昌部進兵滄州，鄭士琦憤其見逼，調第七旅胡璽儒及第五師守德州，拒客軍入境，奉軍遂不果南下。至十一月終，乃有曹州第三旅獨立之事。

當馮玉祥回京時，亟欲聯山東各軍，斷吳歸路。以鄭士琦持兩端，不足與謀，乃由張樹元使前第五師營長呂賓如運動其族人第三旅參謀長呂透文在曹州舉事，未發而吳去津，事遂中止。及吳佩孚由海道回豫，胡景翼、岳乃復與呂謀，勸其叛鄭。十一月，呂透文率第一團長張輔堂第二團長馬士貴逼第三旅旅長曹州鎮守使徐鴻賓獨立，徐棄職去。呂乃自稱國民軍第七路司令，據曹州，搜括曹屬警備隊槍枝，廣招土匪。鄭士琦乃以中央第二十混成旅旅長吳長植爲曹州鎮守使，自濟寧率師赴曹，並令兗州鎮守使張培榮第五旅李森等助之。然吳長植之第一團爲奉天擊潰于山海關，新招兵補充，實力頗弱，張培榮、李森亦懷觀望，兵久無功。鄭士琦乃取消中立，允奉軍南下攻蘇，派人與呂秀文商，歡迎吳長植赴曹，即以呂代理第三混成旅長，而呂要求增編其所招土匪，事久不決。直至十四年四月二十日，段派馬良赴曹州，始決定以呂秀文爲第三混成旅旅長，馬士貴爲

補充旅旅長，不數日而山東易督，張宗昌率奉軍至魯。五月十日，派三十二旅，第三旅，衛隊旅分別由嶗山、濟寧、泰安出兵，圍攻曹州。十五日，呂馬兩部均繳械遣散，奉軍第三旅遂駐曹州。

自十三年冬鄭士琦阻奉軍南下，奉方久不滿于鄭。徒以其有叛吳功，且近于段，未得聞。十四年春，張宗昌由蘇移徐，謀督魯益急。段不得已，乃于四月二十五日，任張宗昌督魯，調鄭士琦督皖。鄭初擬率第五師與第七混成旅入皖，而五師因光緒末年來東，未嘗換防，士卒皆有家室，不願奉調。鄭于五月一日入京索餉，張宗昌于七日至東就職，鄭號令益不行，乃僅調第七旅先行。五月二十一日，旅長胡翊儒率所部兩隊出發。張宗昌密令方永昌、程國瑞率衛隊旅與二十八旅，分別于兗州、平原等處，出不意包圍之，遂繳械遣散。第七旅原爲邊防第二師改編，與段關係較深，軍械亦較他旅爲精。及被解散，鄭士琦遂不能赴皖督任。

北洋舊將帥，乃益惴惴自危矣。

(五) 大戰後奉軍與國民軍之實力

十三年奉直之戰，爲民國以來最重之戰爭；原有之直軍，消滅殆盡，然戰勝各軍，均極力擴充；至十四年九月，北方養兵，反較十三年爲多。茲就各軍之派別，敘其梗概如左。

(甲) 奉軍

奉軍戰後之擴充，可分爲五部。一爲李景林部：李爲二軍軍長，原僅有李爽、豐那士廉之二十三、二十四旅。自下朝陽，入冷口，沿途增兵，已一變而爲六梯隊。及十四年一月十七日被任爲直督，遂改變爲六旅；以三旅屬原有之第一師，三旅爲直隸第一第二第三混成旅，其後邢士廉調蘇，李另增二旅，至十四年九月，改編爲十九師，以李爽爲師長，旋復增五旅，故李有兵十二旅。二爲張宗

昌部；張爲二軍副軍長，原僅有第三旅一旅。因其編制與其他奉軍微異；各團之外有所謂炸彈總隊，故名雖一旅，而兵在萬人以上，且有日俄朝鮮亡命參雜其間，而尤以俄軍爲多。自下凌源，卽改編爲第二師，及入冷口，佔灤州，收撫直軍，較他軍爲多，故南下攻蘇，已增兵爲五旅，二梯隊。蘇軍敗潰，復添募補充衛隊各一旅，備補一梯團，兵最多時，殆達九萬。其後以餉無着，漸減爲七萬。而張自蘇皖剿匪司令移督山東，復收魯軍爲己有，故兵額獨多。三爲張學良郭松齡部：舊爲一三聯軍。下秦皇島時，降直軍數萬，熱河降軍亦歸其改編，故各旅皆有補充團，人數亦較普通師旅有增。十四年春編師時，特設京榆駐軍司令部，以張學良郭松齡爲正副軍長，共有六步兵師，一騎兵師。軍隊分佈，東至錦州，北至廊房，而本部則在天津。四爲在江蘇之奉軍：張宗昌去蘇，其部屬均隨之入魯，惟三十一旅王棟留守蘇常鎮江。蔡平本邢士廉之兩旅，原爲張宗昌後援；

江浙議和時，蔡旅在宜興，邢旅在徐州浦口，遂留蘇未去；及姜登選爲蘇皖剿匪司令，與三十一旅同時撥歸姜指揮。十四年春，蔡旅改編爲第八師，六月，邢旅進駐上海，九月，亦改編爲二十師。五爲其他在東三省熱河之兵：前者亦略有增加，後者多改編降卒。綜計步兵四十餘旅，騎兵十餘旅，統稱東北陸軍。其編制軍械均與北洋舊制稍異。略述其梗概如左。

東北陸軍之編制

師旅團之定制

(一) 甲種師：

步兵二旅（每旅三團，每團三營，並附機關砲迫擊砲各一連，通信班一班），騎兵一連，輜重兵一營。

(二) 乙種步兵師：

步兵二旅（每旅二團，每團三營，並附機關槍迫擊砲各一連，通信班一班），騎兵一連，山砲兵一營，工兵一連，輜重兵一營。

（三）乙種騎兵師：

騎兵二旅（每旅二團，每團四連，並附機關槍迫擊砲各一連，通信班一班），騎砲兵一連（用山砲）。

（四）騎兵獨立旅

騎兵二團（每團四連，並附機關槍迫擊砲各一連，通信班一班），騎砲兵一連（山砲）。

（五）砲兵旅：

砲兵三團，每團三營，每營三連，每連砲四門。

（六）工兵團：

工兵團營數無定額，每營三連，每連三排，每排三班。

各單位之人數

(一) 步兵連：每連三排，每排三班，每班士兵十四名，每連共一百二十六人。

(二) 迫擊砲連(係六門制)：全連三排，每排二班，每班士兵十八名，每連共一百零八人。

(三) 通信班：全班分四組，每組士兵八名，共三十二人。

(四) 輜重營：每營三連，每連三排，每排三班，每班士兵十八名，每營共三百八十六人。

(五) 騎兵連：每連四排，每排四班，每班士兵八名，每連共一百二十八人。

(六) 野砲營：全營分三連，每連二排，每排二班，每班士兵二十三名，但第四班二十二名，每營共二百七十五人。

(七) 山砲營：全營分三連，每連二排，每排二班，每班士兵三十一名，但第四班三十名，每營三百七十二人。

(八) 工兵全營分三連，每連三排，每排三班，每班士兵二十名，每營共五百四十人。

以此與北洋編制相較，其結果如左：

單位	北洋	東北	師	東	北
步兵連	一二六	一二六	甲種	乙種	北洋
輜重營	五〇四	三八六	步兵	六團九〇七	四團六〇八
				四團六〇八	四團六〇八

備	迫擊砲連	無	一〇八	機關槍	六連	六〇	四連	五〇	四連	五〇
	通信班	無	三二	迫擊砲	六連	六〇	四連	四三		
	騎兵連	五六	一二八	通信班	六班	一〇	四班	二		
	野砲營	三七八	二七五	騎兵	一連	二	一連	二	三營	六七
	山砲營	三七八	三七二	輜重	一營	六	一營	六	三連	三七
	工兵營	五〇四	五四〇	工兵			一連	一〇	四連	五〇
				野砲兵						
				山砲兵	一營	三	三營	一	二	四
				共計	二〇	六	八	二	九	四〇

甲種師之砲兵，騎兵另組成旅，工兵另組成團。若合應有之砲騎工計算，尙應加一千六百餘人。

考

北洋舊制，連憲兵，衛生，軍醫，軍樂各隊計算，共應有兵上一〇・四三六八人。上表未全列入。

至於混成旅則原無定數，視其附屬之特種兵而異。北洋舊制，普通不足四千；東北陸軍則三團制者約六千人，兩團制者約四千三百人。騎兵旅則北洋舊制，不連特種兵為一千三百四十四人，東北陸軍為一千〇二十四人，但東北之騎兵旅，特種兵有定制（共為六百五十餘人），故人數與普通北洋之騎兵旅略同，此東北與北洋新舊軍制異同之大略也。

東北陸軍之現狀

（一）李景林部：

軍	隊長	官駐防地	備	考
東北陸軍第一師	李景林	天津	有騎兵團，砲兵團。	

第一旅	賈聯芳	石家莊
第二旅	王賓	順德
東北陸軍第十九師	李爽	大邑
第四十三旅	榮臻	保定
第四十一旅	朱同勛	天津
直隸第一混成旅	王丕煥	天津
直隸第二混成旅	馬瑞雲	西陵(易州)
直隸第三混成旅	張憲	邯鄲
直隸第四混成旅	胡毓坤	大名
直隸第五混成旅	朱益清	天津

第一補充旅	呂正朝	保定
第二補充旅	赫文衡	保定
第三補充旅	尹立泰	天津

以上二師，五混成旅，三補充旅，共約六萬餘人。

(二) 張宗昌部：

軍	隊長	官駐防地	備	考
東北陸軍第二師	張宗昌	濟南		
第三旅	褚玉璞	曹州		
第六十二團	辛錫祿			

第五十六團	黃鳳歧		
第二十八旅	程國瑞	濟南武定	
第七十三團	朱重賢		
第七十四團			
第七十九團			
第二十九旅	許珉	濟南	
第四十四團	杜鳳舉		
第六十三團	張繼善		
第六十八團	郭潔		
補充團	郝文才		

東北陸軍第三十二旅	畢庶澄	鄒縣 臨城 滕縣
第六十七團	賀文良	
第七十五團	段麟祥	
第七十二團	祝祥本	
衛隊旅	方永昌	滕縣 兗州
補充旅	姚 霽	徐州
第一梯隊	聶嘉夫	泰安 濟南
第二梯隊	方振武	濟南 和津
備補第一梯團	滕殿英	徐州

以上約六萬五千人。

附山東原有軍隊：

第五師	孫宗先	濟南	
第九旅	張培勳	濟南辛莊	
第十旅	王西園	青島	
第四十七混成旅	施從濬	膠東	
中央第二十混成旅	吳長植	曹州	兼曹州鎮守使。
山東第二混成旅	張懷斌	烟台	烟台鎮守使。
山東第四混成旅	張建功	東昌	
東北陸軍第十五旅	徐源泉	臨沂	原爲山東第五旅。
山東第六混成旅	張培榮	兗州	兗州鎮守使。

混成團	梁世昌	曲阜
獨立團	任小英	高密

以上共約二萬八千人。

(三) 熱河都統部：

軍	隊	長官	駐防地	備	考
東北陸軍第三師	關朝鑾	承德			
旅	袁永弼	承德		二團	
旅	劉山勝	平泉		二團	

附熱河原有軍隊(改編)

第一騎兵旅	張聯同	開魯	
第二騎兵旅	常萬里	林西	
第一游擊隊	姜向春	建平	
第二游擊隊	邱宗嶽	隆化	兼朝陽鎮守使。

以上共約一萬三千人。

(四) 京榆駐軍司令部 (張學良郭松齡部) :

軍	隊長	官	駐防地	備	考
東北陸軍第四師	張學良				
第十九旅	饒斐奎	軍糧城			

第十七團	劉輔廷	新河
第三十團	張江清	軍糧城
第四十團	白銘鎮	唐山
第二十七旅	宋九齡	廊房
第十八團	楊煥彩	廊房
第二十五團	齊鵬大	廊房
第四十八團	劉文清	廊房
東北陸軍第五師	趙恩臻	灤縣
第十二旅	孫旭昌	灤縣
第五十團	馬忠旣	

第五十九團	金恩奎	
第六十四團	富健英	秦皇島
第三十三旅	范浦江	唐山
第九十三團	孫慶延	唐山
第四十一團	蘇錫祚	唐山
第五十七團	王春基	北塘
東北陸軍第六師	郭松齡	天津
第二旅	劉偉	蚌埠
第一團	王德印	蚌埠
第三團	邱宗澍	蚌埠

第三十九團	楊會文	蚌埠
第三十四旅	陶經武	馬廠
第七十七團	郭桂林	
第八十一團	劉鳳池	
第八十九團	蔡景良	
東北陸軍第七師	高維嶽	錦縣
第五旅	劉維勇	錦縣
第七十六團	楊祥	
第八十四團	吳奎麟	
第九十一團	張廷樞	

第六旅	劉振東	北鎮	
第七十八團	何中立		
第八十五團	周書銘		
第八十團	焦漢武	溝帮子	
東北陸軍第十師	齊恩銘	秦皇島	
第十六旅	溫玉瓚	山海關	
第二十二團	閻宗周	山海關	
第十團	高玉海		
第三十七旅	劉連瑞	昌黎	
第八十二團	董鳳祥	昌黎	

第九十團	孫良才		
東北陸軍第十二師	裴春生	綏中	
第四旅	霽雲	綏中	
第四十五團	張鳳起		
第五十三團	孫凡印		
第三十九旅	朱繼先	興城	
第八十六團	范純福		
第八十八團	陳在新	新民	
東北陸軍第十三師	張九卿	開平	代薊榆鎮守使。
騎三旅	蕭國慶	開平	

第十五團			
第六團	張復	開平	
騎六旅	武漢卿	新民西豐	東流剿匪司令。
第十四團	張樹森	東豐	
第二十四團	馬德潤	西安	
砲一旅	鄒作華	北鎮	
砲四團	喬方		
砲七團	金鏡清		
砲九團	朱力罕		
砲二旅	魏益三	錦縣	

砲五團	李戎林	
砲八團	齊繩武	
砲三團	安玉珍	
工兵團	柏桂林	五營。

以上共約七萬五千人。

(五) 在江蘇者 (歸姜登選指揮) :

軍	隊長	官駐防地	備考
東北陸軍第八師	丁喜春	南京	原爲蔡平本，蔡沒後丁代。
第二十五旅	錢忠山		

第八團			
第五十四團			
第三十五旅	田德勝		
第六十團			
第七十一團			
東北陸軍第二十師	邢士廉	上海	
第二十四旅			
第四十二旅	趙鳴皋		
東北陸軍第三十一旅	朱棟臣	鎮江常州	
第六十九團	張殿臣		

民國軍事近組

第七十一團	王 韜		
第七十團			
徐海鎮守使	孫鈺傳	徐州	步兵三團。

以上共約三萬三千人。

(六) 其他在奉天者：

軍	隊	長	官	駐	防	地	備	考
東北陸軍第九師		汲金純		黑山縣				
第十四旅		楊德生		彰武				
第二十一團								

第三十三團	劉繼文	彭武	
第三十六旅	李夢庚	新里屯 (黑山)	
第八十七團	趙冠儒		
第七十九團	王鐵錚		
東北陸軍第十一師	湯玉麟	鳳本縣	東邊鎮守使。
第七旅	張龍文		
第三十五團	邵連勝	撫松	
第三十七團	于		
第三十八旅	孟昭山		
第五十八團	董福亭	通化	

第八十三團		穆春	通遼	
東北陸軍第十四師		徐永和	通遼	
騎一旅		于鳳林		
第五團		王永清	義縣 清河門	
第二十二團		程海峰		
騎七旅		高		
第二十五團		齊占九	瀋陽	
第三團		衛隊旅改。		
獨立第三十旅		俞恩桂		
第六十四團				

第六十六團	李文炳		
獨立騎八旅	于芷山 黎樹		
第二團	郭希鵬		
第二十三團	董懷清		
第一騎兵游擊隊	張海鵬		
第二騎兵游擊隊	劉國勳		

以上共約二萬八千人。

(七) 在吉林者：

軍	隊長官	駐防地	備	考
---	-----	-----	---	---

東北陸軍第十五師	張作相	省城
第二十六旅	李桂林	哈爾濱
第十六團	孟文清	鐵嶺河
第三十六團	祝大同	哈濱爾
第十二團	李毓九	一面坡
第十旅	熙洽	省城
第三十一團	宋文俊	省城
第二十七團	王全勝	長春南嶺
第九十三團	李杜	省城
騎兵十一團	陳明安	老少溝

砲兵團	穆春昌	長春	
工兵第六營		省城	
輜重第六營		長春	
第三十四團衛隊	崔鳴山	省城	
東北陸軍第十六師	于琛激	農安	
騎十旅	趙芷香	長嶺	
第二十八團	管永勝	長嶺	
第三十三團	劉寶麟	農安	
騎十四旅	楊遇春	扶餘	
第十三團	張廷壁	扶餘	

第十八團	常堯臣	長嶺	
東北陸軍第八旅	丁超	長春	吉長鎮守使。
第十四團	楊登舉	伊通	
第五十六團	趙繼恒	長春	
第十三團	任永和	輝甸	
東北陸軍第九旅	陳玉崑	伊蘭	伊蘭鎮守使。
第二十四團	張佐忱	富錦	
第四十二團	劉玉書	同江	
第九十六團	陳東山	伊蘭	
東北陸軍第十三旅	吉興	延吉	延吉鎮守使。

第七團			敦化	
第九團	朱榕	延吉		
第二十九團	楊金聲	琿春		
東北陸軍第十八旅	張煥相	哈爾濱		濱江鎮守使
第十九團	劉介臣	哈爾濱		
第五十二團	王煥庭	五常		
第九十七團		橫道河子		
東北陸軍第二十一旅	李振聲	寧安		
第四團	靳恒藻	五站		
第二十六團	蘇偶臣	八站		

騎七團	李勝常	寧安	
山林禁備隊統領	孫興武	同賓	
幫統	楊世源		
步兵三營	方正		
幫統	王家忱		
騎兵三營		石頭河子	

以上共約四萬四千人。

(八) 在黑龍江者：

軍	隊長官駐防地備	考
---	---------	---

步兵補充旅	王	省城	
騎兵二旅	彭金山	秦來	東蒙剿匪司令。
東北陸軍第十七旅	張明九	呼倫貝爾	呼倫貝爾鎮守使，騎兵三團。
東北陸軍第十一旅	巴英額	黑河	
騎五旅	馬秀芳		二團。
騎四旅	張殿九		二團。
東北陸軍第十七師	萬福齡		
第二十二旅	王樹棠	綏芬	二團。
第十五旅	梁忠甲	省城	二團。
東北陸軍第十八師	吳俊陞		

衛隊團	裴		
山林剿匪司令	李冠英		

以上共約二萬四千人。

計上列八部，共為三十五萬人（山東舊軍在外），較之十三年大戰之前增加一倍。至于分佈人數，均以十四年九月初為標準。自江浙戰爭起後，在江南軍隊，損失約不下二萬。以戰事未終，故未敘述。

至於軍械，除上述之迫擊砲為中國舊日所無者外，尚有新式輕機關槍，其數目大約與機關槍相等。新式飛機約二百六十四架。奉天兵工廠每日夜能造步槍子彈三十萬，行將擴充至四十萬。重砲年二百尊，砲彈三十萬。炸彈毒氣，亦均可自造。蓋全國唯一之大兵工廠也。

(乙) 國民軍

馮玉祥胡景翼于十三年十月二十三日回師入京，聯絡孫岳，組織國民軍三軍。馮以第一軍軍長兼總司令，胡孫爲第二第三軍長，旋安徽李傅業在皖北獨立，稱第四軍。馮玉祥於一軍之外，復增編第五第六兩軍，以張之江李鳴鐘爲軍長。李傅業失敗，張之江李鳴鐘相繼爲察哈爾綏遠都統，國民軍名義亦由馮通電取消。然以歷史關係，馮胡孫三部至今仍以國民軍著於時焉。

(一) 馮玉祥部

直奉開戰之初，馮玉祥直轄軍隊有十一師，第七混成旅張之江，第八混成旅李鳴鐘，第二十五混成旅宋哲元各部。戰爭期中，極力補充擴張；至十三年十月馮率軍入京之時，一師三旅之外，增有補充第一旅孫良臣（原十一師四十一團），補充第二旅蔣鴻遇，衛隊旅孫連仲（原十一師砲兵團），未幾復增有補充三旅過

之綱（原十一師四十四團），騎兵旅張樹聲（原十一師騎兵團）。楊村之役，張之江潘鴻鈞之第一混成旅，及二十六師與暫編第一混成旅之殘部，共三四千人。抵津之後，直系敗軍之歸降者萬餘人。於是張之江李鳴鐘及十一師之旅長鹿鍾麟劉郁芬均成師，綏遠第一混成旅鄧金聲亦隸第一軍，改稱第五師，而原有之第十師第七第八第二十五旅尚存。十二月十九日，鹿鍾麟被任爲中央暫編第一師師長，劉郁芬第二師師長。十三年十二月，張家口兵變，十五日，張之江代張錫元爲察哈爾都統，率所部赴察，遂改編察哈爾之第一混成旅騎兵第一第二旅入國民一軍。

十四年一月四日，李鳴鐘被任爲綏遠都統，馮玉祥爲西北邊防督辦。馮遂奄有察綏兩區，以張家口爲本部，留鹿鍾麟駐京爲京師警備司令，擴充劉汝明門致中爲警備第一第二旅。以宋哲元爲十一師師長，葛金章爲第七混成旅旅長，石友

三爲第八混成旅旅長，另任石敬亭劉玉山爲暫編第四第五混成旅長，而馮治衛隊旅，孫連仲之砲兵旅不計焉。十四年九月，馮玉祥被任爲甘肅督辦，乃郝芬赴蘭州代行職務，馮則仍駐張家口，其軍隊則分佈于京師察綏。茲就十九月初旬情狀列表如左：

軍	隊	長	官	駐防地	備
第一師師長		鹿鍾麟	京師		
一旅長		韓復榘	南苑		
二旅長		過之綱	宣化		
警備一旅旅長		劉汝明	帥府園		
警備二旅旅長		門致中	南苑教團		

察哈爾都統	張之江		將改稱國民一軍第五師。
第二師師長	劉郁芬	蘭州	
三旅長	孫良臣	包頭	
四旅長	張維璣	歸化	
第三師師長	鄭金聲	西苑	
五旅長	宋慶林	西苑	
六旅長	李西峰	長辛店	
第十一師師長	宋哲元	南苑	將改稱國民一軍第四師。
二十一旅長	佟凌閣	平地泉	
二十二旅長	陳毓耀	西苑	

鎮守使	騎二旅旅長	騎兵旅旅長	砲兵旅旅長	衛隊旅旅長	中央第八混成旅長	暫編第四混成旅長	綏遠都統	中央第七混成旅長	暫編第五混成旅長
張樹聲	王鎮淮	張之江 兼	孫連仲	馮治安	石友三	石敬亭	李鳴鐘	葛金章	劉玉山
	豐鎮	張家口	平地泉	張家口	五原	歸化		張家口	張家口
							將改稱國民一軍第六師。		

察哈爾第一混成旅	魏福陞	張家口
軍官教導團	南苑	
機砲團	徐廷瓊	平地泉
砲兵教導團	王鎮淮	豐鎮

以上合計約八萬人。

馮軍人數雖多，然自無兵工廠，又無海口可以購械；其運經天津者，又多被扣留，故不得已而求械于蘇俄。據最近調查，自十四年四月起，至八月止，自庫倫所運之械，共為步槍一萬五千枝，槍彈一千五百萬，新式輕機關槍二十七支，子彈七十五萬發，手槍九千支，子彈七百七十五萬發，手炸彈三萬。合之馮玉祥原有之械，步槍當不下八萬支，槍彈當不下五千五百萬發。此外尚有汽車四百餘

輜，專供軍用運輸。惟山野砲因交通不便，未開另有接濟。以砲兵一旅計，則不過七十二尊，以各旅零星合計，亦不過百尊。此馮軍之弱點也。

(二) 岳維峻部

民國十一年胡景翼隨馮玉祥自陝西駐河南時，共有一師二旅：計陝軍第一師，胡自爲師長，岳維峻田玉潔爲旅長；陝軍第一混成旅，田維勤爲旅長；陝軍第二混成旅，曹士英爲旅長。馮毓東部則仍留陝西，田玉潔旋亦回陝。田維勤雖與胡景翼爲至戚，而實不相能，後爲吳佩孚改編爲中央第二十六混成旅；直奉之戰，加入山海關戰爭。故開戰之初，胡原有陝軍第一師及第二混成旅；旋增編兩補充旅，以李紀才李雲龍爲旅長。十月，馮玉祥入京。胡在喜峰口通州之間收容潰軍，並圍繳十三師一團之械。南下攻津，又在武清收降二十六師之一團。抵津以後，胡赴塘沽楊柳青，招集散軍，亦有所獲。于是岳維峻改編爲國民軍第二軍

第二師，在陝之田玉潔亦改稱第三師。然曹士英原與胡不甚和睦，事變之前，雖曾與聞，而信日者言，謂吳佩孚氣運未衰，意存觀望。張宗昌攻濼州，遂俘曹及其全部；其後曹雖回河南謀恢復，因其團長王祥生屠禹縣爲胡槍斃，陝軍第二混成旅遂不復存。及胡景翼抵開封，受編河南降卒；改十四師爲第四師，二十四師爲第五師，以陳文釗王爲蔚爲師長，馬吉第田維勤李鴻等爲河南第一第二第三混成旅旅長。招米振標爲河南軍務幫辦，率所部毅軍自熱河入豫。適建國豫軍樊鍾秀自江西間道回豫，胡任之爲第六師師長，樊雖未就職，然自是亦歸國民第二軍指揮。及敗憨玉崑，憨部匪軍留豫者，大半降第三軍，然劉鎮華部之趙樹勛則降于胡。四月，胡病歿，岳維峻代爲豫督；就舊有軍隊擴充改編爲五師，十二混成旅，二騎兵旅，十補充團，而米振標樊鍾秀田維勤馬吉第李鴻蕭馬志敏郭振才等部尙不在其列焉。是年夏，復擴充爲十一師，編田維勤等部爲二軍之混成旅。

於是河南駐軍除第三軍，毅軍，及建國軍外，名義上均稱二軍。茲就江浙戰爭以前之情狀，列表如下：

軍	隊長官	防地	備考
第一師	胡景銓 代	開封	
第一旅	胡景銓	開封	
第二旅	李培芬	開封	
第二師	岳維峻	開封	
第三旅	史宗法	新鄉	
第四旅	田生春	許昌	
第三師	田玉潔	陝西	新移洛陽。

第五旅	王文秀		
第六旅	党廷佑		
第四師	陳文釗	鄭州	原中央第十四師。
第七旅	徐壽椿	滑河	
第八旅	閻日仁	駐馬店	
補充旅	高汝桐	鄆城	
第五師	王爲蔚	周家口	原中央二十四師。
第九旅	孫耀齊	周家口	
第十旅	張志遠	鄭州	
第六師	缺		原任樊鍾秀未就職。

第七師	鄧瑜	陝州	頃入保定。
第十三旅	鄭思成		
第十四旅	劉繼邦		
第八師	馮毓東	陝西	原第五混成旅，近移洛陽。
第九師	李紀才	開封	
第十七旅	李凌霄		
第十八旅	張迺威		
第十師	李雲龍	西安	新由陝入豫。
第十九旅	丁增華		
第二十旅	潘占魁		

第十一師	蔣世傑	信陽	
第一混成旅	馬華瑜	陝州	
第三混成旅	赤亞武	潼關	屬李雲龍。
第四混成旅	劉鵬	華縣	
第六混成旅	弓富魁	衛輝	
第七混成旅	康振邦	陝西華縣	頃移駐河南。
第八混成旅	王相賢	中牟	
第九混成旅	趙樹勛	臨汝	原劉鎮華部。
第十混成旅	楊世昌		
第十一混成旅	麻振武	潼關	原劉鎮華部。

第十二混成旅	衛定一	陝西	
第十三混成旅	馬志敏	南陽	豫南鎮守使。
第十四混成旅	田維勤	汝南	
第十五混成旅	袁家聲	永城，夏邑	
第十六混成旅	郭振才	歸德	豫東鎮守使。
第十七混成旅	馬吉第	開封	
第十八混成旅	李鴻鏞	開封	
騎兵第一旅	鄭庠	衛輝	
騎兵第二旅	周肇岐	衛輝	
騎兵第一團	馬文元	開封	

砲兵第一團	熊占標	開封	
砲兵廿四團	羅傳齡	開封	
砲兵廿六團	胡佩鎔	鄭州	
步兵一團	魏天福	南陽	
步兵二團	唐在田	南陽	
步兵三團	劉致棟	新鄭	
步兵一團	趙起秀		
步兵二團	邵逢甲	商邱	
步兵三團	張占鰲	睢縣	
補充第一團	張德樞	信陽	

補充第二團	王丕經		
補充第三團			原張迺威。
補充第四團	姚震乾		
補充第五團	崔峻峰	懷慶	
補充第六團	姚林製		
補充第七團	王成章	新鄭	
補充第八團	魏尙友	鄭州	
補充第九團	袁夢蛟	彰德	
補充第十團	高棟滋		
補充第十一團	閻博雲		

補充十二團	張煥	
-------	----	--

以上為國民第二軍，直轄岳維峻。

毅軍總司令	米振標	開封	兼河南軍務幫辦。
第一混成旅	張繼武		
第二混成旅	劉正芳	禹州	
第三混成旅	于金武	開封	
第四混成旅	張錦標	尉氏	以上步兵四團，騎兵四團。
獨立團	米國賢		
建國豫軍總司令	樊鍾秀	寶豐	

第一路司令	李山林	汝州
第二路司令	顏芝蘭	偃師
第三路司令	趙振江	魯山
第四路司令	趙天清	寶豐
第一旅	任應歧	潢川，光山
第二旅	李萬	上蔡
第三旅	李興亞	正陽，羅山
衛隊司令	樊鍾華	臨潁
警衛司令	王達山	湯陰，淇縣

計師旅名目之多，派別之雜，除川廣兩省外，無論何省，莫若河南。如照北

洋編制計算，則直轄之二軍，十一師，十八混成旅，二騎兵旅，十二補充團，六步兵團，應有兵額二十餘萬人。然胡景翼初入豫，人數不足四萬，砲不過三十餘尊，雖屢次改編擴充，人數不患不多，而槍支大抵來自民團土匪，新式者實鮮，子彈亦決不能多，砲兵機關槍則更無論矣。且就其派別言之：（一）袁家聲郭振才馬志敏馬吉第李鴻嘉原河南舊軍，總數不過一萬五六千人；（二）田維勤陳文釗王爲蔚則爲吳佩孚系，總數約二萬人（陳八千，王田各六千），軍械頗充；（三）趙樹勛麻振武原劉鎮華舊部，合計新槍不過五千；衛定一原郭堅舊部，遠在西安鳳翔之間，槍亦僅二千。以上三部，共四萬餘人，皆與二軍無歷史之關係。其餘之二軍，可分爲兩部：（甲）爲岳維峻之親信，第二第七第十一二三師，第十混成旅及補充團之一部屬之；槍數約四萬餘。（乙）原爲胡景翼之腹心，第一第三第八第九第十各師，第六第七第八各混成旅及騎兵旅屬之；槍數約五萬

餘。其中以李雲龍李紀才爲最精，蓋二李舊爲第一師之旅長，器械較備；李雲龍由洛入陝，收編甚多；李紀才以善治軍名，紀律爲二軍冠。至于毅軍，入豫時不過萬人，近亦稍有增加；樊鍾秀自贛回豫，有槍纜千餘，近且過萬。茲更就其派別，分列略表如左：

(一) 拮維峻嫡系

四萬餘。

(二) 胡景翼嫡系（與國民黨較近）

五萬餘。

(三) 河南舊軍

一萬五六千。

(四) 吳佩孚系

二萬。

(五) 劉鎮華舊部及衛定一部

七千。

(六) 毅軍

一萬二千。

(七) 建國豫軍

一萬二千。

以上共計有槍十七萬餘，人數則在二十五萬以上。

(三) 孫岳部

孫岳原爲中央第十五混成旅旅長，十三年奉直之戰，衛戍京師。馮玉祥入京，孫與之合，擴充所部稱爲三軍，孫自爲軍長，以滇人葉荃爲副軍長。及由京漢路南下，攻保定，收降曹士傑之十六混成旅。步軍統領衙門之游擊隊，亦爲孫改編爲第三混成旅，復盡收保定大名警察巡防之槍枝。於是有中央暫編第四師，第一第二第三混成旅，中央第十五混成旅，及葉荃之第二師，人數不過三萬。十四年一月十五日，孫被任爲豫陝甘剿匪司令，旋讓保大於奉，移所部入豫，分駐鄭州新鄉。愨玉琨之亂，葉荃部加入戰爭；在洛陽西南，爲張治功所敗，幾不成軍。及劉懋敗潰，愨所招土匪，紛紛降孫，以圖自存，而名義上均屬葉荃。十四年夏，孫部入陝攻吳新田（另詳陝西篇），葉部獨留。旅長孫魁元遂逐葉去，代

爲第二師師長，雖經孫岳否認，然葉無實力，其直轄各旅，均不聽命，孫岳亦不復視之爲己有矣。

隨孫岳入陝者（另詳陝西篇）：

軍	隊長	官防	地備	考
中央暫編第四師	何遂			
第七旅	顧占鰲			
第八旅	門炳岳			
中央暫編第一混成旅	徐永昌			以後改編爲第一師。
中央暫編第二混成旅	顧炳烈			
中央暫編第三混成旅	劉廷森			

補充第一旅	耿金錫		
-------	-----	--	--

留河南者

軍	隊長官	防地	備	考
中央第十五混成旅	袁廷傑	洛陽		
補充第二旅	胡德夫	洛陽		

以上為孫岳嫡系，約三萬餘人。

葉荃部

軍	隊長官	防地	備	考
第二師	孫魁元			

直轄一旅	萬選才		
直轄二旅	蔣天章		
直轄三旅			
直轄四旅	林茂修		
直轄五旅	樊青山		
補充旅	王振	永寧盧氏	

以上共二萬餘人。

奉軍國民軍兩大系之外，尚有吳光新部之三旅，即所謂京衛軍是也。其政治彩色在兩軍之間，茲附列於此：

訓練總監	吳光新		
------	-----	--	--

副監	陳文運		
第一旅	宋玉珍	北京黃寺	段之衛隊，原爲田書年。
第二旅	戴廣勝	南苑	
第三旅	秦毅	通州	上二旅爲二十師改編。

以上共萬餘人。

第四章 陝西山西甘肅新疆

(一) 陝西

清光緒三十年，陝西始招新兵六營；初稱常備軍，旋設督練公所，改稱陸軍。宣統元年，成混成一協。辛亥革命，陝西響應，民軍紛起，驟增至百餘營。

都督張鳳翽改編爲七旅，一獨立團。元年以來，逐次裁併，至三年春，陸建章率第七師入陝，代張鳳翽爲都督，陝西始爲北洋派所有，然其時陝軍尙存三旅，且張雲山爲陝北鎮守使，張鈞爲陝南鎮守使，二張皆與聞辛亥革命者也，故民黨勢力，尙潛存于陝西。四年，改第七師爲十五十六混成旅，裁併陝軍爲兩混成旅，以陳樹藩代張鈞鎮陝南，陝北鎮裁而復設，以井岳秀爲鎮守使。五年春，十六混成旅馮玉祥率師入川，陸建章添募第四旅。五月，第二旅長陳樹藩入西安，逐陸建章。時陝西有兵不過三旅三營，秩序未亂。六年，督軍團禍起，南北分裂，民黨復在陝活動。十二月，郭堅據鳳翔，自稱陝西護法軍西南路司令。七年一月，陝西第一混成旅團長胡景翼獨立于三原，曹上英獨立于渭南，長安潼關間交通斷絕。陳樹藩求援于豫，劉鎮華率鎮嵩軍入陝。三月二十三日，被任爲省長，省軍稍舒。七年夏，盧占魁樊鍾秀高峻等紛紛聚匪起事。八月，推于右任爲陝西靖國

軍總司令。邵陽澄城韓城白水相繼失守。葉荃復率川滇軍攻巴寧寶雞。陳樹藩劉鎮華僅守渭南數縣，與民軍相持。七年十一月，南北和議開會，八年三月三日，北京政府復有停戰劃防之命，陝亂稍和緩。未幾，和議決裂，戰爭復開。許蘭洲率奉軍援陝，然師久無功。九年五月，葉荃盧占魁郭堅佔柵巴麟游鳳翔岐山鳳縣，擄陝南鎮守使十五混成旅長管金聚，陝事益危急。是年夏，直皖戰事起，許蘭洲率奉軍回援。及直軍戰勝，陳樹藩原爲段派，頗不自安，且其能力薄弱，號令幾不出省城。十年春，北京政府派二十師師長閻相文率十一師馮玉祥第七師吳新田等入陝。五月二十五日，任閻相文爲督軍，代陳樹藩。七月七日，閻敗陳樹藩軍，入省任事。八月二十三日，閻相文自殺，馮玉祥代爲督軍。時陳樹藩部敗走陝南，旋爲吳新田擊散，郭堅爲馮槍斃，胡景翼曹士英等取消獨立，陳郭舊部多爲劉鎮華所收，陝省無復戰事。

十一年夏，直奉戰事起，馮玉祥率師入河南。從之行者，爲胡景翼之陝軍第一師，田玉勤之陝軍第一混成旅，曹士英之陝軍第二混成旅。劉鎮華代馮爲督軍，兼任省長，然吳新田在陝南，郭堅齋部麻振武據岐山，李奪據鳳翔，前靖國軍高峻據郃陽白水，陳樹藩舊部馬清苑據交口，胡景翼殘部田玉潔據三原，馮毓東據富平耀縣，岳維峻殘部姚林翼據乾州，曹士英殘部石景義據高陵；而榆林一道則在陝北鎮守使井岳秀及陝軍混成團長楊勉（前靖國軍）之手，潼關二華尙有閻治堂之二十師；劉僅有中部及東南部十數縣而已。

十二年冬，曹士英回陝，欲攜石景義部出關，石部不奉命，旋走降交口之馬清苑。馬則依田玉潔抗劉。劉亦結田以自固，並編麻振武爲鎮嵩軍游擊支隊，自岐山移駐韓城。十三年二月，高峻與麻振武交惡，劉令憨玉珉部梅發魁旅助馬攻澄城，緱保傑自蒲城攻白水。三月，高峻敗潰，走紅土坡。劉乃乘戰勝餘威，命

李奪自鳳翔移駐扶風武功，以柴雲陸部鎮鳳翔。五月，令田玉潔逐馬清苑，以其部鎮壽山爲團長，馬隻身出關。其殘部爲馮毓東所收，仍駐交口。八月，馬回交口謀變，爲田玉潔所逐。于是除胡景翼殘部外，渭河兩岸，盡爲劉有。

劉鎮華者，陝西鞏縣之諸生也。清季在開封辦中州公學。辛亥革命時，回陝西，招嵩山土匪成軍。後入陝，與張鈞部合，與趙倜所部毅軍及周符麟所部陸軍轉戰潼關陝州間。統一後，歸豫改編爲鎮嵩軍，駐豫西剿匪。民國七年，應陳樹藩之招入陝，旋爲省長。時劉有衆不過三千餘，共分三路：柴雲陸爲第一路統領，張治公爲第二路統領，憨玉琨爲第三路統領。及任省長，改編樊鍾秀部馬河清及郭金榜舊部。委賈濟川統郭部。馬爲鞏縣人，與劉爲同鄉，故首編爲鎮嵩軍第四路統領。九年，管命聚之十五混成旅爲葉荃敗于鳳縣，劉收其殘部嚴際明爲鎮嵩軍第五路。民國十年，閻相文入陝，逐陳樹藩。省城槍械，多爲劉有，而陳

部之武漢軍劉世傑、孫傑遂爲劉收編爲鎮嵩軍第六第七兩路。其後郭堅爲馮玉祥所誅，其所部之麻振武降劉，爲鎮嵩軍之游擊支隊。十一年，豫西匪患日盛，劉奉吳佩孚命，以寇玉珉出關助剿，遂改編爲鎮嵩軍第一師，旋改任爲中央陸軍第三十五師。十二年，張治公爲吳佩孚調豫剿匪于盧氏，亦編爲陝軍第二師。十三年一月，劉任柴雲陸爲鎮嵩軍第一師，以豫人韓鳳樓爲衛戍司令，兼衛隊旅旅長。是年秋，直奉戰事復開，劉被任爲後防司令，所部張治公師在榆關助吳攻奉。胡景翼亦調所部出關。于是劉擴充鎮嵩各路爲七混成旅，以田玉潔爲陝軍第三師，馮毓東爲旅長，李奪爲陝軍第五混成旅長，東下援吳；未出關而吳敗。馮遂反戈攻劉。十一月十二日，圍華縣不克，十四日，入華陰，擬進攻潼關。同時李奪部衛定一黨玉琨逐李奪，進兵與平咸陽，楊勉亦在陝北響應。幸田玉潔頗善劉，據三原不動，嚴聲明扼守咸陽，衛定一未得逞。劉乃調馬河清部自渭南援

華縣，而另檄愍玉琨自洛陽回師夾擊，遂敗馮軍。馮退富平：計渡河時有兵十二營，回富平者不過三營而已。十二月，吳佩孚回河南，與胡景翼相持於彰德，劉部愍玉琨等攻洛陽，旋入鄭州，事詳前篇。是為劉鎮華全盛時代。是時劉之部屬，分佈如左：

軍	隊長	官防	地備	考
中央第三十五師	<u>愍玉琨</u>	洛陽		
第六十九旅	<u>梅發魁</u>	豫西	兩旅共有槍九千。	
第七十旅	<u>楊景榮</u>	豫西		
陝軍第二師	<u>張治公</u>	豫西		
第三旅	<u>楊子明</u>	豫西	有槍四千。	

第四旅	張治公 兼	豫西	回豫新招，有槍三千。
鎮嵩軍第一師	柴雲陸	鳳翔	共有槍七千。
第一旅	張振甲	鳳翔	
第二旅	武紹周	鳳翔	
第一混成旅	馬河清	渭南，二 華	即馬瑞娃樊鍾秀部，有槍二千，半係舊式。
第二混成旅	嚴際明	咸陽，醴 泉	管金聚舊部，有槍二千五百。
第三混成旅	麻振武	郃陽，韓	郭堅舊部，有槍三千。
第四混成旅	賈濟川	同州	有槍三千。
第六混成旅	緱保傑	蒲城	陳樹藩舊部，有槍三千。
第七混成旅	鄧全發	藍田	羅玉田舊部，有槍二千五百。

第八混成旅	趙樹勛	河南，郟縣	有槍三千。
衛戍司令	韓鳳樓	省城	有槍四千。

以上合計爲五萬三千人。

是時在陝之非劉鎮華派可分爲二部：一，吳新田部；二，前靖國軍。茲分列

如左：

軍	隊長官	防地	備考
中央第七師	吳新田	漢中	
第十三旅	張耀樞	川陝交界	
第十四旅	顧琢塘	漢中	

中央第二十二旅	王鴻恩	川鄂交界	
---------	-----	------	--

以上屬吳新田。

軍	隊長	官防地	備考
陝軍第三師	田玉潔	三原	屬胡景翼，有衆五千。
獨立旅	馮毓東 (子明)	富平	在華陰爲劉擊敗，餘衆不及二千。
陝軍第五混成旅	衛定一	興平武功	
陝軍騎兵旅	井岳秀	榆林	兼陝北鎮守使。
陝軍第一混成團	楊勉	洛川綏德	原有衆千餘，近招匪擴充。

以上共計二萬六千人，其中吳新田部約一萬餘人。

十四年二月，劉部憨玉琨自豫西攻胡景翼，劉乃南聯吳新田，請其自漢中移

駐西安，西聯孔繁錦張兆錚，請孔駐軍岐鳳，張駐長邠；而自率鎮嵩軍出關。然吳部兵少，不能完全填防，故劉部柴雲陸賈濟川鄧全發等均留陝未發。及憨戰敗於黑石關，柴部赴援，陝東空虛，胡景翼部之田玉潔馮毓東及前靖國軍楊勉紛紛在渭北起兵響應。時吳僅有顧琢塘之十四旅及張寶麟劉世傑之補充旅，力不足與抗，乃於三月十七日，允胡軍渡河。於是楊勉佔二華，馮毓東佔渭南，田玉潔部第五旅王文秀赴大荔，逼麻振武攻賈濟川。三月十九日，賈旅繳械。廿一日，楊勉敗留守之衛隊旅，入潼關。劉鎮華殘部，惟鄧全發尙在藍田，何夢庚在鄂縣，均降于吳新田。

五月一日，段祺瑞任吳新田督陝，劉治洲爲省長，蓋劉原隸籍國民黨，故段欲以和解二軍。然吳之實力不足以自存，而國民三軍寄居豫西，地瘠無所得食；二軍將領皆欲以孫岳督陝以統一河南。七月九日，孫部第一混成旅徐永昌以剿匪

名義率兵入陝，李雲龍助之，雖段政府疊電詰責，二三軍將領不爲動。時臨潼以東皆爲國民軍所佔，張耀樞旅遠在漢中，吳新田僅有衆萬餘，保西安西南數縣。初恃在興安之柴雲陸張治公及長鄉岐鳳之廿軍爲聲援，然胡軍衛定一在武功與平，扼西安之左背，在咸陽之二十二混成旅王鴻恩，在藍田之鄧全發，鄠縣之何夢庚，均不爲吳用。三月十五日，戰于零口，吳敗走鄠縣，顧琢塘旅退漢中，吳退寶雞，旋亦去漢中。十六日，徐永昌李雲龍入西安。李率軍西進，鄧全發何夢庚河毓斌等均降于李。楊尅衛定一亦進攻甘軍，張兆鉅先譟長武邠縣，孔繁錦亦于七月二十五日去岐山鳳翔。何遂師門炳岳旅旋入鳳翔鳳縣。九月，李雲龍部第三混成旅何夢庚自鄠縣移駐大荔，與麻振武同城。麻與何均舊屬劉鎮華，憤楊尅之奪麻防地，遂同攻楊所佔之韓城郃陽。未幾麻奉二軍調移駐潼關。段政府亦任孫登爲陝督，李雲龍爲幫辦，陝西遂無戰事。

軍	隊	長官	防地	備考
中央暫編第四師		何遂	西安	
第七旅		顧占鰲	華縣	
第八旅		門炳岳	鳳翔	
第三師		楊勉	興平耀縣韓城郃陽一帶	原爲靖國軍，劉鎮華時爲陝西混成團團長。
第一師		徐永昌	西安	原中央暫編第一混成旅。
中央暫編第二混成旅		龐炳勳	潼關	
中央暫編第三混成旅		劉廷森	渭南	
補充第一旅		耿金錫	潼關，華陰	

以上約有槍三萬，屬孫岳（其留河南者另詳前章）。

軍	隊	長官	防地	備考
國民二軍第三師		田玉潔	西安三原 涇陽一帶	有槍八千。
第五旅		王文秀	三原，涇 陽	
第六旅		党廷佑	西安，臨 潼	
二軍第五混成旅		馮毓東	富平，西 安	有槍三千。近有改爲第八師說。
二軍第七混成旅		康振邦	華縣	有槍二千。
二軍第十二混成旅		衛定一	興平，武 功，扶風	有槍二千餘枝。
二軍第十師		李雲龍	西安及省 西南	陝西軍務幫辦，所部約有槍二萬餘枝。
第十九旅		丁增華	西安	
第二十旅		潘占魁		

二軍第二混成旅	赤亞武	潼關	原中央二十二混成旅。
混成旅	王鴻恩	郿縣	
	鄧全發	藍田	皆劉鎮華舊部。
	何夢庚	大荔	
	何毓斌		皆吳新田舊部。
	張萬勝		
二軍第十一混成旅	麻振武	潼關	劉鎮華舊部，有槍二千五百枝。

以上共有槍四萬餘，皆屬國民二軍。

軍	隊長	官防地	備考
陝北鎮守使	井岳秀	榆林一道	有槍三千餘，兼陝西騎兵旅旅長。

獨立混成旅	縱保傑	蒲城	有槍二千。
-------	-----	----	-------

以上為非國民軍之陝軍，共有槍五千。

軍	隊長	官防	地備	考
陝南護軍使	吳新田	漢中		
第七師	顧琢塘	漢中	有槍一萬。	
第十三旅	張耀樞	漢中		
第十四旅	顧琢塘 兼安	漢中，興		
鎮嵩軍第一師	柴雲陞	興安		
第一旅	張振甲			

第二旅	孫猛	
陝西第二師	張治公	興安
第三旅	張宗汾	
第四旅	武庭麟	
中央第三十五師	梅發魁	興安
第六十九旅	李清標	
第七十旅	梅發魁	

以上三師，共有槍八千，
為劉鎮華舊部，現與吳新田
合。

以上為江浙戰事未發生以前之情形。自十月以來，田玉潔馮毓東康振邦及李雲龍均去陝入豫；三軍何遂師之一旅，徐永昌之一師，亦來豫助戰，陝西情形較九月以前為單簡矣。

(二) 山西

民國以來，山西未嘗有兵事。閻錫山任督軍，凡十有三年，治績爲各省冠；然近年來亦苦兵多，蓋時勢所趨，環境所迫，雖有賢長官，亦不能倖而免也。閻錫山爲日本士官學校畢業生，返國後任標統于晉北。辛亥革命，遂爲都督。袁世凱當國，各省軍政長官非袁系者更易殆盡，惟閻獨留，蓋民國元年，山西原有兵一師（後改爲第九師），二年，擴充一混成旅，其後閻卽未嘗添兵。三年，第九師改編爲兩混成旅，四年，裁減爲兩混成團，故不爲袁世凱所忌。其時晉北鎮守使孔庚與閻不相能，省長金永統有警備隊二十營，閻常受其制。民國六年，孔庚在大同舉事，爲閻所逐，繼金永之孫發緒亦去職，軍政權始統一；山西遂有模範省之稱。閻乃擴充新軍爲五混成旅，並派軍械局長張維清赴日本購軍械一百二十餘萬元，改機器局爲修械所，于是軍實始充。其後段祺瑞征湖南，商震率晉軍赴

湘南，以王汝賢范國璋等同軍，後路中斷，全師潰退，然紀律頗佳，湘人至今稱之。是爲晉省出兵之末次。其後直皖之役，兵出井陘，直軍攻陝，晉亦出兵，然均未加入戰爭。十一年，奉直戰終，山西爲自衛計，擴充二騎兵團，二混成團，歲費餉五百餘萬。十三年，奉直戰事再開，閻與馮玉祥通，派兵二旅出石家莊，截斷京漢路，阻豫鄂援軍北上。胡景翼攻吳佩孚，山西亦奉段祺瑞命出兵爲援，然始終未嘗與敵軍交綏也。

時山西軍隊，已由五混成旅改編爲十二旅，蓋山西屬行鄉兵制，兵來自各鄉，退伍有冊，招集甚易，且舊有各旅，編制與陸軍部定章不同；如第四混成旅有衆四團，外尚有砲兵獨立營三營，學兵團一團，機關槍三連，人數原在四萬以上，而在鄉軍人，尙不在其列，故一旦擴充，未嘗添招新兵，而旅數驟增焉。

山西之修械局原僅能修槍。近乃擴充爲兵工廠：能造山砲，機關槍，步槍子

彈，行將自造步槍，軍械亦充，軍士演習皆用實彈，年費子彈三百萬，亦吾國軍隊之所僅有也。

閻氏對於軍人教育，亦極經營。民國二年，設有軍官教導團，收現任之排長連長及差遣軍職，教以軍事，畢業者五百餘人。又有軍人法政講習所，軍政研究會，軍人講演會，軍人洗心社，自省堂。各營兵士須補習國民教育，以二年為期，畢業後受以普通學科及軍事知識。旅團各部皆有運動；教員教兵士以球戲。此山西軍政之特色也。茲就其最近情形列表如左：

軍	隊長	官防	地備	考
晉北鎮守使	趙戴文	大同		
晉南鎮守使	張培梅	臨汾		

第一師	商震	省城精營北	(指司令部)。
第二師	孔繁壽	省城精營北	(指司令部)。
第一旅	傅存懷	省城後小河	
第二旅	王嗣昌	介休	
第三旅	李維新	省城軍署東	
第四旅	謝瀛	崗上	
第五旅	玉璽	大同	
第六旅	楊愛源	大同	
第七旅	張培梅	平陽	
第八旅	豐羽鵬	運城	

第九旅	榮鴻臚	省城	
第十旅	蔡榮壽	平定	
第十一旅	李德懋	省城軍署	
第十二旅	路福保	省城新南門外	
憲兵司令	張建	省城	二營。
緝私營統領	魏德新	河東	

以上合計共七萬人。

(三) 甘肅

甘肅一省，八府六州：前清設有一提督（固原），七總兵（甘州西寧寧夏河州涼州肅州秦州），駐兵較他省為多。民國以來，寧夏甘州曾設護軍，其餘六鎮

均改鎮守使；各據所治，與省政府抗。加以漢回雜處，軍籍各異，故雖未經變亂，而亦受兵禍；新疆山西之所可同日語也。

甘肅漢回之相仇也久矣，自前清同治十一年，左宗棠入甘，回族首領馬占鰲降，回亂雖平，而回民之勢力益固。至光緒二十一年，復有西寧之亂。時中日開戰，馬占鰲之子馬安良率兵赴京勤王。亂平回甘，旋鎮甘州。辛亥革命，率師入陝，未幾回甘，駐軍省城；漢回兵民，時有衝突。元年，狄道紳士李建庭被任爲甘肅都督，未就職爲人所刺。論者皆謂實爲馬安良所指使云。

民國三年春，張廣建被任爲甘肅督軍，率兵抵蘭州。時回軍人數雖衆，而器械皆舊式，不足與張抗，馬安良乃率所部回河州老巢，然猶以甘州提督名義統率回軍。七年十月，改甘州提督爲護軍使。十一月，馬安良病歿，其子馬廷勳代領其衆，然馬安良之西軍精銳軍，一部爲西甯鎮守使馬麒所留。八年二月，裁甘州

護軍使，以馬麟爲甘州鎮守使，馬廷勳爲涼州鎮守使，回兵之勢力遂分。三馬中以馬騏爲最強，近復征服青海番部，所轄益衆。十四年夏，以爭寺產，公然與督辦陸洪濤抗，陸無如之何也。在寧夏者爲護軍使馬福祥。十年一月，馬福祥改任爲綏遠都統，馬鴻賓繼之爲寧夏鎮守使。十四年，馬福祥去綏遠，仍以西北邊防會辦名義，統中央第五混成旅馬鴻逵部駐寧夏。鴻賓鴻逵皆福祥之子姪也。馬氏根據，原在河州（導河縣）。自馬安良獎勵常兵，回民以掛名兵籍者爲榮，故餉不必出于省庫，兵多潛散于民間。惟甘省交通不便，購械甚難，人數雖多，不復如昔日之易于揭竿矣。

新建軍者，成立于民國五年，張廣建親軍所改編也。原分左右二軍：右軍分防各地，初不爲張廣建所重；左軍則原駐省城，吳松山爲統帶。旋張吳不和，張以左軍之一部俾孔繁錦，任之爲隴南鎮守使。七年，吳松山去職，孔代領新建左

軍之全部，兵力遂爲甘省之冠。九年冬，張廣建去甘，隨東鎮守使陸洪濤代爲督軍，張兆鈺代孔鎮平涼，其兵力亞于孔。其他漢人之爲鎮守使者，尙有肅州之吳桐仁，河州之裴建準，實力均不如張孔，且遠在西隅，四面皆回軍，故不能發展。十三年冬，陸洪濤改編所部爲甘肅第一師，以李長清黃得桂爲旅長，未幾陸病，政出其軍務廳，各鎮益不用命。十四年九月，段政府以馮玉祥督甘。馮派其師長劉郁芬入甘，以蔣鴻逵爲參謀長。甘省遂屬國民一軍。

(甲)回軍

軍	隊長官	防地	備考
西北邊防會辦	馬福祥	寧夏	原任綏遠都統
中央第五混成旅	馬鴻逵	寧夏	約三千人。近將改稱國民一軍第七師。

寧夏鎮守使	馬鴻賓	寧夏	約二千餘人。
涼州鎮守使	馬廷勳	武威	二千人。
甘州鎮守使	馬麟	張掖	一千人。
甘邊寧海鎮守使	馬麒	西寧	三千餘人。

以上合計約一萬二千人。

(乙) 漢軍

軍	隊	長官	防地	備考
甘肅第一師	李長清代	蘭州	共三千餘人。近為劉郁芬改編。	
第一旅	李長清	蘭州		

第二旅	黃得桂	同上	新建軍及秦州巡防共約五千人。
隴南鎮守使	孔繁錦	天水	
隴東鎮守使	張兆鈿	平涼	
肅州鎮守使	吳桐仁	酒泉	
河州鎮守使	裴建準	導河	約二千人。
			八百人。

以上共計一萬五千人（孔繁錦張兆鈿亦有改組爲師旅之說，其詳不可得知）。

（四）新疆

自光緒三十三年，巡撫聯魁以續備步隊五營，及左右兩翼馬隊六旗，改編爲第三十五混成旅（以原定新疆爲第十八鎮故名），新疆始有新軍。其時僅有步兵三營，騎兵二營，砲兵一營；號稱一混成旅，實不過三千二百人。是年，復將原

有各標路防營練軍，改編爲五路巡防：中路駐省城，有步隊七營，馬隊六營；前路駐喀什噶，計步隊六營，馬隊七營；左路駐阿克蘇，計步隊五營，馬隊六營；右路駐伊犁，計步隊四營，馬隊五營；後路駐巴里坤，計步隊三營，馬隊四營。共計馬步五十營，有兵八千，故至清末，新疆全省新舊軍隊，共不過萬人。民國以來，楊增新以雲南人督新，凡十有三年，綜攬軍民政權，其久任與山西之閻錫山同；其治蹟雖不如閻，然新省軍未大增，秩序不亂；楊之功固未可沒也。

新疆自民國以來，僅有兩事足記者：其一爲添設阿山道事。阿爾泰原屬蒙古，設有副都統辦事長官。八年四月，駐防阿爾泰兵譁變，蒙古人宣告自主。六月，由楊增新派兵恢復，遂改阿爾泰爲阿山道，屬新疆省，添設步馬隊數營。其二爲楊增新剪除喀什噶提督馮福興事。喀什噶提標，已于光緒三十三年改爲前路巡防，而提督之名尙存，民國以來，楊續緒據喀什城，不復聽省城命令。三年，

楊增新派馬福興率回兵二十餘營，由迪化查辦，楊纘緒遂棄城逃。馬福興既繼任提督，其抗命與楊纘緒等。四年，楊增新以其弟楊石村爲喀什道尹，率兵十餘營赴任，藉以制馬，而石村懦弱，畏馬不敢有爲；不一年復爲馬排擠去。馬乃益驕橫；所部回兵，原有三十餘營。楊增新屢提議裁減，馬均不奉命。十三年初，復以外兵窺喀什爲口實，勒派疏附疏勒兩縣出民三千人，以擴充實力。楊增新乃派楊麗霖率兵二十餘營，自阿克蘇烏什分道進兵，斃馬福興及其子繼武于喀什城外。裁減其軍隊爲十營，裁喀什提督不設，以防務俾喀什道尹。計每年節軍費百萬，新疆亦至此始統一焉。

(甲) 新式軍隊

軍	隊長	官防	地備	考
---	----	----	----	---

喀什混成團	楊得勝	喀什噶	步營，約三千人。
三十五混成旅	蔣松林	省城	步營，約三千人。
			砲各一團，工兵一連，

(乙) 舊式軍隊

軍隊	長官	防地	備考
中路巡防		分駐吐魯番，綏來，瑪納斯，庫爾喀喇，烏蘇。	步三營，馬五營，共一千餘人。
喀什巡防		駐喀什噶爾	馬福興部，前路巡防改編，十營，千餘人。
左路巡防		分駐阿克蘇道及喀什噶	共十餘營，一千餘人。
右路巡防		駐塔城	七百人。
新軍(巡防營改編)		分駐塔城，巴里坤，阿克蘇，阿山，古城，布爾根河。	共騎兵一團，馬隊十六營，步隊十二營，共四千餘人。

定邊軍		步隊四營，馬隊十營，共一千八百人。
鎮東軍		步隊一營，馬隊五營，共八百人。
鎮邊軍		馬隊二十五營，步隊十二營，共五千人。
阿山駐軍		步馬各一營，砲兵一連，共四百餘人。

其他迪化新招之兵，吐魯番游擊隊，西路防務混成支隊，塔城道屬馬隊，蒙古馬隊，督署衛兵，共十餘營，約三千人。

以上計新式軍隊四千人，舊式軍隊二萬人，共計二萬六千人。

第五章 江蘇浙江

(一) 十三年戰爭以前之軍隊

(甲)江蘇

前清末季，江蘇駐新軍一鎮，二協；第九鎮在南京，十三協在清江浦，屬江北提督，二十三協在蘇州（蘇省防營改編）；蓋原定計畫，江蘇共練兵三鎮：第七鎮駐江北，十二鎮駐蘇州。至宣統三年，惟第九鎮完全成立，清江蘇州僅各成一協，以預定鎮數，故協以十三，二十三名。辛亥革命，第九鎮首發難，雖敗于秣陵關，而南京爲臨時政府所在，軍隊雲集，號稱二十餘師。及南北和議成立，外省援軍多回防，甯滬各師旅亦多裁汰。至民國二年，正式陸軍尙有五師兩旅。二次革命，黃興據南京，爲馮國璋張勳所敗。張旋移駐徐州，馮爲蘇督，率所部禁衛軍及直隸混成旅（後改稱第五混成旅）駐防，蘇省於是始有北軍。時蘇省舊軍尙存第二第四第十九各師，及四路要塞步兵第一旅。民國三年，裁減第二師人數爲二千餘人，改編第三師爲七十四混成旅，第四師爲七十五七十六兩混成

旅，並揚州游擊隊，要寨步兵第一旅爲一團，稱要寨步兵掩護隊。五年夏，就揚州游緝隊擴充爲江蘇第一混成旅，而七十五混成旅在江陰謀變解散，故終馮國璋之任，蘇軍共爲二師三混成旅，實數不過一萬三千人。六年，李純代馮爲督軍，禁衛軍及第五混成旅相繼北去，第六師自江西來填防。軍額軍餉均有增加。民國九年十月，李純自殺，齊燮元爲督軍。編補充旅爲第二第三第四混成旅，復改七十四旅爲第五混成旅。十三年春，任白寶山爲江蘇第一師，馬玉仁爲第三師，並補充各師旅缺額，軍費遂增至七百餘萬。白爲張勳舊部，民國四年，被任爲海州鎮守使，原無師旅之名。馬則徐寶山舊部，原爲江蘇第一混成旅者也。至民國十三年夏，江浙開戰之前，齊燮元有兵五師六旅，而警備隊緝私營不計焉。

軍	隊長	官防	地備	考
---	----	----	----	---

中央第六師	齊燮元	江寧	旅長宮邦鐸，兼江寧鎮守使。
中央第十九師	楊春普	鎮江，江陰	
江蘇第二師	朱熙	蘇州	兼蘇常鎮守使。
江蘇暫編第一師	白寶山	海州	張勳舊部，海州鎮守使。
江蘇暫編第三師	馬玉仁	清江浦	徐寶山舊部，原第一混成旅。
江蘇第二混成旅	黃振魁	揚州	
江蘇第三混成旅	李殿臣	江寧	
江蘇第四混成旅	吳恒瓚	江寧	
江蘇第五混成旅	陳調元	徐州	兼四省剿匪司令。
江蘇第七十六混成旅	張仁奎	通州	兼通海鎮守使。

警備隊第一團統帶	傅祥泰	常州	
警備隊第二團統帶	張繼勛	寧波	
淮揚游緝水師統領	朱大朋	揚州	

以上合計約六萬餘人。

(乙) 浙江

辛亥革命時，新軍第二十一鎮駐浙江，標統周承蔭率之獨立。旋命朱瑞入蘇，會師南京，改稱第六師。元年一月，編義勇敢死等隊為第二鎮，旋改稱二十五師。南北和議成，朱瑞為督軍，裁二十五師為獨立旅。後朱以反對二次革命功，遂得安其位。然袁世凱實忌南軍，故駐第十師第四師于上海松江；以鄭汝成鎮滬，扼浙軍北上之路。五年四月，浙軍獨立，朱瑞出走，呂公望繼為督軍。恢

復獨立旅爲二十五師，添募浙江混成旅。九月，改第六師爲第一師，第二十五師爲第二師。六年一月，以第四師師長松江鎮守使楊善德爲督軍，代呂公望，裁混成旅。時第四師一部仍駐松江。浙江號稱兩師，實不過一萬餘人，故浙省軍費擔負，較他省爲輕。六年十一月，浙軍第二師第三旅長葉煥華在甯波獨立，爲第一師童保暄擊敗取消。七年四月，童保暄率兵援閩，未幾回浙。浙中秩序，始終未亂。八年八月，楊善德病歿，以松滬護軍使第十師師長盧永祥兼署督軍。盧爲北洋前輩，與段祺瑞接近，而李純則原屬馮國璋，與段系不相能，且上海松江地在蘇省，盧以浙江督軍兼管松滬，尤爲李純所忌。九年，直皖之戰，李純調兵防崑山，拆毀鐵路，兵燹幾開，幸北方戰事告終，盧永祥復持重不發難，僅乃無事。是年七月二日，北京政府以盧永祥專任浙江督軍，裁松滬護軍使，以第六混成旅旅長何豐林爲鎮守使，而第四第十兩師軍官通電反對，相持不肯下。適李純自

殺，齊燮元代爲蘇督，資以遠在盧下，不復堅持，乃復設護軍使，以何豐林繼任。何原盧舊部，第四師又駐松江，故松滬仍屬浙，而上海爲通商口岸，收入甚豐，蘇省軍官多垂涎，江浙之不能相安也，蓋非一朝一夕之故矣。

十一年奉直戰爭，江浙幾衝突，因奉軍敗北，不果動。然盧永祥遂廢督軍，制省憲，以總司令名義任事，不復受北京指揮。十二年，曹錕運動總統，浙省倡言反對，齊燮元聯皖贛閩三省，欲攻浙，卒因吳佩孚反對，蘇浙紳士調停，訂立公約，維持兩省和平。蓋雙方軍事預備，均不甚充，故有待于他日也。十三年春，臧致平楊化昭爲孫傳芳周蔭人所敗，率所部自福建經江西入浙。盧永祥收容之爲邊防軍，以臧爲邊防訓練處處長，楊化昭爲旅長。吳佩孚電勸盧解散之，盧不聽。齊燮元謂浙江收容客軍，爲破壞十二年和約，聯蘇皖贛閩四省軍，謀攻浙。曹錕聽陸錦言，電許其用兵。八月十五日，齊燮元開軍事會議于南京，遂下

動員令，調兵集中于滬甯鐵路。浙江亦積極備戰。雖經兩省士紳奔走調停，而箭在弦上，不得不發，東南兵禍，是此始矣。是時浙江全省軍隊，大概如左：

軍	隊長	官防	地備	考
中央第十師	盧永祥	杭州		
第十九旅	王賓	嘉興		嘉湖鎮守使。
第二十旅	朱聲廣	杭州		
中央第四師	陳樂山	松江		
第七旅	夏兆麟			
第八旅	王鳴珂			
補充團	范奪魁			

浙江第一師	潘國綱	甯波，紹興	
第一旅	郝國懋		
第二旅	伍文淵		
浙江第二師	張載揚	金，衢，嚴	
第三旅	盛開第		
第四旅	汪鎬基		
中央第六旅	何豐林	上海	松滬護軍使。
邊防訓練處處長	臧致平		
第廿四旅	楊化昭	開化	
補充旅	李翰慶		

衛隊團		杭州	
第一團	周錦成		
第二團	金榜辰		
憲兵司令	馬鴻烈	杭州	
砲台司令	張伯岐		

以上合計約四萬餘人。

(二) 十三年江浙之戰

江浙戰爭，共分為三路：一在滬甯鐵路附近，為兩軍戰爭之中心；一在宜興，為兩軍之奇兵；一在閩浙之交。蘇軍初以楊春普之第十九師，白寶山之第一師守宜興溧陽；以第六第二師，第二第三第五及第七十六混成旅攻黃渡嘉定清

浦；以馬玉仁之第三師，吳恒璜之第四混成旅攻瀏河，襲取吳淞。齊燮元自駐崑山，爲大本營。浙軍初以何豐林爲第一軍司令，臧致平副之，率第十師，第六混成旅，衛隊團，及臧致平之邊防軍守滬甯鐵路；以陳樂山爲第二軍司令，楊化昭副之，率第四師，第二十四混成旅（楊化昭部），及王賓之十九旅攻宜興；以張載陽爲第三軍司令，潘國綱副之，守仙霞嶺，禦孫傳芳之閩軍。九月三日，兩軍接觸，蘇軍猛攻黃渡瀏河。瀏河浙軍以衆寡不敵幾危殆，乃調楊化昭部來援。計自九月三日至九月九日，自九月十一日至九月二十日，兩次大戰，蘇軍取攻勢，死傷較浙軍爲多，而兩軍始終各保防綫，戰事初無進步焉。

宜興方面，浙軍取攻勢，于九月七日，自源脚嶺進兵，下佔宿山，蘇軍乃調陳調元部援楊春普自寶山。旋十九師潰散，幾不成軍，復增調滬甯路兵填防。北軍之來援者，亦自常州舟行赴宜興。滬甯路兵力遂分。

時湖北派第五混成旅張允明全部，又第四混成旅劉佐龍之一部，河南派河南第三混成旅林起鵬，第四混成團李鳴盛，及第二混成旅馬燦林之一部，山東派中央第一混成旅潘鴻鈞部，陸續來援；大部分加入黃渡瀏河。計蘇軍人數不下四萬餘，多于浙軍三分之一以上，而軍隊性質複雜，號令不一，且浙軍恃汽車爲聯絡，交通較便，故戰事延長。九月十日，安徽出兵，分兩路援蘇：其一由王普率第三混成旅，由廣德攻泗安；其二由史俊玉率第五混成旅，加入宜興；故浙軍雖迫近宜興，終爲敵所阻，相持于蜀山宜興之間。

閩邊方面，由孫傳芳率第二師及孟昭月之第十混成旅，彭德銓之第一旅來攻，以張俊峰之二十四混成旅爲後援，贛軍楊以來張慶昶部爲奇兵，自玉山夾攻衢州。浙軍人數較少，軍械不備，本不足以禦孫軍，復葉仙霞嶺不守，先失形勢；第二師砲兵團團長張國威又通款于孫。九月十六日，潘國綱敗于江山，杭州

大震。盧永祥張載揚乃分交軍民政于周鳳岐夏超，各走上海；令第二軍全軍退嘉興，集中松江。孫傳芳長驅抵杭州，陳調元率蘇皖軍佔嘉興，潘國綱走甯波，浙省自是無復有戰事。

九月十九日，滬甯路蘇軍合魯豫援軍進攻，並分兵襲南翔，然浙滬聯軍，集中松江，戰綫縮短，軍心尙固，蘇軍卒無功。九月二十日，北京政府以孫傳芳督浙，兼閩浙巡閱使，夏超爲省長，周鳳岐爲第二師師長。夏周均與孫合作。孫適杭州不入，率軍赴楓涇，與陳調元之蘇皖軍合兵攻松江。時齊燮元以左翼鄂軍包圍嘉定，分兵襲南翔；右翼從朱家角趨松江，並分兵東向，進迫滬南。盧永祥乃以王賓爲第三司令，守松江，以陳樂山部加入前線，謀攻取崑山，突圍而西，以衆寡不敵，不得逞。九月二十九日，蘇軍再進攻，浙軍復取守勢。

十月二日，孫軍攻石蕩湖，蘇軍自黃浦江右岸之余來廟夾攻。三日，佔石湖

蕩鐵橋，以水警爲嚮導，潛行渡黃浦江，攻明星橋車站，直出朶來廟及三十一號橋浙軍之後。九日，王賓走上海，蘇閩軍入松江。盧永祥改任何豐林爲第三軍司令，守新橋，而孫軍沿黃浦江南岸，從閔行攻莘莊，進迫龍華，上海大震。時浙軍多調援松江，防線空虛，蘇軍乘勢進攻。十月九日，佔青浦，十二日，佔嘉定。是日盧永祥開軍事會議于龍華，陳樂山夏兆麟朱聲廣楊化昭皆各慮，不願爲之再戰。盧乃招何豐林自莘莊回滬，與臧致平於十三日走日本。十四日，鄂軍援蘇司令張允剛入上海，佔龍華。

然陳樂山楊化昭等猶謀擁徐樹錚爲總司令，率浙軍殘部與蘇軍抗。十五日，徐樹錚陳樂山在租界爲工部局所捕，旋保釋監視，浙軍無首領，不能再戰。十七日，孫傳芳至上海，委白寶山爲上海防守司令，並設法收撫浙軍。二十日，浙軍就撫。當潘國綱之赴寧波也，初謀據寧紹台三府地，與省政府抗。經寧紹紳商勸

阻，未果發。十月初，潘赴上海，與盧永祥會。蔣尊簋呂公望屈映光褚輔成等遂赴寧波，運動獨立。十月八日，寧波宣布自治，推蔣尊簋爲自治委員長，以呂公望任軍政，屈映光任民政。九日，潘國綱忽通電辭職，令伍文淵代爲師長。伍態度遂變，蔣呂等走上海。十三日，寧台鎮守使王桂林，旅長郝國璽，圍攻師部，捕伍文淵，迫令辭職，復推呂公望爲自治軍總司令，郝國璽爲前敵總指揮，進兵向紹興。及聞盧永祥走日本，後援斷絕，郝國璽等紛紛逃匿。十八日，周鳳歧率第二師入寧波，浙事大定。

(三) 戰事之收束

江蘇之戰事雖因盧何之出走而告終，然浙軍初未敗潰：時第十師十九旅，及第六混成旅，衛隊團，由莘莊退龍華；第四師及臧致平部（補充旅）由南翔退龍華；第十師二十旅及補充旅之一部，將校義勇團，游擊隊，自黃渡退閘北；楊化

昭部自嘉定瀏河退離店；敗軍五萬人，聚于上海一隅。張允明至滬，首收編戚致平部爲兩混成旅，自稱暫編第一師。第四師降孫傳芳，以夏兆麟爲師長，退駐松江。何豐林部之第二團，爲閩北保安團編爲團丁，其餘亦降孫傳芳，以劉永勝爲旅長，駐浦東。齊燮元初欲解散其他各軍，而駐閩北各旅團架砲抗命，不受撫，乃變計以朱聲廣爲第十師師長，移駐江灣；派王永泉赴羅店，編楊化昭部爲兩混成旅；其義勇隊，別動隊，游擊隊殘部，則歸白寶山馬玉仁改編，皆令移駐江北。改編計畫甫就緒，而北京政變，各軍皆觀望，不肯移防；第十師尤跋扈不聽命。乃命馬玉仁進駐滬北，監視第十師，改以鄭俊彥爲師長，代朱聲廣，給以餉需軍服。至十一月三日，楊化昭部去羅店，十一日，第十師去江灣，滬上始無浙軍。

外省援蘇軍隊，豫軍首先離蘇，魯軍繼之。及吳佩孚抵天津，通電求援，各

省戒嚴；皖軍史俊玉王普和繼去，鄂軍第四旅第七團亦回鄂。惟張允明盤據兵工廠及護軍使署，不肯行，並自委官吏，與省政府爭權。于是以陳調元之第五混成旅及江蘇第二旅合編爲第四師，令與鄂軍張允明全部及浙軍孟昭月之第十混成旅北上。十一月一日，山東宣布中立，毀韓莊鐵路，陳調元頓兵徐州，孟昭月至甯復回中。張允明益驕橫，日索餉械，藉口不出發，又嗾暫編第二團蔡仲節在天地庵拆毀鐵路，阻十師移防。齊乃歸第三混成旅于十九師，以宮邦鐸爲師長，兼淞滬鎮守使，全軍駐上海；調白寶山爲海疆防禦使，回海州；併第四混成旅于第二師，以吳愷璜爲師長，監視張允明。時張不欲去滬，而苦無所藉口，忽接北京攝政內閣命，任之爲淞滬護軍使，乃大喜欲就職，然儲于宮之兵力，且懼孫傳芳攻其後，不敢冒昧開費。蓋十月初，齊燮元連蘇皖贛浙鄂五省爲聯防會議于南京，閩豫湘川陝相繼加入，儼然以東南盟主自居。吳佩孚回洛陽，尙擁兵數萬，孫齊

利害相同，不得不聯合自衛也。

時蘇軍將領多易人，編制亦有變更。茲就十三年十一月終情形，列表如左：
齊燮元部

軍	隊	長官	防地	備考
海疆防守總司令		白寶山	海州	
江蘇第一師		白寶山	海州	
第一旅		王馨蘭		
第二旅		鄭紹虔		
中央第十師		鄭俊彥	濰陽，宿遷	
第十九旅		季彥清		

江甯鎮守使兼軍務幫辦	第四旅	第三旅	江蘇第二師	蘇常鎮守使兼水警廳長	第三十八旅	第三十七旅	中央第十九師	淞滬鎮守使	第二十旅
朱熙	唐業瀾	陳孝思	吳恒瓚	楊春普	馬琛	高葆恒	宮邦鐸	宮邦鐸	楊杏林
江甯	江陰	蘇州	蘇州	蘇州	高昌廟	砲臺灣		上海	
開第二師師長缺。			編。舊第二師與第四混成旅合	開十九師師長缺，代趙會鵬。			編。舊十九師與第三混成旅合		

中央第六師	齊燮元	江寧	原二十一團長。
第十一旅	王凱慶	省城	
第十二旅	李 銳	上海	原二十四團長。
江蘇第四師	陳調元	徐州	第二第五混成旅合編。兼四省剿匪司令。
第七旅	畢化東		
第八旅	劉鳳圖		
江蘇第三師	馬玉仁	清江	淮揚鎮守使。
第五旅	袁得才	清江	
第六旅	劉漢民	清江	
淮北緝私統領	盧鳳書		原六師十一旅旅長。

淮南緝私統領	李殿臣		原第三混成旅旅長。
蘇屬緝私統領	黃振魁	蘇州	原第二混成旅旅長。
甯鎮澄淞要塞總司令	趙學濤	南京	
甯路	戚居敬		
鎮路	郭保楨		
澄路	趙福海		
淞路	王景儒		
省防警備第一團	馮步麟	南京	戰時新招，防守省城。
補充團	余念慈	南京	
憲兵司令	馮獻瑞	南京	

張允明部

暫編第一混成旅	楊廣和	寶應，高郵	步兵二團，每團兩營，騎砲工輜重一混成營。
暫編第二混成旅	李啓佑	泗陽宿遷	每旅計二千六百人。
第七十六混成旅	張仁奎	通州	兼通海鎮守使。
砲兵旅	魏朝彥	南京	
補充旅	王健飛	南京	
淮揚游緝水師統帶	戴春成		
警備一團統帶	王振聲	常州	
二團統帶	張繼勳	徐州	

軍	隊長	官防	地備	考
暫編第一師	張允明			
第一旅	李翰卿	老龍華		
第二旅	高守相	新龍華		
湖北第五混成旅	張允明兼			
九團	張沛雨	護軍使署		
十團	武銘	車站路習藝所		

以上八師，六旅，四團，合緝私營，要寨兵，憲兵，統計不下十一萬餘人。除張允明部不計外，月費餉一百零三萬。戰時所募公債八百萬，盡數用爲戰費；嘉興太倉青浦各城鄉焚掠極慘；上海無錫蘇州各商埠，營業停頓。直接間接之損

失，以億萬計。洪楊以來，江南第一次之浩劫也。

浙江方面，經過情形，不如江蘇之複雜。自四師受撫改編，移駐松江，孫軍僅留第三旅之五團在申，餘師均陸續回浙。初，孫傳芳欲解散第一師，派周鳳岐率第二師赴甯紹，幾至開釁。旋經甯商調停，改任陳儀為浙軍第一師師長，第十混成旅旅長孟昭月為甯台鎮守使，調閩軍第一混成旅彭德銓部駐温州以監視之。並以盧香亭為中央第二師師長，楊鎮東為第三旅旅長。十二月初，浙軍駐防情形，大概如左：

軍	隊長	官防地	備考
中央第二師	盧香亭	杭州	
第三旅	楊鎮東	杭州	第五團李俊義在高昌廟。

浙江第二師	周鳳岐	杭州，蘭谿，衢州	
第四旅	謝鴻勛	嘉禾	
中央第十混成旅	孟昭月	寧波	兼寧台鎮守使。
暫編第一混成旅	彭德鈞	溫州	
中央第四師	夏兆麟	嘉善，松江	
第七旅	方先聰	松江	
第八旅	范季魁	嘉善	
浙江第一師	陳儀	紹興	
第一旅	石鐸	餘姚	
第二旅	徐燧方	寧波	

以上約共四萬餘人。

(四) 戰事之重開

孫傳芳與陳樂山

督署衛隊團	李寶章	杭州	
浙江緝私統領	王茂桐	杭州	原二師第六團長。
第二隊統帶	劉丙樞	杭州	
保安隊第一隊統帶	吳殿揚	杭州	
中央第六混成旅	劉永勝	浦東	何豐林舊部。
第四旅	汪鎬基		
第三旅	盛開第	紹興	第六團

東南戰事之重開，實由于齊燮元之免職，而首先發難者，反爲浙江之孫傳芳。當盧永祥之去申也，孫傳芳改編陳樂山之第四師，以夏兆麟爲師長，駐松江。嘉善。十二月，段祺瑞密任陳樂山爲第四師師長，何豐林爲第十九師師長，謝宮。邦鐸爲第六師師長；陳何遂相繼至申。十二月二十四日，陳樂山赴松江。四師軍官皆陳舊人，不樂爲夏兆麟用，遂擁陳就職。二十六日，第八旅長范春魁率所部退守楓涇，毀鐵路六十三號橋，防孫傳芳來攻。二十七日，盧香亭率第二師第四旅及浙軍第二師八團至嘉善，遂攻陳軍。二十七日，第四旅長謝鴻勛入楓涇，陳軍沿鐵路退守。二十九日，孫軍復進攻，並分兵由朶來廟沿浦江攻得勝港。一月一日，陳樂山走上海，二日，盧香亭入松江。陳師八旅十五團山三十一號橋潰走泗涇、奈山；十六團及閘北保衛團之一部（何豐林舊部），由松江退青浦。第七旅守三十四號橋，後路隔絕，亦潰走，繞道至申。各軍沿途劫掠，陸續聚于徐家匯。

者五千餘人，附屬于張允明。孫傳芳以第四旅長謝鴻勛爲第四師長，招集殘卒改編。然陳師旅長方先聰范輝魁均不願屬孫；謝之所得，僅二三千人而已。

齊燮元之反抗

自十一月二十日，段祺瑞入京，蘇省將領，惴惴不自安。齊燮元乃首先取消獨立，聲言擁段，然張允明于二十四日就淞滬護軍使職，益驕縱。齊患之，乃調第六師之二十一，二十三，二十四團赴上海，助宮邦鐸。幸宮邦鐸不欲開釁，得曹和安。十二月十一日，段祺瑞免齊燮元職，以省長韓國鈞兼任江蘇軍務督辦，盧永祥爲蘇皖宣撫使。齊大憤，欲反抗，然其部下多不欲戰，勸齊去職，以保全其實力。齊乃委宮邦鐸爲第六師師長，魏朝彥爲十九師長，于十二日通電下野，十五日移交。同時蘇軍將領，全體通電服從韓國鈞，並阻盧帶兵南下。蓋謂齊去，盧或不來，卽來亦或不帶兵。陳調元通北最早，亦勸盧僅調其十師舊部爲

衛，不必攜奉軍，以安蘇人之心。齊燮元則留南京以觀事變。及張宗昌率奉軍五旅陸續南下，爲慮先驅，蘇將人人自危，謀擁齊與抗。齊乃調吳恒瓚之第二師，宮邦鐸之十九師，及在上海之第六師，集中南京。旋第六師之十一旅赴甯，而宮邦鐸托病請假，白寶山馬玉仁皆袖手觀望，陳調元則公然反對，于十二月二十二日赴濟南與張宗昌會。二十四日，在蘇之第二師第三旅營長彭啓鵬聯在蘇兵目，逐旅長陳孝思，囚團長趙光戴鄭運生，舉砲兵營營長秦洸爲臨時總指揮，據蘇獨立。秦遂自稱蘇常鎮守使，派兵至無錫繇餉，滬甯交通隔絕。同時陳調元自北回徐州，諭其部勿阻。二十六日，奉軍過徐，直驅浦口。齊知大勢已去，乃于二十七日與吳恒瓚等乘輪赴中。二十八日，奉軍第三旅褚玉璞抵浦口，二十九日，張宗昌抵徐州。駐宿遷之第十師，亦自宿遷赴甯，爲慮永祥衛隊。韓國鈞乃調二師赴江陰，補充旅王健飛赴鎮江，六師之十一旅赴上海，令馬玉仁駐兵揚州，張仁

奎駐兵鎮江，以監視之。並擴充省防警備團爲省防第一旅，以張立中爲旅長，任杜文沐爲警備第一團團長，張鎮爲警備第二團團長，設水陸警備司令，任冷遙統領以上各軍。一月五日，張宗昌抵浦口，十日，盧永祥入南京。蘇人方私幸可以無事，至十四年一月十一日，乃有上海之變。

方齊燮元之出走也，吳恒璣王健飛王凱慶等均主戰，徒以蘇軍驟變，四師北降，奉軍南下，不及布防。及至申，乃謀逐宮邦鐸，聯孫傳芳以拒奉軍。以張允明反覆，決先攻之。孫亦惡張，懼其爲奉軍先驅，乃與齊合作。一月九日，第六師及第十九師軍官迫宮邦鐸辭職，推齊燮元爲蘇浙聯軍第一路司令，孫傳芳爲第二路司令，調江灣之第六師第十二旅回龍華。同時孫軍第二師第四旅及駐高昌廟閔行之浙軍，進兵攻張允明。十一日晨，張允明逃入租界，齊燮元入龍華。張部逃入租界繳械于法工部局者五千人。鄂軍第五旅，則多降孫傳芳，孫編爲第二混

成旅，以王金鈺爲旅長，第四師之殘部向依張允明者，亦相率入租界繳械（後與張部同運青島）。上海遂爲孫齊所有。

一月十一日。在蘇之六團攻五團，謀逐秦洸，以無砲敗退唯亭。次日，十九師至唯亭，蘇紳訓停，命秦洸去蘇，彭啓鵬亦潛逃，五團降齊軍。于是自上海至高資均爲齊軍所有。齊乃以吳恒璜爲前敵總司令，王健飛爲總指揮，以第二師，補充旅，及六師之十一旅，扼守高資下蜀，並運六師之十二旅及十九師爲援。一月十六日，奉軍自南京向龍潭攻齊，別以方振武率別動隊俄軍自溧水趨丹陽，斷齊軍後路。十七日，奉軍入鎮江，十八日，入丹陽，齊軍敗退無錫。十九日，奉軍抵常州。是日孫軍第三旅及第十旅第一團赴無錫援齊，然齊軍已無鬪志，日以焚掠爲事。盧香亭乃于二十二日率師去錫，回嘉興，蓋知齊軍之必敗，且奉軍褚玉璞旅及第二軍之蔡平本旅，已由常州趨宜興，孫懼爲所乘，故回軍防湖州長

興也。

一月二十四日，奉軍與齊軍戰于無錫西之皋橋，齊軍敗退。二十五日，奉軍分三路進攻，齊軍大潰，齊燮元逃上海，不復成軍。二十六日，奉軍入無錫。計各軍在錫大掠六日，雖因縣城有保衛團，閉城防守不能入，而城外商場工廠，損失以千萬計；受害之慘，不亞于第一次戰爭之嘉定青浦太倉云。

當齊軍之與奉軍相持于無錫也，齊軍第二師陳孝思旅據江陰。二十三日，奉軍三十二旅畢應澄攻之。俄軍數百人先佔砲臺，陳旅入城堅守，卒以援絕，且兵士縱掠，乃降奉軍，繳械改編。二十九日，畢應澄入江陰，而奉軍前鋒已于二十八日至上海，與孫傳芳部相持于滬南。李吳光新抵申，力主停戰，旋與孫軍代表王金鈺約浙軍退松江，奉軍退崑山，移交兵工廠于上海商會保衛團，上海不駐兵。二月三日，孫傳芳來申，和約告成。孫軍第三旅五團，自上海赴松江，戰事

告終。

(五) 戰後蘇浙之駐軍

(甲) 奉軍

張宗昌入蘇，共計有兵五旅，二梯團。攻無錫時，分三十二旅攻江陰，第三旅赴宜興。既克無錫，留三十一旅守蘇，三十二旅守錫，二十八與二十九旅及兩梯團則隨張至上海。旋收編潰兵，及何豐林舊部之在閩北保衛團者，爲補充旅，以姚壽爲旅長。留守鎮江之澄鎮要塞司令婁青雲，招募掩護隊三營，駐鎮江。其收繳齊燮元部槍械，合計不下二萬餘，故張部所屬達六萬餘人。二月十四日，由上海退兵。二十九旅改駐崑山，二十八旅駐蘇州，三十一旅駐常州，總司令部亦設于常。補充旅則改名爲清鄉軍，仍駐上海附近。三月，張宗昌被任爲四省剿匪司令，移駐徐州，四月，調督山東。張部之在蘇者乃陸續由蘇北上，僅留三十一

旅于常州鎮江。

當齊燮元反抗時，張宗昌部已入蘇境。張作霖乃復命盧台之三十五旅蔡平本部，及駐馬廠之直隸第一混成旅邢上廉部，陸續南下，爲張宗昌後援。其後蔡旅赴宜興，與第三旅同守浙邊；邢旅則駐徐州南京間。未幾蔡旅改編爲第八師，移駐南京。四月，姜登選被任爲四省剿匪司令，駐徐州。蔡師，邢旅，三十一旅，與徐海鎮守使孫鉢傳部，統撥屬姜。六月，邢旅進駐上海，九月，改編爲二十師。同時楊宇霆被任爲蘇督，代盧永祥，江南之奉軍二師一旅，遂屬于楊。

(乙) 盧永祥舊部

盧永祥之第十師，原爲齊燮元移駐宿遷。及盧南下，第十師由宿遷赴徐州入南京，爲盧衛隊。盧又派尹同愈爲江北清鄉督辦，統率戚致平楊化昭舊部之兩混成旅。

(丙) 省防軍

當齊燮元去南京時，省城頗恐慌。韓國鈞乃以冷遜爲蘇省水陸警備司令，合省防團與第二師之一部，爲省防第一旅，以張立中爲旅長；與在常州之警備一團，在徐州之警備二團，及王桂林所部之保安團，統歸冷節制，共計約一萬人。

(丁) 蘇省原有之陸軍

蘇省原有之軍隊，第六師，第十九師，江蘇第二師，補充旅，砲兵旅，均以助齊反抗敗潰。楊春普宮邦鐸雖曾受盧永祥命及上海商會之托，收編第十九師及第六師之殘部，旋以軍械爲張宗昌所收，遂相繼辭職。段祺瑞復有撤廢六師，十九師，及蘇軍第二師之命令，故惟白寶山之第一師，馬玉仁之第三師，陳調元之第四師，及張仁奎之第七十六旅尙存。當盧永祥南下時，陳調元率四師先入南京，爲盧先驅。戰事既開，被任爲軍務幫辦，其所部遂駐南京。白寶山被任爲海

州護軍使，馬玉仁被任爲淮揚護軍使；均仍駐江北。而第三師之第六旅，于開戰時移駐揚州，遂留揚不去。張仁奎之第七十六旅，原有一團在江陰，一團在鎮江，開戰時均調回通屬。要之，最後戰爭，淮海揚通軍隊，全未加入，故江北各縣，幸免兵禍焉。

楊宇霆督蘇時，蘇省軍隊如左：

軍	隊長	官防地	備	考
徐海鎮守使	孫鉢傳	徐州	三團步兵。	
東北陸軍第八師	丁喜春	南京，溧水	蔡平本死，丁代爲師長。	
第二十五旅	錢忠山	南京		
第三十五旅	田德勝	南京，溧水		

東北陸軍第二十師	邢士廉	上海	一團在徐州。
東北陸軍三十一旅	朱棟臣	鎮江，常州	原王棟，王以爭運鴉片，任申與他博閱，為張宗昌所撤

以上奉軍約共三萬人。

第十師師長	鄭俊彥	南京	由宿遷移駐。
第十九旅	李彥清		
第二十旅	楊杏林		
江北清鄉督辦	尹同愈		
暫編第一混成旅	楊廣和	高郵，寶應	
暫編第二混成旅	李啓佑	泗陽	以上二旅，臧致平楊化昭部改編，合計五千餘人。

以上共計約一萬五千人。

軍	隊	長官	防地	備	考
江蘇第一師兼海州護軍使		白寶山	海州		
第一旅		王馨蘭			
第二旅		鄭紹虔			
江蘇第三師兼淮揚護軍使		馬玉仁	清江		
第五旅		袁得才	清江		
第六旅		劉漢民	揚州		
江蘇第四師兼軍務幫辦		陳調元	南京		
第七旅		馮獻瑞			

第八旅	
江蘇第七十六混成旅 兼通海鎮守使	劉鳳圖
張仁奎	通州

以上共約三萬餘人。

水陸警備司令	冷 遜	南京
省防第一旅	張立中	南京
警備第一團	杜文泳	常州
警備第二團	張 鎮	徐州
保安隊	王桂林	鎮江
淮北緝私統領	傅心田	

淮南緝私統領	方更生		
淮揚水師游擊統領	馬玉懷		

以上共約一萬五千人。

以上合計，蘇省駐軍共九萬餘人。

(戊) 孫傳芳部

孫傳芳自擊敗陳樂山張允明後，銳意擴充軍備。首以中央第二師第四旅旅長謝鴻勛爲第四師，招集陳樂山之殘部，旋改爲護路隊，駐松江。繼收張允明部爲暫編第二混成旅，以王金鈺爲旅長，旋改任楊鎮東，駐寬橋。蘇浙和約成，孫乃調駐浦東之第六混成旅劉永勝駐金山，至則圍攻而繳其械，於是改浙江第一師爲第一師，浙江第二師爲第三師，與中央第二師並稱，另招新兵補充訓練。調閩北

之二十四混成旅張俊峰駐衢州。改暫編第一混成旅爲第六混成旅，第二混成旅爲第七混成旅。揚鎮東旅爲第八混成旅。旋復收贛將張慶昶降，初令駐閩北，九月，移駐江山。是月浙江駐軍，略如下表：

軍	隊	長官	防地	備考
第一師		陳儀	杭州	
第一旅		石鐸	紹興	
第二旅		徐震方	五夫	
第三師		周鳳岐	杭州	
第五旅		汪鎬基	長興	
第六旅		盛開第	湖州	

第二師	盧香亭	杭州	
第三旅	王森	嘉善	
第四旅	李俊義	寬橋	
護路隊	謝鴻勛	松江	陳樂山部改編。初稱第四師。
第十混成旅	孟昭月	甯波	兼甯台鎮守使。
第二十四混成旅	張俊峰	衢州	原閩北鎮守使。
第六混成旅	彭德銓	平湖	
第七混成旅	楊鎮東	寬橋	張允明五旅十團及一師二團合編。
第八混成旅	顏晉宗	杭州	
第四混成旅(閩軍)	張慶昶	江山	原屬蔡成勳。蔡收走閩，降孫，原駐閩北。

督署衛隊團	李寶章	杭州
憲兵營	汪其昌	杭州
保安隊第一隊統帶	吳殿揚	
第二隊統帶	劉丙樞	
浙江緝 統領	王茂桐	

以上浙軍共計約五萬餘人。

計十年九月，江浙兩省駐軍不下十五萬人；較之十三年八月，約增四萬。戰事愈勤，則兵愈多，江浙之現狀，亦即全國之現狀也。

第六章 湖北安徽江西

(一) 湖北

武昌爲全國中樞，自古爲軍事所必爭，故前清張文襄在鄂首練新軍。其後陸軍部成立，鄂軍改編爲第八鎮與第二十一混成協，養兵較各省爲多。辛亥革命，首事于武昌。民軍據漢口與北軍抗，倉卒成軍者八師二旅。民國元年四月，併爲五師，二年二月，併爲三師兩旅，三年二月，併爲一師一旅，是年十二月，復裁施宜警備隊之一旅；于是舊日鄂軍僅餘石星川之湖北第一師。時王占元督鄂，北軍之駐鄂者計一師三旅，外有黎天才之第九師（革命時由江南援鄂），兵尙不可謂多也。五年，洪憲事起，用兵于川湘，湖北兵乃漸增。至六年，駐鄂北軍：有王金鏡之第二師，王懋賞之第十八師（湖北第六混成旅及混成第二團合編），劉 龍之中央第二混成旅，孫傳芳之中央第二十一混成旅，盧金山之湖北第三混成旅，及上游總司令吳光新屬之十三混成旅李炳之；合黎天才石星川部，計不下

六萬。其時全國新軍不過六十餘萬，故湖北兵額占全國十分之一。六年十二月，護法事起，石星川爲湘鄂滇黔靖國軍所迫，在荊州獨立。襄陽鎮守使黎天才以第九師響應之，自稱湖北靖國軍總司令。時第二師師長王金鏡與湘桂聯軍相持于岳州，武漢危急。北京政府命曹錕率第三師援鄂，吳光新亦自重慶回攻石星川。七年一月，北軍克荊襄，石星川黎天才潰走。石之殘部改編爲湖北第四混成旅，以劉佐龍爲旅長；黎天才之第九師改編爲中央七十八混成旅，以張聯陞趙榮華爲旅長。時王金鏡自岳州退臨湘，北京政府以王占元代爲第二師師長，命張敬堯攻岳州，曹錕率直軍宣撫兩湖。三月，北軍入湘。直至九年春，吳佩孚自湘撤防，湖南無戰事，湖北得苟安，然第八師王汝勤率軍入鄂，省軍亦增有第一第二第五三混成旅；中央財政日窘，餉不以時發；識者早知鄂省之多事矣。

九年夏，直皖軍戰于近畿。王占元捕吳光新于漢口，湖北得無事。然九年九

月，暫編第一旅變于武穴，十一月，十三混成旅變于宜昌，十年二月，第八師變于沙市，六月，二十一旅變于宜昌，第二師變于武昌，第三旅變于富池；王占元無復統御力。七月，趙恒惕派蔣作賓夏斗寅等攻鄂，八月，佔蒲圻通城。王占元辭職，北京政府以吳佩孚爲兩湖巡閱使，蕭耀南爲湖北督軍，孫傳芳爲長江上游總司令，率第三師第二十四師第二十五師與靳雲鶚之第八混成旅攻湘軍。八月，北軍佔岳州，九月，與湘軍和。時川軍攻宜昌，吳佩孚往援，川軍敗退。其後孫傳芳與川軍和，鄂省自是無軍事。

十一年，奉直戰爭，張福來率二十四師去鄂。十二年一月，孫傳芳率第二師入閩。然十一年八月，楊森自重慶敗退鄂邊，降吳佩孚，改編爲國軍第十六師，供以餉械。十二年初，湖北省軍大舉援川；駐鄂西之第十八師，第十八混成旅，第二十一混成旅，湖北第三混成旅，第五混成旅，均加入戰爭（另詳四川篇）。十

三年秋，江浙戰事起，第四混成旅劉佐龍及第五混成旅張允明奉調援蘇。事後劉旅回駐武穴；張至申被任爲淞滬護軍使，旋爲孫傳芳齊燮元擊潰（另詳江浙篇）。奉直開戰，湖北第二混成旅寇英傑（旋改爲湖北第一師），第一混成旅孫建業，及駐岳州之二十五師，均陸續開赴豫邊。十二月，吳佩孚回河南，與胡景翼部戰于彰德。蕭迫于環境，命寇英傑等退駐武勝關，與孫旅同守鄂邊，二十五師則調守武昌蒲通，另以馬濟部守岳州。駐常德之第二混成旅胡念先部，及在川東之十八師，十八旅，湖北第三旅，第二十一旅，亦陸續回鄂。十四年春，陸續改編湖北第四混成旅爲湖北第二師，劉佐龍爲師長；中央十七混成旅爲中央暫編第五師，張聯陞爲師長；合併中央第二混成旅第二十一混成旅爲中央暫編第七師，王邵慶爲師長。陳嘉謨之二十五師原有補充二團，亦擴充爲二萬餘人。然除二十五師之外，特種兵均不足，砲幾缺乏，所擴充者實僅步兵而已。

此外尚有二事足記者，卽王汝勤被逐，及夏斗寅之回鄂是也。王初爲長江上游總司令，兼第八師師長。十三年，四川有戰事，宜昌開烟禁，王設濟川公司，專收烟稅，所得甚豐，而其部反苦飢，將校多不平。十四年一月，王撤其十六旅旅長劉玉春任，三十二團團長張輔臣遂通電攻王。王乃諉過于參謀長范士鴻及參軍門鎮欽，免其職以謝所部，並令十六旅旅長劉玉春回原任，事乃和緩。四月，王免其騎兵團長孫某職，十六旅將士復聯合驅王。上游各師旅長多不直王所爲，王不得已乃辭八師師長職。段執政派張樹元孫樹林至鄂查辦，均爲八師所拒。五月，段改任十八師師長盧金山爲長江上游總司令，六月，任十五旅旅長劉建章爲第八師師長，蕭復委劉玉春爲十五旅旅長，張輔臣爲十六旅旅長，蓋王與段接近，屢有謀督鄂之說，故蕭亦利其去也。

夏斗寅者，石星川湖北第一師之營長也。民國七年，石星川獨立，夏實爲主

動。十年，在湘成軍，攻王占元，卒爲吳佩孚所敗，寄居湘省。十四年春，由方
本仁函蕭耀南准其回鄂；五月，經省議會議決照准。蓋夏爲黃岡人，與方
蕭同縣，蕭方擴充鄂軍以圖自存，故有此舉。夏原駐長沙，稱鄂軍混成旅。至是改稱
湖北第二混成旅，行將移駐湖云。

江浙戰事以前湖北軍隊略如下表：

軍	隊長官	防地	備	考
中央第八師	劉建章	宜昌		
第十五旅	劉玉春	宜昌		
第十六旅	張輔臣	秭歸		
中央第十八師	盧金山	宜昌	兼 <u>長江</u> 上游總司令。	

第三十五旅	楊蔭榮	宜昌	
第三十六旅	劉宗儀	沙市	
中央第二十五師	陳嘉謨	武昌	兼蒲通鎮守使。廿五師實有二萬人。
第四十九旅	陳德麟	左旗	
第五十旅	余蔭森	蒲圻	
中央暫編第五師	張聯陞	襄陽	兼襄助鎮守使。
第九旅	王宗荃	老河口	
第十旅	劉文瑞	助縣	
中央暫編第七師	王都慶	沙市	原廿一旅旅長。
第十三旅	劉占標	公安，石首	

第十四旅	閻得勝	荊州，沙洋	
湖北第一師	寇英傑	孝感	原爲第二混成旅旅長。
第一旅	賀國光	桃仙鎮	
第二旅	賈萬興	廣水	
湖北第二師	劉佐龍	漢口，查家墩	原第四混成旅旅長。
第三旅	王桂榮	黃州	
第四旅	陳堯鑑	漢口	
中央第十八混成旅	于學忠	施南	
湖北第一混成旅	孫建業	德安	
湖北第二混成旅	夏斗寅	長沙	

湖北第三混成旅	宋大霈	巴東	兼荊宜鎮守使。
武昌警衛司令	陸灑	武昌	曹士英之補充旅改編。

以上共約八萬人。

(二) 安徽

民國初季，倪嗣冲爲安徽都督，皖省軍隊僅有安武軍八路，軍費撥負，較他省爲輕。至五年四月，張勳被任爲督軍，移定武軍入皖，安徽兵始多，歲入漸不足供軍用。復辟失敗，倪嗣冲繼張爲督軍，張文生鎮皖北，張勳舊部改稱新安武軍，駐蚌埠。九年七月，倪嗣冲去職，張文生繼任。計兩次移督，均與中央政局相轉移，而實未裁一兵。時舊安武軍八路，已改組爲五混成旅，新安武軍則仍用舊式營制。張文生雖擁督軍虛號，而政權旁落，不能統御。十二年三月，第一混

成旅旅長馬聯甲得齊燮元援，代張文生爲督軍。新安武軍四十營，始全數被裁，歲節餉數百萬，安徽財政稍稍舒矣。而馬爲蘇人，資格與其他諸旅長等，皖將頗不服。其參謀長直隸人田錦章，乃齊燮元所薦，頗用事。旋又添招補充旅，以田爲旅長。安武軍舊將領益怨望。時五旅長中惟第五旅長史俊玉爲他省人，與馬聯甲交歡；第一旅旅長倪朝榮乃馬之舊部，第三旅旅長王普與齊燮元同學，均守中立；第二旅旅長李傳業，第四旅旅長高世讀，則皆與馬不相能；李自恃資格出諸將上，尤跋扈。馬聯甲支配軍餉又不能公開。十三年六月，李傳業以索餉事，與馬衝突，馬乃免李皖北鎮守使及第二混成旅旅長職，以史俊玉代爲鎮守使，自兼旅長。旋又改補充旅爲中央第二十九旅，仍以田錦章爲旅長。皖系諸將，懼于齊燮元之威，不敢發動，然惡感自此益深。十三年秋，江浙戰事起，安徽存儲之軍火，悉運蘇助齊，第三第五及第四旅，均加入戰爭。十月，馮玉祥率師入京，馬

聯甲奉齊燮元命，召諸旅長于蕪湖會議，擬出兵援吳。時倪朝榮高世誥等意存觀望，不欲開釁，惟田錦章主張出師，乃以田旅北上。田未行而有十一月五日蚌埠獨立之事。

時第一旅駐蚌埠及津浦路沿綫；第二旅第一團鹿懷忠駐六安，第二團王尙林駐合肥；第三旅第一團吳大鶴駐蕪湖，第二團張洪德駐當塗；第四旅第一團李榮標駐阜陽，第二團李錫麟駐蚌埠；第五旅第一團賈永清在江蘇，第二團華潯章駐蚌埠；二十九旅第一團舒龍甲駐蚌埠，第二團陳嘉猷新率第一營由蕪湖赴蚌埠，第二營李維敬第三營蔣三洪駐安慶；故重兵悉在皖北。十一月初，憲兵司令程文沅，旅長高世誥倪朝榮等，受倪道烜使命，聯絡在皖北諸團長，于是月五日，通電獨立，並拆毀津浦路，阻陳調元兵北上。馬聯甲聞變，派人求援于王普，調在蘇之賈永清團回省，而王之態度頗首鼠，駐安慶之補充旅李蔣兩營及衛隊營張

會元部，均不用命。賈永清圍新自戰綫回，兵無鬪志。前第二旅旅長李傳業崛起壽州，自稱國民軍，鳳台縣之岳相如廖子英，舒城之劉文明，壽州六安之孫品驄石野琴，合肥之周芷香等，紛紛以國民軍名義號召土匪，起事響應。田錦章聞風逃匿，馬聯甲乃于十六日去安慶，先期電王普，交以皖省軍政。王于十七日抵安慶，以總司令名義任事。在蚌埠各軍，雖不直王，然亦不敢開釁，皖亂得少緩焉。

蚌埠諸將原擬擁戴倪道煊爲省長，段政府不可。十一月，任以王揖唐爲省長兼督辦安徽軍務。諸將初謀反抗，繼以無援，變計迎王。十二月八日，王揖唐抵蚌埠任事。十四年一月七日，免史俊玉職，以高世讀爲皖北鎮守使，蔣鑄章爲第五混成旅旅長，李傳業爲第二混成旅旅長，兼蘇皖魯豫四省剿匪副司令；各縣之國民軍皆被解散，皖事稍稍定矣。然王銳意統一財政，主張裁兵，爲諸將所忌。

常倪嗣沖督皖時，五旅兵額僅八成，外憲兵一連，每月需費二十一萬五千。及馬聯甲繼任，添設補充旅，軍費始增。驅馬以後，各旅招足十成，第五旅增補充一營，又三獨立連，憲兵司令程文沅亦擴充三大隊；不連國民軍，月需餉已四十五萬餘元。王揖唐既解散國民軍，提議恢復八成原制，並裁第五旅之補充營連及憲兵之大隊，兵餉以每月二十一萬五千爲率，而王無兵柄，計畫未得實行。十四年二月，王入都訴于段祺瑞，段乃免李傅業職，以唐啓蔭爲淮泗道尹接收第二旅，移倪道煊斂殺人案于京以困倪。時李倪均在京，故皖將不敢公然反抗。四月二日，華鑄章程文沅電段，請廢督軍，藉以阻王回任。王乃先赴寧，求援于盧永祥，盧不之助。段不得已調鄭士琦爲皖督，以王揖唐專任省長。鄭未之任，而所調之山東第七混成旅先爲張宗昌所繳械，鄭王遂相繼辭職。時姜登選以四省剿匪司令駐徐州，識者均知奉天欲以姜繼鄭；然段祺瑞憤張宗昌之所爲，堅持不可。

六月十八日，任吳炳湘為安徽省長，兼任督辦。倪道煊揣奉天意旨，于七月十一日在蚌埠自稱皖軍總司令以拒吳。然奉天不欲為己甚，反以第六師劉偉旅駐蚌埠助吳之任。吳乃于七月二十日就職，倪道煊出走。吳于是廢補充旅，以第一團屬第一旅，第二團屬第三旅，陸馬祥斌為第二旅長駐蚌埠。部署始定而段政府任姜登選為軍務督辦，皖將益不自安，紛紛派人說浙江湖北攻奉。故江浙之戰，安徽問題實亦一導火線也。

姜登選就任時，皖軍情狀略如下表：

軍	隊長	官防	地備	考
第一混成旅	倪朝榮	泗縣	泗	原駐蚌埠，吳炳湘調之駐泗。
第一團		泗縣		

第二團	張子俊	宿縣	
補充旅一團	吳大鶴	蚌埠	原三旅一團團長。
第二混成旅	馬祥斌	蚌埠	補充旅一團團長陞任。
第一團	張敬芝	蚌埠	
第二團	何振揚	蚌埠	馬旋改任秦慶麟爲團長。
第三混成旅	王普	蕪湖	皖南鎮守使。
第一團	楊恩熙	安慶	
第二團	徐嶽雲	蕪湖，常 塗，大通	
第三團	富占魁	安慶，蕪 湖	原補充旅第二團。
憲兵司令	謝邦慶	蚌埠	

以上共約一萬八千人。

(三) 江西

民國二年，李純率第六師督贛，江西始有北軍。時贛軍殘軍尚有步兵三旅一團，皆不設旅部，第七團亦無團長。是年冬，增募第六混成旅第五補充旅兩旅。三年八月，改第六混成旅爲中央第九混成旅，裁江西步兵第三旅及第七團，併第三第四團爲第三團，改第二團爲第四團，合爲步兵第二旅，歸贛南鎮守使指揮，旋另以直豫新兵補充第三團，原有之第一團則附屬于贛西鎮守使，于是江西遂無土著之兵。三年，第六師一旅赴潼關剿匪，以第五補充旅編入第六師。四年十一月，添募第三混成旅一旅，以黃振魁爲旅長，五年五月，復增省防步軍四團。六年八月，移李純督蘇，以十二師師長陳光遠爲江西督軍，其弟陳光遠爲第三混成旅旅長。七年，段祺瑞攻湘，張懷芝爲二軍司令，由贛入湘東，贛南鎮守使

吳鴻昌攻南雄，江西始用兵。其後江西雖無戰事，而張宗昌實駐贛西。九年夏，張敬堯自長沙出走，第七師之十三旅逃入贛境，爲陳光遠解散。十年二月，陳因張宗昌就地籌餉，擊散其衆，江西得稍安，然各軍已欠餉兩月。十一年春，孫文倡言北伐，江西戒嚴。五月，許崇智梁鴻楷佔龍南虔南，旋入信豐南康；李烈鈞佔大庾，黃大偉佔崇義，江西大震。北京政府乃以蔡成勳援贛，率國軍第一師，綏遠第一混成旅，河南暫編第一師常德盛，及桂將沈鴻英入江西。六月，陳光遠辭職去，蔡代爲督軍，周蔭人爲十二師師長，張林爲第三混成旅旅長，代陳光遠，方本仁爲贛西鎮守使，代張之傑，出兵贛南。七月，孫文爲陳炯明部將所迫，逃入永豐艦。入贛之粵軍回援，於是贛軍相繼克泰和萬安遂川。八月，克贛州南康。旋孫軍敗於粵邊，竄入福建，沈鴻英入湘，江西大定。

十一年十月，粵軍入福州，李厚基逃。北京政府初以常德盛援閩，入延平

旋敗退贛邊；乃改任孫傳芳周蔭人攻福建；以方本仁爲贛南鎮守使，兼援粵總司令，率第三師，第九混成旅，及山東第一混成旅，河南暫編第一師守粵邊。十二年間，方凡三次圖粵，均敗退；高鳳桂樊鍾秀相繼降孫文，事詳廣東篇。

十三年二月，贛西鎮守使蕭安國病故，以贛東鎮守使岳兆麟移鎮贛西，而以第一師第一旅旅長楊以來代岳。時綏遠第一旅王麟慶已改編爲中央第二十三混成旅，蔡成勳復增編江西第三混成旅，以張慶昶爲旅長，補充第一第二團，以王成錦劉長瀛爲團長，分駐省城贛東。方本仁亦增編蔣鎮臣爲江西第一混成旅旅長，濱將楊池生楊如軒爲滇軍第一第二師師長。此外尙有步兵第二團胡恩煜吳金彪，駐九江，江西步兵第二混成旅李鴻程，廖岳兆麟。計全省一督軍，四鎮守使，四師，七混成旅，三團，一憲兵營，養兵五萬餘，歲費餉七百萬。蔡責方以無功，方責蔡以扣餉，識者早憂江西之多事矣。

十三年秋，江浙戰事起，蔡成勳以楊以來王麟慶張慶部，由玉山助孫傳芳攻衢州，事畢仍回駐贛東。十月，孫文軍復北伐：樊鍾秀由安仁入贛。北京政府以方本仁爲粵贛邊防督辦，從蔡成勳請，以第一師第二旅旅長馮紹閱爲贛南鎮守使。方部旅長之希冀繼方者，頗怨馮，嗾方不交代，馮遂駐軍吉安。十月六日，樊鍾秀佔遂川，旋入蓮花萬安泰和，後爲馮紹閱王麟慶所敗。二十八日，樊軍反攻，復入遂川，以孤軍深入，爲馮軍所乘，由蓮花南走遂平江，渡江入河南。

當馮紹閱之攻樊鍾秀也，方本仁按兵不之助。蔡成勳疑方有異志，調楊以來部入省，並令馮紹閱進攻萬安泰和。十一月初，吳佩孚去天津，直軍大潰。方本仁無復顧忌，乃於二十二日，聯合贛南諸將，通電許：蔡以雷長祿守大庾；常德盛楊池生分守贛州信豐；楊如軒守三南；自率鄧如琢唐福山蔣鎮臣等攻蔡軍，敗馮紹閱王麟慶及補充團一團，於二十七日入吉安。江西第三混成旅張慶部亦敗。

於吉水，馮紹閱等退守峽江。蔡派楊以來率第一師及補充二團進兵樟樹灣。十二月三日，方軍克峽江，四日，入樟樹，南昌大震。時督辦軍務贛北鎮守使吳金彪，贛西鎮守使岳兆麟，均不助蔡。六日，蔡走九江，方軍長驅入南昌，俘楊以來。馮紹閱走湖口，張慶昶走安仁。十四日，北京政府任方本仁督辦江西軍務。方以鄧如琢爲中央第一師師長兼省城警備司令，唐福山爲江西第一師師長，蔣鎮臣爲第二師師長，李鴻程爲第九混成旅旅長，贛北大定。

當方本仁之謀攻蔡成勳也，慮北伐軍襲雲後路，乃通好於譚延闓，相約互助，及入南昌，不復欲湘軍入贛。十二月四日，譚延闓命湘滇贛聯軍攻贛：七日，魯滌平入大庾，朱培德入新城，八日，湘軍佔南康，九日，入贛州，十六日，抵吉安；楊池生走南昌，常德盛雷長祿退零都，且通電孫文。十二月二十五日，方本仁出師攻湘軍：以鄧如琢爲右翼，楊池生爲左翼，唐福山任中路，李

鴻程自蓮花向安福爲支隊，蔣鎮臣爲後援；與湘軍戰於三曲灘。二十六日，湘軍大潰，失槍五千餘枝，紛紛退湘東。鄧如琢入吉安，贛南復定。

一月九日，蔡成勳舊部張慶昶自進賢攻南昌，蔡旅長楊以參先期自南昌逃贛東，留守吳金彪令岳恩寅圍禦之。十一日，方本仁回省，並調樟樹諸將赴援。張慶昶遂東走萬年，復爲蔣鎮臣馮紹閔所攻，由曉之婺源入閩，降孫傳芳。

當方本仁譚延闓之相持於贛南也，常德盛率所部移駐贛東，謀窺南昌。適林虎部自閩邊來援方，常復降北軍，率軍佔南城南豐黎川廣昌資溪。然贛軍賴世璜已得方本仁命駐南城，與常部衝突。後經人調解，賴部改駐石城瑞金。常旋攻寧都，爲賴所敗。十四年三月初，常部旅長常錫侯常錫榮等與廣州海軍警備司令參謀長許斯馨勾結謀變。第一旅參謀長齊審鋒及團長尤效先茲立元等詣省告密。方乃命尤效先等及常之補充團曹國芳等與駐金谿之岳恩寅團合攻南城，同時令楊如

軒爲總指揮，會合賴世璜蔣鎮臣部包圍。三月二十一日，常走黎川，二十七日，楊如軒入黎川。常之殘部三千餘人由金沙走皖省婺源，後爲皖南鎮守使王普繳械遣散，贛省始無敵軍。

當江浙戰爭時，江西軍隊略如下表：

軍	隊長	官防地	備考
中央第一師	鄧如琢	九江	兼贛北鎮守使，中央第九混成旅改編，約八千人。
第一旅	劉寶題		另有一補充旅駐吉安。
第二旅	秦虎宸	九江	
江西第一師	唐福山	贛州，大庾，信豐，零都	原第三混成旅，約七千人
第一旅			

第二旅	王麟慶		原中央二十三混成旅改編。
江西第二師	蔣鎮臣	省城	原江西第二旅，約七千人。
第三旅	朱恩銘	上饒 興	
第四旅			常德盛部，尤曹茲三團改編。
江西第三師	馮紹閔	饒州府屬	蔡成勳之第一師改編，約七千人。
江西第四師	賴世璜	石城，瑞 金	贛軍，自福建移駐，約三千四百人。
中央第九混成旅	張鳳岐		
陸軍第一師	楊池生	贛州	贛南鎮守使，僅一旅，約千五百人。
第一旅	呂維周	南康	
中央暫編第六師	楊如軒	南城，塘 江	原滇軍第二師，約五千人。

贛東鎮守使	吳金彪		
贛西鎮守使	李鴻程		
山東第一混成旅	張克瑤	撫州，金溪，宜黃	約二千餘人。

以上共約四萬六千人。

又林虎部屢入贛駐三南，另詳廣東篇。

第七章 福建

辛亥革命時，福建原有新軍第十鎮，民國元年，改稱第一鎮，九月，又改稱第十四師，其他尚有義勇，巡防，防衛，護衛各營，皆革命時所招募。二年十一月，袁世凱派第四師之第七旅赴閩，新招之兵完全裁撤，並併第十四師為二十七

月，許崇智黃大偉李福林等進兵攻閩，聲言討李厚基。時徐樹錚潛入延平，說王永泉結許崇智攻李，李以兵拒之於水口；黃大偉李福林等遂乘虛入福州，李厚基逃，所部在閩北福州者皆擊散。十月十六日，徐樹錚王永泉許崇智等入福州。

孫傳芳周蔭人之入閩

十月，北京政府任李厚基爲討逆總司令，薩鎮冰爲副司令，高全忠爲福建第二師師長，自廈門反攻，並命常德盛入杉關爲聲援。十一月七日，前十四旅旅長臧致平入廈門，聯合其舊部攻李高，走之，遂據有漳廈。常德盛旋爲許部徐鏡清陸學文及王永泉部劉春台所敗，退守贛邊。時李厚基舊部王獻臣在汀州，張汝清在泉州，北京乃使孫傳芳率所部之第二師，及周蔭人之十二師，自杉關援閩，陳炯明亦派兵入閩爲聲援。十二月，泉漳民軍聯賊致平攻張汝清，入泉州。十二年一月，陳炯明迫於桂滇聯軍，去廣州。孫文令其在閩各軍回粵。北京政府召李厚

混成旅，旋改爲中央第十一混成旅。三年十一月，改第七旅留閩者爲第十混成旅。五年，李厚基督閩，始添募福建第一旅，劉冠雄復率第十師之十九旅赴閩，旋改編爲中央第十四混成旅，故終袁世凱之世，福建僅有兵四旅。

民國七年，民軍起於閩南，陳炯明入漳州，李厚基始大增兵。於是第十混成旅改編爲福建第一師，十四混成旅改編爲福建第二師，張汝清部增編爲福建第一混成旅，並添募陸軍四團；徐樹錚復派王永泉之中央第二十四旅入閩，福建兵始多；然時李厚基扼守泉州，閩南尙未大糜爛也。李力不能驅陳炯明以取漳州，乃轉與結納，李助之回粵，遂桂軍於廣州，福建賴以苟安。

十一年五月，孫文倡北伐；許崇智黃大偉李烈鈞等分佔贛南各州縣，勢甚張。六月，蔡成勳率兵入江西，代陳光遠，而孫陳衝突於廣州，在桂之陳軍回廣州驅孫。七月九日，孫文逃入軍艦，在贛之粵軍無復鬥志，乃相率退閩邊。九

基遠，改任孫傳芳劉冠雄薩鎮冰辦理善後。王永泉勢孤，遂於四月迎孫傳芳入福州，閩北肅清。然賊致平據廈門獨立，孫文任李烈鈞爲閩贛邊防督辦，許崇智殘部何成濬孫本戎據泉漳；莆田南安安溪永春詔安仙游均爲土匪所佔，號稱民軍。北京政府乃任洪兆麟爲汕頭防務督辦，結林虎以牽制孫軍，並任周蔭人爲閩北護軍使，王永泉爲興泉永護軍使，令以延平讓周，促其南下。五月，林虎佔潮安汕頭，許崇智敗退揭陽。七月初，泉漳民軍聯賊致平攻潮汕不克。林虎洪兆麟反攻，李烈鈞部賴世璜蘇世安降於林，黃大偉復叛孫，與林洪合作；粵軍遂佔平和詔安，王永泉軍乘勢南下。七月二十四日，克莆田仙游，三十日，克泉州，何成濬等退走廈門。八月八日，林虎佔漳州，與王永泉王獻臣黃大偉合海軍之楊樹莊楊砥中夾攻廈門，而各軍意見紛歧，號令不一，師久無功。時陳炯明被圍於惠，調洪兆麟林虎等同援，民軍殘部復擾興泉，於是王永泉退泉州，王獻臣退龍岩，

海軍退馬江，廈門圍解。

王永泉之被逐

先是，孫傳芳在福州，迫於王永泉，鬱鬱不得志，隻身北歸，周游於京洛武漢間。至是，爲吳佩孚所促，回福州。建議以王永泉兵攻閩南民軍，然後圖廈。十二年十月，王永泉乘黃大偉赴汕頭之隙，下令攻南安，以高義爲前部。不十日，官橋溪尾洪瀨永春均爲王軍所克。自是王軍大部全駐興泉。

十三年春，孫傳芳部駐閩海道各屬，周蔭人駐延平，王永泉駐興化泉州，王獻臣部駐汀杭，黃大偉部駐漳州同安，賴世璜部駐龍岩，海軍駐沿海數縣。孫乃以王永泉部二十四旅之傅席珍與王獻臣黃大偉賴世璜等所部爲聯軍，以王獻臣爲總指揮，與廈門之臧致平相持於海澄同安。二月中旬，黃大偉部師長張毅逐黃，黃走鼓浪嶼。黃部之葉屏藩圖亦叛黃，走降粵軍劉志遠。北京政府遂任張毅爲福

建第一師師長，兼廈門鎮守使。二月二十七日，孫傳芳赴延平，借王兵一團同行，佯言集兵上游，另有所圖，而以第二師盧香亭旅，第十二師李生春旅留守福州。三月五日，孫周截留王永泉之軍械於延平，並解散其補充團於水口。六日，周蔭人宣布王罪狀，以盧李兩旅攻入福州。王部工兵教導團潰散，礮兵團爲海軍陸戰隊繳械；王乃與其弟永彝狼狽走福清，繼赴泉州，謀聯臧致平反攻；而高義吳威張毅等舉兵攻王，海軍佔涵江，周蔭人軍長驅南下；昔日降王之民軍，相率降周。王乃授其兵於楊化昭，於三月十三日隻身赴滬。於是在福清之一旅與在莆田之三旅降於周（旋爲周解散），在泉州之第四第二旅，隨楊化昭走同安，與二十四混成旅傅席珍合；泉州以北，無復王軍。

守同安者爲張毅王獻臣，楊化昭一擊破之，乘勝入同安；張退集美，王退灌口。三月十六日，臧致平由海澄渡海來攻。二十二日，下漳州。王獻臣退上杭，

賴世璜走南靖，張毅突圍走泉州。何成濬亦隨賊入漳，自稱民軍總指揮。方聲濤張貞復入閩，聯絡民軍，聲勢頗振。而三月二十二日，周蔭人軍至莆田，四月一日入泉州，高義楊漢烈降，陳國輝退詩山，周遂以十二師孔昭同旅，第二師盧香亭旅任中路，高義張毅爲左右翼，同攻同安。四月十五日，楊化昭由同安退守灌口長泰。十七日，楊樹莊率海軍乘虛佔廈門。同時洪兆麟由平和詔安來攻。十八日賊楊乘漳州，討賊軍何成濬蘇世安等走龍岩，爲王獻臣所敗，退走漳平，旋由寧洋入順昌永安，阻於沙縣之郭錦堂，乃改由間道入粵，輾轉達東江。賊楊初退南靖，爲粵軍李雲復所攻，乃突圍赴龍岩，旋分擾武平連城不得逞，卒由汀州入贛。方聲濤孫本戎等招集民軍，赴大田，圖聯在尤溪之盧興邦，乃爲盧所攻，全軍繳械，方孫等走鼓浪嶼，僅以身免。閩南民軍紛紛通款于孫周，閩事大定。十三年五月十四日，北京政府改任孫傳芳爲閩粵邊防督辦，以周蔭人督閩，以酬其

功。八月，孫傳芳入浙，第二師，第十混成旅，及福建第一旅彭德銓部皆隨之行，僅留張俊峰之二十四混成旅守閩北。福建軍政權遂全歸周，然閩南北尚有民軍，閩邊有粵軍，廈門及沿海各縣有海軍，漳州有張毅，汀州龍岩有李鳳翔，爲友爲仇，反復無定，統一正未易言也。茲就各軍隊之派別，略述其經過如左：

民軍

福建之有民軍，始於民國七年。時陳炯明率粵軍入閩，佔有漳州龍岩汀州各屬。於是盧興邦據尤溪，郭錦堂據沙縣，高義陳國輝楊漢烈陳國華吳威葉定國等紛紛起兵泉州南安安溪永春仙游同安等處；號稱民軍，實皆土匪也。時閩人方聲濤張貞宋淵源爭爲民黨首領，有「護憲」「靖國」之分。各招攬匪軍以自重，內部不和，軍無遠志，惟盤據城邑村落，以爭食而已。及陳軍回粵，李厚基進兵泉州，高義降張汝清，方聲濤張貞宋淵源等去閩，所謂民軍，仍分據山中各縣與李

抗。土人熟於地勢，北軍不敢深入，故不能肅清；然匪軍無首領，粵軍又去，遂不能爲大患。

十一年，許崇智黃大偉等入閩，稱東路討賊軍。民軍復紛起；許亦假以名義。張貞宋淵源等復來，宋則往來於德化安溪，張貞則聯絡南安興泉及沿海各縣；舊怨未泯，各不相能。十二年春，許崇智回粵，孫傳芳入福州。盧興邦降薩鎮冰，爲警備第一師師長；郭錦堂降孫，爲福建第一旅旅長；閩西北漸無事。然時孫文任李烈鈞爲閩贛邊防督辦，許崇智殘部何成濬孫本戎與黃大偉分據泉漳，皆借莆田南安安溪永春德化仙游詔安雲霄各路民軍爲聲援，勢甚張。是年七月，林虎洪兆麟攻賊致平，李烈鈞部賴世璜降林，黃大偉叛孫文，與林洪合作，王永泉乃乘勢南下，破何成濬等，駐兵泉州。

台灣人高義者，原爲甘師部屬。甲午中日之戰，甘在台與日本人戰，兵敗與

高同走泉州。日本人索甘急，泉州知府李某捕甘殺之，以謝日人。高遂在安溪爲匪。初名高大扁，後降水師提督洪某，始改名義。辛亥革命，高在泉起事，癸丑復爲匪。七年，粵軍入閩，高降宋淵源。及陳炯明回粵，乃改降李厚基旅長張汝清，駐泉南。十一年秋，張汝清在泉州，與民軍及臧致平戰，高通於臧。張敗後，稱泉南保安司令，改編張殘部。以通北軍嫌疑，爲民軍所攻，隻身逃鼓浪嶼。至是，王永泉招之來泉，任之爲第四旅旅長，命召集舊部成軍爲鄉導，遂克莆田仙游。吳威降王，爲第五旅旅長。然安溪之楊漢烈，永春之陳國輝，詔安之黃庭經，長泰之葉定國，德化之陳國華，及分佔南安永春德化之莊文泉秦望山王振南蘇萬邦尤賜福林懷瑜李金標等，擁戴黃大偉，仍稱民軍。十二年十月，王永泉乘黃大偉赴汕之隙，攻南安，以高義爲前部。高與楊漢烈約，以安溪爲楊防地，使勿助民軍。莊文泉秦望山等敗走同安；林懷瑜尤賜福陳國華葉定國等相率

通款於王。卒以陳國輝善戰，敗高義軍，不能肅清。

十二年三月，孫傳芳周蔭人攻王永泉。高義吳威等舉兵攻王部之在泉州者。

四月一日，周蔭人入泉州，高義楊漢烈吳威均降於周。陳國輝退守詩山。周乃陞高義爲第二師師長，任葉定國爲第七旅旅長，陳國輝爲第八旅旅長，楊漢烈爲第九旅旅長；惟陳不受命，且結合陳春光等攻尤賜福林懷瑜，遂奄有永春南安德化三縣地，以民軍首領自居。八月，周派孔昭同旅赴泉州，任高義爲剿匪總司令，吳威爲副司令，使之剪除民軍。高義原以泉州爲根本，至是頗失據，乃與安溪之楊漢烈，仙游之吳威相結合以自固。時孫文再倡北伐，任方聲濤爲福建建國軍總司令。方乃任吳大洪爲福建建國軍第一師師長，陳國輝爲第二師師長，吳威爲第三師師長，楊漢烈爲第四師師長，葉定國爲第五師師長，楊學良爲第六師師長。宋淵源亦赴安溪，永春說楊漢烈陳國輝等，謀以高義部洪英民爲前驅，攻泉州。楊

學良本楊漢烈部。因楊漢烈持兩端，率兵赴漳平，與何其朗林玉如等聯合，自稱聯防總指揮。未幾與楊漢烈部陳錚曾同宋淵源盧興邦陳國輝葉定國通電驅周。

十一月十三日，孔昭同部全數入泉州，高義部移駐南安。十八日，陳國輝部由洪瀨攻石壠，高義部吳大洪退南安。同日，陳部攻溪尾，爲高義部陳尚祺所敗，退南廳。十九日，高義進攻，戰於糞箕嶺，二十一日，陳敗走千金窰，二十三日，退南安之英都。高入詩山。二十日，吳威尤賜福襲永春，二十二日，入城。同時德化李金標舊部亦叛陳。陳頗窮蹙，乃聯楊學良攻安溪。楊漢烈部林桂清敗退官橋，陳於二十八日入安溪。高義命陳慶雲及吳大洪之砲團援楊漢烈。十月一日，陳國輝攻永春南安，均不利。六日，退守安溪。十日，高義率陳尚祺旅由蓬壺攻安溪，同時吳威吳大洪自溪尾進兵，楊學良先赴漳平，陳國輝退走赤嶺。十二日，高義入安溪，宋淵源逃鼓浪嶼。於是南安永春德化盡爲高義吳威所

佔。

陳國輝既不得志於安永，乃赴漳平，與楊學良合兵攻漳州，約德霄之黃庭經，漳浦之保衛團，長泰之葉定國，同時舉兵。二十七日，楊學良佔天寶城，漳州大震。張毅調石碼駐軍來援，擊退陳楊軍。三十日，陳楊再進攻不克，而葉定國自長泰入同安，態度忽變，後爲周蔭人部四十七團所擊，狼狽回長泰。張毅部張順亦於十八日入漳浦，黃庭經幾被擒。（雖爲保衛團反攻，復敗走，然三月二日，漳浦復爲張毅所佔，遂克平和和雲霄，黃庭經走詔安。）陳國輝楊學良孤立無援，乃退軍洋漳平之邊，漳屬復安。

二月，陳國輝部陳鼎觀王慶忠攻永春，敗吳威尤賜福；賴高義來援，永春未失。十日，王慶忠降吳威部之王榮欽，陳鼎觀降高義，旋爲高繳械遣散。陳國輝退漳平，三月，又來攻永春，王慶忠爲內應，吳威尤賜福等無鬥志，三日，陳入

永春。適高義自詩山來援，陳棄永春不守，退走蓬壺，沿途爲楊漢烈及鄉團所截，狼狽回華封。高義返安溪於楊漢烈，然頗排吳威，據永春不讓。吳之根據本在仙游，自攻陳國輝，已爲省軍所佔。至是，復失永春，乃退居仙游永春之間，因是漸惡高。

高義既克陳國輝，益驕橫，且因孔昭同奪其泉州防地，頗不協於省軍。先是，高部第三旅旅長吳大洪者，原王永泉之工兵團團長，王敗降高。以北人故，與其他士兵不和。一月十日，高部第四旅洪英民襲洪瀨，攻吳大洪，吳退南安。高進兵攻之，以孔昭同頗袒吳，不能克，乃剋之於周蔭人。一月二十九日，周調吳移駐莆田，旋因陳國輝未敗，欲利用高，乃撤吳任，調之赴省。然未幾卽改任之爲第五旅旅長，故高益怨望。四月，孔昭同部四十五團入漳，第三獨立團陸殿臣，及駐惠安之吳大洪旅，均入同安，泉州空虛。高乃派陳清祺汪連明兩團來

泉。十七日，與四十七團蔣啓鳳爭稅衝，遂與孔昭同戰，孔初因兵少，守泉不攻，高於是圍惠安，迫泉城，然土兵不耐戰，圍攻均不利。五月，周蔭人派四十八團劉俊赴泉，孔乃改守爲攻。七日，劉圍佔洪瀨，蔣圍佔溪尾，九日，佔詩山，十九日，歐陽延壽圍佔永春。高部汪連明蔡持降，高敗走安溪，與楊漢烈合。二十二日，陳國輝乘勢來攻，二十五日，陳入安溪，高義楊漢烈逃鼓浪嶼。

當省軍之攻永春也，吳威助省軍。及高義敗，周乃任吳爲永德大防務司令，以酬其功，且欲使其進兵大田攻盧興邦之背，然吳懦弱不足以服衆；在大田之陳國華及在德化之林清龍徐飛龍等，皆不滿於吳。九月十一日，林徐等入德化，吳威尤賜屢反攻不能克。時楊漢烈殘部在漳平，爲張毅所敗，回攻安溪。九月二十日，楊學良陳錚入安溪，陳國輝退英都。十月六日，陳得孔昭同助，攻入安溪，繼復爲楊學良所敗，再退八都。十八日，陳襲入永春，吳威尤賜福敗走。三

十日，省軍歐陽延壽聞自仙游來助吳攻陳，十一月三日，入永春。陳退九都，旋取道詩山，攻安溪，十日，入城，楊學良等退上杭。周委爲安溪永春剿匪總司令兼第八旅旅長。孔昭同派兵一營入安溪監視之，故陳雖再得安溪，且引在德化之林清龍徐飛龍爲助，其勢力非一年前所可比矣。

以上爲閩南之民軍。在閩北閩西者，爲尤溪之盧興邦，沙縣之郭錦堂。郭降省軍爲福建第一旅旅長，與民黨不接近。盧則原一負販小民，自民國五年以來，揭竿尤溪，延政客黨人，爲之設計，聲氣頗通。又自以爲閩軍不肯附北，故降薩鎮冰，爲警備第一師師長。盧欺郭之弱小，欲攻之者屢矣。十三年十月，郭錦堂死，其弟郭鳳鳴代領其衆。盧遂出兵攻郭。時郭旅第一團楊廷英在永安，初無備，爲盧所襲，棄城出走。十月十九日，盧兵入永安。周蔭人命第三師杜起雲旅，二十四混成旅張俊峰部分道援郭，並調十二師四十六團赴水口爲備。兵未至

而沙縣已於二十七日爲盧所佔。郭鳳鳴退保青州。時杜起雲旅來援，郭鳳鳴乃令其第一團楊廷英與駐順昌十師之石營反攻，自率軍繞其背。二十九日，郭復入沙縣。三十日，杜起雲亦下永安。十二月，盧復攻永安，郭旅石營自沙來援，中伏敗走，杜起雲亦退，二十七日，盧復佔永安。時閩南方用兵，北方政局復變，周不欲動衆，乃姑聽之。盧自是益輕省軍。十四年五月，盧派兵劫省軍所運軍械於延平，周蔭人震怒，調十二師四十五團及莆田之董旅赴省，命三十混成旅蘇挺進兵尤溪口，謀大舉剿之。盧懼復求降，允讓永安於郭。時張俊旅奉調赴浙，周兵單，乃收盧之降。七月初，蘇旅退出尤溪口，郭鳳鳴接防永安，盧反乘勢攻郭軍，據永安不去。周知盧之終不聽命也，乃決意出兵。以三十混成旅蘇挺爲西路剿匪司令，自尤溪口進攻；第二旅董勝標爲北路剿匪司令，出永泰，會同二十九混成旅陸殿臣團（原第三獨立團）攻十七都；另以一營由仙游與陳國華吳威攻

大田；以張慶昶旅助郭鳳鳴攻永安；宣布盧興邦罪狀，褫職通緝。旋以永春仙游之士匪洪永春作亂，董旅陸團進兵過緩，改以延平之劉登庸與獨立團陳榮標攻十七都，七月二十九日，克之。二十五日，陳國華入大田，二十六日，張慶昶郭鳳鳴克永安，二十八日，蘇旅馬瑞雲團由雍口攻虎鼻山，盧退九都十二都。馬團由十一都攻尤溪，十二師四十六團李天雲則由虎鼻山攻九都。八月二日，劉登庸克十五都，陸殿臣亦由永泰會師。盧興邦大敗，棄尤溪，走百丈際六都。四日，馬團入尤溪。於是蘇挺以郭鳳鳴爲先鋒，馬團爲中路，李天雲爲左翼，張慶昶爲右翼，攻六都。董勝標同時命陸殿臣劉登庸陳榮標攻十九都。八月，省軍入六都，盧退大雪山。盧之殘部朱俊卿黃金彩等分竄古田屏南，並由永泰襲近省之西鄉。省軍雖剿撫兼施，而匪軍已成流寇，雖屢敗而不能滅也。九月三十日，省軍撤軍，退守尤溪，蓋江浙戰事將起，孫傳芳調閩軍赴浙，故周蔭人改攻爲守。十

月，盧興邦反攻，七日，復佔尤溪。十八日，省軍李寶珩劉登庸復攻尤溪，盧敗走，二十日，省軍入尤溪。未幾，江浙戰事起，蘇艇旅入浙，上游空虛，省軍棄尤溪不守。十一月十八日，盧興邦復回尤溪。

民軍降周蔭人而無叛跡者：

軍	隊長	官防	地備	考
福建第一旅	郭鳳鳴	沙縣		一千餘人。
福建第三旅	尤賜福	永春屬		與吳威近，黃其瀾許振光蘇萬邦等屬之。有衆一千。
福建第四旅	陳國華	德化，大田		德化之林清龍徐飛龍屬之。有衆千餘。
福建第六旅	吳威	永春		近有讓族長于其國長鄭世美說。方聲濤曾委爲建國軍第三師。有衆千餘。
第一獨立團	陳榮標	永泰		盧興邦舊部，共千餘人。
第二獨立團	周兆瑞			

以上共六千餘人。

民軍降周而反覆者：

軍	隊長	官防地	備考
福建第七旅	葉定國	長泰	同時為建國軍第五師，有衆千人。
福建第八旅	陳國輝	安溪附近	同時為建國軍第二師，有衆二千人。

以上共三千餘人。

新與周作戰者：

軍	隊長	官防地	備考
建國第一軍長	高義		原福建第二師，殘部千餘人。
第三旅	張銘	漳平	

第四旅	洪英民	漳平	
建國第二軍長	盧興邦	尤溪	殘部約二千人，原福建警備第一師。
第一旅	盧興明		
第二旅	盧興榮		
建國軍第四師	楊漢烈	漳平，安溪	原為福建第九旅旅長，殘部二千人。
支隊	林桂清		
支隊	陳錚		
支隊	楊學良		同時為建國軍第六師，曾離楊漢烈獨立。
雲霄警備司令	黃庭經	詔安	數百人。

以上共五千餘人。

粵軍

與閩南有重要之關係者，厥爲陳炯明之粵軍。民國七年，洪兆麟等入漳，有汀漳龍三屬地，直至九年，陳回兵逐桂軍，始離閩回粵。十一年秋，許崇智聞，驅李厚基，洪兆麟率李雲復尹驥等復入漳，旋退潮汕。十二年七月，臧致攻潮汕，不克。八月，洪兆麟林虎反攻入漳州。是年冬，東江戰事急，洪林回援惠，交防地於賴世璜黃大偉。十三年春，臧致平楊化昭佔漳州。周蔭人張毅兵攻之，洪兆麟自潮汕來會，入漳州。旋與張毅約，供粵軍軍餉，洪率軍去，猶留劉志達旅防海澄石碼。十四年二月，陳軍爲許崇智蔣介石所敗，紛紛退邊。分由黃岡大埔入永定；由詔安入平和雲霄。未幾，林虎反攻，陳軍復入粵戰。三月二十日，洪部又敗退雲霄平和，林虎洪贛邊，洪部再退上杭永定龍岩周蔭人乃劃平和永定雲霄龍岩爲陳軍防地。五月，粵省有楊希閔劉震寰之變，

崇智回省，粵軍復去閩入潮汕。十一月，蔣介石入汕，大敗陳軍：林虎、洪兆麟及陳軍殘部又入閩，分駐武平、永定、平和、雲霄、詔安各屬。十一月，蔣部東征軍第三縱隊程潛部蘇士安有自大埔攻入永定之說。而張毅以粵軍失敗，不復爲助，恐閩南叢爾地，亦將無陳軍立足地也。

粵軍最後退閩時人數：

林虎部	武平	一千五百人
洪兆麟部	平和	二千人
劉志陸等部	永定	二千二百人
陳炯明部雜軍	詔平	一千八百人
陳炯明部雜軍	雲霄	一千人
周蔭人部：		

十一年冬，周蔭人入閩時，僅有十二師一師。十三年春，收第一第二兩旅，以彭德銓董勝標爲旅長。其軍隊半出於招募，半之改編。及十三年冬，孫傳芳入浙，彭德銓隨之去，周乃增募第一團蘇珽爲旅長。十四年春，蔡成勳旅長張慶昶爲方本仁部所敗，周爲第四旅旅長。十四年春，改蘇珽部爲中央第三十混成旅，以旅長孔昭同爲中央第二十九混成旅，就獨立團陸殿臣部擴充成軍部，叛將吳大洪爲第五旅旅長，合李厚基舊部鹽緝隊曹家彥團成軍部，相繼入浙，又添募一補充旅，以四十七團團長蔣啓鳳爲旅長，郭降將陳榮標一團，及周兆瑞之獨立第二團，衛隊二團，而原屬隊何麓，亦改編爲陸軍警備隊，故除張慶昶部已入浙外，周蔭二師一師，二十九三十兩混成旅，第二第五兩旅，衛隊二團，而

李鳳翔之第三師，尚不在其列焉。

第一師師長張毅者，本直隸人，李厚基時代張汝清之營長也。原駐軍泉南。十一年秋，許崇智入閩，張汝清爲民軍所驅，張毅乃收拾其殘部，降許崇智爲團長。及許部回粵，黃大偉叛，張降於黃爲旅長。未幾，陳炯明以黃大偉爲閩粵邊防督辦，張部改稱閩粵邊防軍第一師，駐粵邊。十二年夏，臧致平攻潮汕不克，粵軍復入漳，張遂入居同安，就地籌餉，軍隊始漸擴充。自以爲北人，不願居黃下，乃通款於孫傳芳周蔭人。十三年春，逐黃大偉，降北軍，爲福建第一師師長。後因臧致平楊化昭時，爲周蔭人信用，遂奄有漳屬八縣，籌餉添兵，儼然爲閩南之重鎮矣。

第三師師長李鳳翔者，王獻臣部之旅長也。王爲李厚基舊部，久居江州。其軍隊不能戰；攻廈攻漳，始終無功。十三年，臧楊敗走汀杭，王不能禦，旋又自

殺其旅長劉祥漢。是年八月，赴省謁周，爲周所拘。李鳳翔遂受周命，代領其衆。初僅有汀州上杭，十四年，賴世璜部回贛，李接防龍岩永定，勢力稍張。及陳炯明部退兵入閩，乃復與粵軍雜處焉。

軍	隊長	官防地	備	考
中央第十二師	周蔭人	省城		
第二十三旅	李生春	省城	兼省防司令。	
四十五團	王成芳	延平		
四十六團	李天雲	上游		
第二十四旅	劉俊	泉州	原四十八團團長。	
四十七團	李寶珩	上游，省城		

四十八團		南安	
中央第二十九混成旅	孔昭同	泉州	兼與泉鎮守使。
第一團	陸殿臣	同安	
第二團		泉州	
中央第三十混成旅	蘇挺	延平	已奉調入浙。
第一團	楊恩榮		
第二團	馬瑞雲		
福建第三旅	董勝標	莆田	
第一團	馬克當		
第二團	歐陽延壽	仙游	

福建第五旅	吳大洪	莆田
第一團	曹家彥	
第二團	殷秉義	
補充旅	蔣啟鳳	惠安，省城
衛隊第一團	周從新	
衛隊第二團	陳猷	省城

以上為周之親信，共約二萬六千人。

軍	隊長官	防地	備考
福建第一師	張毅	漳州	兼漳廈鎮守使，約五千人。
第一旅	李芳池	平和，雲霄	

第二旅	田寶琴	漳州	
福建第三師	李鳳翔	汀州	約三千人。
第五旅	曹萬順	龍岩	
第六旅	杜起雲	永定	
中央第十一混成旅	王麒	福寧	約二千餘人，福建之第十鎮改編。
閩北警備隊	何麓崑	建甌	數百人。

海軍

正式陸軍之外，尚有海軍之陸戰隊。十一年，楊砥中率一營來閩。不半年，擴充為陸戰隊一混成旅，楊自為旅長。十三年四月，臧致平攻漳，楊襲取廈門，遂以為根據，分兵駐思明金門東山平潭福清連江長樂沿海各地。十四年四月十一

日，楊砥中在申被刺於寧興舟中。北京政府取消陸戰隊名義，時團長林志棠代理旅長。林乃楊之死黨，楊死，林辭職，林忠代為旅長，不奉北京命。十月，經人調解，改編為一大隊；楊樹莊為大隊長，所屬分二大支隊，仍駐原防。

軍		隊長	官防地	備	考
大隊長		楊樹莊	兼		約二千人。
第一支隊		林忠	廈門		
第二支隊		林知淵	沿海各縣		

民國軍事近紀上編終